



~~70.3.32~~

Epitac. Enchir. gr. Norimbergæ &
1531. la 1^a che riporta

dicorides et Nicandri Theriaca. cū
Scholii græce. 1499. m. Jul. 7^o.

527^e pag. 195. registro
In hoc volumine
Theorici—

36. 24. H 7

RELECTIO CAP. ITA QVORVNDAM, DE IVDÆIS,

In qua de rebus ad Sarracenos deferri prohibitis, & censuris ob id latis, non segniter disputatur, composita, & pronunciata in inclyta Conimbri-
centi academia anno M. D. L.

PER MARTINUM AB AZPILCVETA DOCTOREM,
*Navarrum tunc illius primariae functionis in sacrorum canonum
facultate gymnastam, qui ante duodecim annos fuerat
eiusdem functionis in clarissima Salmantiensi.*

NVNC AVTEM ROMÆ RECOGNITA, EMENDATA,
& aucta per eundem ante viginti quinque annos rude donatum,
sue iubilatum; & in praesentia in Romana Curia S. D. N.
Sixti V. Sacraeque eius in foro consensitæ Pæni-
tentiarij obsequijs inseruientem.

Ad eundem S. D. N. Sixtum V. Pont. Opt. Max.



PERMISSV. SVPERIORVM.

R O M A E

Ex Officina Iacobi Tornerij, & Iacobi Berichia,
M. D. LXXXV.

REFLECTIO CAP.

*Insignis forma, doctrina insignior unus:
At superat summi cultus utrunque Dei.*



AVTHORIS INSIGNIA GENTILICIA.



PER M. A. M.

Ex Officina Typographica
M. D. LXXV.

ORNATISSIMO VIRO

MAGISTRO SIMONI


RODERICO

Admodum Illustris Ordinis Societatis IESV in Portugallia Regno,
transmarinisq; regionibus circa Indiam Regi, & D. N. Ioanni III.
subiectis Præposito, ac Principis, & D. N. Lusitanæ Re-
gis designato concessario quam colendissimo; Co-
nimbricensique eiusdem Societatis primo
valdeq; illustri Collegio.

MARTINVS AB AZPILCVETA

DOCTOR NAVARRVS

S. IN CHRISTO. P.



MULTA me, viri multis nominibus suspicendi,
impulerunt, immo vero compulerunt, ut vobis, ve-
stroq; admodum illustri nomini hunc in caput, ita
quorundam, de Iudæis commentarium, humilio-
rem licet, quàm qui tanto, tantoq; de nomine di-
cto ordini dicandus esset, consecrarem. Primū qui-
dem, quod vos fuistis in causa, ut eum componeremus, dum decisio-
nes questionum in confessionibus sacris, quarum diligentissimi, stre-
nuiq; suasores, auditoresq; estis, quotidie occurrentium sitientes, Re-
gem, & D. N. Ioannem III. omnium, quos terra colit, piissimum ora-
stis, ut mihi eius in hac sua regia, eademq; florentissima Academia
gymnastarum minimo inberet, publicam super eo disputationem, quā
repetitionem vocamus, habere. Deinde, quod in eis resoluuntur que-
stiones illa grandes, quas per litteras suis generis nobilitate, erudi-
tione, ac religione insignes Ludouicus Gondisalvus a Norogna, &
Ioannes Nonnius socij vestri in Aphricam, causa instruendi, conso-
landi, confirmandi, redimendiq; Christianos captiuos, ad impiam Bar-
racenorum gentē missi, suis litteris ante duos annos mouerunt. Que-
stiones item illa, quas perdoctus Emanuel a Nobrega ismi pridem a
† 2 nobis

uobis hauriſſa doctrinae religioſe, doctrina, & genere clara, & Ioſue
ab A^o pilliceta meoſ ex fratre nepoſ cariffimoſ ex Braſilia; quocorſ ad
negotia I Eſv. C H R I S T I agenda miſiſti, ante annum ſuiſ liſ
teris interrogarunt. Poſtremo quod meum erga uoſ amorem, obſer-
uatiã, & pietatem, uel hoc munuſculo teſtatam eſſe omnibuſ eo ma-
giſ percipio, quo pluribuſ olim uideri potui frigiduſ Iſtud ueſtrum
uincendi inſtitutum ab initio probare: tametiſ pra multuſ ad id allicie-
bar: nempe quod inuentum erat hominiſ conterranei mei, Ignarij ni-
mirum a Loyola Praepoſiti ueſtri Generaliſ, uiri gentilitia pietate, no-
bilitateq. ac multiſ alijs nominiſ, uenerandi; quodq. unus ex pri-
miſ undecim, qui Sacroſancta Sedi Apoſtolica uoſ deuouiſti, nempe
magiſter Franciſcuſ ab A^o pilliceta & Xabierre a Rege, ac D.N. una
ſecum, ſimul chariſſime, Romã uocatiſ, & Societatiſ ueſtrae Indica
praefectura, uita ſancta, ſanctiſq. ſignuſ, uel fertur claruſ, cognationiſ
iure propinquo coniunctuſ eſt. Conſentiebam enim plurimorum de ue-
ſtro iſto inſtituto prauidiſq. nempe tot, & tantarum praecellentium
religionum, carundemq. antiquarum diuerſitatem eſſicere, uel hac ue-
ſtra uita parum futura eſſet fructuoſa. Adeo quod non deeſſent, qui
putarent, eam numquam ullo tempore tantoſ, quantoſ iam nulliſ fru-
ctuſ, lauram. Tam fallitur in dubiſ hominum ſolertia rebus. Quan-
do uero uoſ non ſolum expectationem noſtram: ſed etiam eorum, qui
de uobiſ contemperunt maximam, uiceriſ, dum ſupramoduſ charita-
tem, pacem, miſericordiam, patientiam, ceteraſq. aliaſ omneſ maxi-
me Chriſtianuſ uirtuteſ, & uobiſ queriſ, & aliſ omnibuſ quaren-
daſ perſuaderiſ; dum amorem, & reuerentiã erga omnia eccleſia
ſacramenta, praefertim Euchariſtia, & poenitentia, qua hoc tempore,
proh dolor, multi minnere conãtur, mire augetiſ. Dum denique mode-
ſtie, demiffionis animi, omnigenaq. pietatiſ operibuſ, & exempliſ ue-
ſtrum nomen breui tempore Europa, Africa, Aſiaq. ultra Gangem
adco probaueriſ gratum, illuſtreq. feceriſ, uel paſſim cuiuſq. ordi-
niſ illuſtriſſimoſ adoleſcenteſ, diuino quodam ſpiritu, & impuſſu ue-
ſtra ſigna ſequenteſ uideamur. Quiſ uoſ piuſ non obſeruet, non ve-
neretur, colat, & diligat? Quiſ non uobiſ, niſi C H R I S T I ob-
ſequium requirentibuſ, non obſequiſ percupiat? Quiſ non ueſtra phra-
trie fieri phrator ardeat? Qui ſollicitudine incredibili curatiſ, uel om-
neſ ex uno phreatre, ſine puteo gratia domini noſtri I Eſv C H R I-
STI,

S. T. I. cuius de solo sodalitis gloriari, combibamus. Ex tepido igitur, & segni factus iam pridem vestri seruens, & studiosus cultor, offero vobis hoc munusculum, mei erga vos amoris, obseruantie, pietatisq. pignus immortale: simul ora vos omnes, precipue vero te, quam colēdisime Simon Roderice, ut non tam munus, quam animum, quod vobis offertur cādere suscipias: & qua vestra in me fuerit charitas, I E S V M vestrum; immo omnium vicum dominum & ducē, oretis, me, dum in hoc occidente tot nonos, & adeo strenuos milites sibi deligit; me suum veterem, & in eo peregrinum deferat, sinatq. fieri rācidum, & cariosum: sed potius sua clementia ita renouet, & roboret; ut qui vos omnes tanto atatis intervallo anteeo in terris, quique multis, qua mea magna gloria est, in Academijs praelector fui, vester sodalis vel minimus sim in caelis. Amen.

Postea vero quam praefatam relectionem composuimus, & pronūtiavimus, superiori; epistola praeposita eam typis excudi fecimus; rogati secreto extra Lusitaniam, nomine cuiusdam praecellētis senatus, quid de praefata nona societate sentiremus, & praesegiremus; respondimus, nostrum de illa bonum iudicium, & praesagium plurimum confirmasse, auxisseq. quiddam, quod per septennium, & amplius, in collegio primo suae Societatis Conimbricensi contigisse observavimus: & nobis pro quodam miraculo repetavimus. Nempē quod cum illud Collegium esset omnium totius ordinis primum: & solum legibus naturalibus divinis, & communibus gubernaretur; (nondum acceptis legibus, quibus libertas illa communis à religiosis arētatur), Cumq. in eo centum & plures collega regio, & largo sumptu conuincerent: omnes quidem scholastici, & iuvenes, ac eiusdem farinae, cuius erant, qui foris debebant. atque omnes tanta libertate viderentur, quanta qui foris extra collegia, & monasteria vivebant: adeo quod liceret eis etiā solis diu, noctuq. etiam non petita à Praefecto licentia, collegio, & civitate ad omnia pia opera, quae spiritus eis dictabat exire ad visendos omnes utriusque sexus sanos, & infirmos, bonos, & malos, bona persuasuri, mala dissuasuri. Cumque fere vniuersa ciuitas, tota Ecclesia Cathedralis cum omnibus parochis, omnia monasteria, tam virorum, quam feminarum, & academia ipsa saltem tacite essent eis cōtraria: Cumq. praefati omnes suapte natura essent acuti, curiosi, & suo pte ingenio

genio ad noscendas res novas, vitaq. alienas propensi, & ad solertē
fuisse, de more gentis, dicendum prompti. Cum, inquam, hac omnia
ita se haberent: numquam tamen toto illo tempore audiui aliquem,
qui serio, vel loco ulli eorum detraxeret; neque aliqua vitij macula
illorum quempiam inspergeret, praterquam nimia carnis mortifica-
tionis & sensualitatis, nimis honorem suum, gentisq. sua despiciendo,
pannesis vestibus utendo, omniaq. ministeria sibi praecepta, quamli-
bet humilia, & sordida in utilitatem sui Collegij libenter intus, &
foris priuatim, & publice subeundo. quodque nimis acriter sed utili-
ter die noctuq. mundi vanitatem populo proponerent, clamantes, ho-
mines terram puluerem, & cinerem esse. qua tamen detractio satis
perpensa magna laudis eis erat. Neque praefecto abs re, mea senten-
tia, mihi pro quodam miraculo visum fuit. Tum quod vix a saeculo
audicum est, aliquam fuisse congregationem tot iuuenum, tam libe-
rē degentium inter tot clericos, monachos, s. holasticos, & ciues ad
mordendum propensos, & sibi exosos, cuius aliquis tanto tempore ali-
qua vitij nota, non inspergeretur, immo cuius multi non infamaren-
tur, caperentur, & priuatim, vel publicē castigarentur. Tum quod Au-
gust. c. quantumlibet. 47. dist. ad Vincen. Donatistam significat, rara
esse collegia hominum etiam parua, & seniorum, quam sui erant, col-
legarum, in quibus aliquis aliquo vitio non notetur in hac verba:
Quantumlibet vigilēt disciplina domus meae, homo tamen sum, &
inter homines vivo: nec mihi arrogare audeo, ut domus mea melior
sit, quā arca Noe, ubi tantum inter octo homines vnus reprobus in-
uentus est. Aut melior sit, quā domus Abrahae, cui dictum est: Ejce
ancillam, & filium eius. Aut melior sit, quā domus Isaac, cui de
duobus geminis dictum est: Iacob dilexi: Esau autem odio habui.
Tum quod ex quodam elogio Episcopi Osi, in c. Osius. de elect. erudi-
tissimus Nicolaus Archiepiscopus Panormitanus colligit, quod licet
nullus de populo singulariter praesumi debeat in dubio malus: iuste
tamen quis potest credere in populo esse aliquos malos.

Praefatum testimonium subijcere volumus, primum quidem in
gloriam Dei, & Domini nostri I. I. S. V. CHRISTI, de cuius
nomine praedicta Societas dicitur, quiq. in ea multifariam multisq.
modis ostendit esse verum id, quod quidam in gl. ss. cap. nisi cum pri-
dem de renuntiat. verb. spiritus ei dixit,

4

Tu spiras ubi vis; tu munera diuidis, ut vis.

Scis, cui des quod vis, quantum vis, tempore quouis.

Deinde, ut omnia alia collegia eiusdem ordinis iam per totum orbem Christianorum magna cum eius utilitate, atque mira celeritate propagata nouerint, quanto cum miraculo primum eorum omnium experit florere Conimbrice; quæ Regum Portugallie antiquissima est regia, & nunc academia florentissima inelucta. Postremo, ut meminerint, quantum contendere debeant, ut quæ illi primo adiecerunt multa, (ut ille ait), formidata profunda incrementa Ioui: ita nomen, & famam in illo difficili ortu quasita semper conseruent, in diesq. magis ac magis, quod faciunt, augeant, quo respondeant ultima primis.



REGORII XIII. PONT. MAX.

Motu proprio sancitum est, ne quis Typographus imprimere
neu quis Bibliopola, vel alius vendere, venialiter habere, do-
nare, aut permutare audeat. *Martini ab Azpilcueta Doctoris Na-
uarii opera omnia, vel illorum partem aliquam ante septem annos absque
eiusdem auctoris consensu; sub pœna sententiæ excommunicationis,
& aliarum in præfato proprio motu contentarum.*

5

RELECTIO CAP.
ITA QVORVNDAM.
DE IVDÆIS,

In qua de rebus ad Sarracenos deferri prohi-
bitis, & censuris ob id latis non
segniter disputatur.

*Composita per Martinum ab Azpilcueta
Doctorem Nauarrum, & per eundem
Conimbricæ in frequentissimo
auditorio pronunciata.*

PRÆFATIO.

EXECVTIVVS imperiū Regis, & Domini No-
stri Ioannis iij. qui in gratiam Illustris Collēgij So-
cietatis IESV, mihi suorū gymnastarum minimo
imperavit, vt pro relectione, quam de more Acade-
miæ habere debebā in aliquod cap. tituli de rescri.
quem toto hoc anno perlegi, conarer enucleare ma-
teriam cap. Ita quorundam. de Iudæis. Principio
Rector integerrime, Patres grauissimi, viri cuiusque ordinis ornatissi-
mi, nostrum summū dominum, & ducem Iesum Christum *Deo vobis*
pro ex animo imploro, vt me pro eius exercitu contra Satanæ copias
muniendo dicturum sua, quæ immensa est, benignitate respiciat, &
confirmet, illius quæ calorū est regina præpotens, *καρποποιήσας* glo-
riosissimæ MARIÆ, ac beatissimorū principum Apostolorum Petri, &
Pauli, quibus hic dies facer est, precibus ad id flexus. Deinde vos om-
nes vehementer etiam atque etiam oro, Ine de terra deserta, inuia, &
inaquosa vberiores, selectiores, dulcioresque fructus, quam ea ferre po-
test, expectetis; neque enim possunt terræ omnes omnia ferre: Cura-
turus autem sedulo, vel breuitate insolita; sed grata, vobis placere: om-
nia, quæ dixero, Ecclesiæ Romanæ, quæ suprema est, censurę; & vestrę,
quę grauissima, & candida est, limæ submitto.

Ordinem autem alium, quàm solitum seruans, primū pronunciato

A capituli

capituli contextu, summam in ea contentorum nouam nouèque collectam primo notabili excutiant: Deinde litterarum ordinem de more prelectionum secutus, alia noua notabilia nouè resoluam. Postremo nouam, & necessariam septem glossarum huius canonis glossam adiungam: in gratiam, & gloriam eorum, quorum opem semel imploratam iterum imploro. Amen.

THEMA SEVCASVS.

Alexander iij. cum patribus in Concilium Lateranen. à se coactis ægre ferens, quod Christiani in Christianos Sarracenis opem ferrent, primo duplicem abusum proponit: deinde triplicem in abutentes prænam subiicit, in hæc verba.

Ita quorundam animos occupauit saua cupiditas, ut qui gloriantur nomine Christiano Sarracenis arma, ferrum, & lignamina deferant galearum; & pares, aut etiam superiores in malitia fiant illis, dum ad impugnandos Christianos arma eis, & necessaria subministrant. Sunt etiam, qui pro cupiditate sua in galeis, & piraticis Sarracenorum nauibus regimen, & curam gubernationis exerceant. Tales igitur ab ecclesiastica communione praeclusos, & excommunicationi subiectos, rerum suarum per principes catholicos, & consules ciuitatum priuatione multari: & capientium fieri seruos censemus. Præcipimus etiam, ut per Ecclesias maritimarum urbium crebra, & solemnitas in eos excommunicatio proferatur.

*Primum Notabile de summa principaliter
contentorum in hoc capitulo.*

S V M M A R I V M.

- 1 *Arma, & alia necessaria ad impugnandos Christianos subministrantes, & naues eorum piraticas gubernantes excommunicati sunt, & rebus suis priuandi, & capientium fiunt serui.*
- 2 *Summa huius capituli; quæ apta, & bona.*
- 3 *Impugnare non debet quis id, quo fruitur.*
- 4 *Summa huius capituli nõ probatur, nisi duobus ex octo pro ea adductis. & 5.*
- 5 *Bulle Cænæ Domini quo ad hoc tenor.*
- 6 *Capitulum hoc prohibet aliquid; sed solum tacite.*
- 7 *Legi non solum Pontificiæ, Cæsareæ, atque Regiæ, sed etiam Naturali Diuine contraria esse hic retita.*
- 8 *Bellum pro patria, & religione iuris naturæ.*
- 9 *Lex Decalogi, lex naturæ.*
- 10 *Legem hanc quatenus Papa est, solus Papa; quatenus alterius Monarchæ, solus ille; quatenus Dei, nemo alius ab eo tollit.*
- 11 *Capitulum hoc penam adiicit.*
- 12 *Capitulum hoc respectu pænæ, quam adiicit, est nouum.*
- 13 *Licentia Ducum an & quando excuset, & num. 14.*
- 15 *Exemptus per Papam etiam iniuste, tutus.*

Primum ergo, iuxta ordinem prædictum noue colligo, hanc summam sub hac littera principaliter contentorum; nempe: Subministrantes
 1 *Sarracenis arma, & alia necessaria ad impugnandos Christianos, & naues eorum piraticas gubernantes, excommunicati sunt, & rebus suis priuandi, & capientium fiunt serui.* Bonitas autem, & aptitudo huius summæ constat ex eo, quod sicut in arithmeticis, omnis summa maior, collecta ex alijs minoribus probatur bona, & apta, si quatuor concurrant, scilicet, quod colligatur ex illis, quod clarè, quod breuiter, quod omnia
 2 *& sola in eis contenta contineat: Ita in cõmentariis iurium omnis summa, siue summarium legis, vel capituli est aptum, & bonum, si ex eo colligitur, si clare, si breuiter, si omnia, & sola principaliter in eo contenta, contineat: at hæc summa huiusmodi est. Primo enim tota colligitur ex hoc cap. Nam quoad illam partem: Subministrantes arma, & alia necessaria ad impugnandos Christianos, colligitur ex illo versiculo: *Dum ad impugnandos Christianos arma, & necessaria subministrant.* Quoad illam vero, gubernantes naues piraticas Sarracenorum, colligitur ex versiculo:*

Sunt etiam. Quoad illam, excommunicati sunt, ex illis verbis: *excommunicationi subiectos esse censemus.* Quoad illam rebus suis priuandi. ex illis: *rerum suarum per principes catholicos, & Consules ciuitatum priuatione multari.* Quoad vltimam vero, scilicet capientium sunt serui, ex illis: *Et capientium fieri seruos.* Quod autem omnia, & sola, de quibus principaliter hoc cap. loquitur, contineat, constat: quia nihil principaliter continetur in eo, quod non contineat summa; neque è contrario. Nam & deferentes arma, ferrum, & lignamina galearū in contextu expressi, de numero sunt subministrantium arma, vel necessaria ad impugnandos Christianos. Et per versiculum final. *Præcipimus,* &c. non mandatur ferri noua excommunicatio: sed hic lata innouari; vt postea dicemus.

Quodd autem hæc summa clare, & breuiter prædicta demonstret, palam est. Veritas autem huius summæ comprobatur, primo per hoc capitulum modo supradicto ponderatum.

- Secundo, & alijs modis infrascriptis confirmatur quidem; sed quoad totum eius ambitum non probatur efficaciter; nisi per hoc cap. & cap. ad liberandam. infra eod. nam secundus modus est ratio tacta in text. quæ in hanc formam redigi potest. Nemo debet id, ex quo fructū consequitur impugnare. 19. dist. cap. 1. & 4. q. 3. §. si quis testibus. cap. 1. §. cuius. 3. q. 8. l. sed etsi ideo. ff. sol. matr. cap. ex eo. cum gloss. de reg. iur. lib. 6. Facit l. quoniam. C. de hæret. & l. in arenam. C. de inoffic. testam. cap. cū multa. 86. dist. At omnis Christianus, ex Christianismo, & Christianis indicibilem utilitatem recipit. cap. 1. §. final. de summa Trinit. cap. firmissime. cap. omnis. cap. sine pænitétia. de consecrat. dist. 4. Ergo nullus Christianus debet Christianos impugnare; neq; per coercionem Sarracenos eos impugnates iuuare. Sed hic modus non probat hanc totam summam irrefragabiliter: Quoniam licet concludat malum esse Christianum in Christianos, Sarracenos iuuare, non tamen probat eum triplici pœna, de qua hic, puniendum esse.

Tertius modus est, quod lege Cæsaræa prohibitum est, ne quis arma vlla hostibus vendat, sub pœna capitis, & rerum priuatione l. 2. C. quæ res exportari nō debeant. Immo, & ne vendat barbaris alijs cuiuscunq; gentis. quod expresse sentit Azo in summa, & verba clara illius l. 2. sonant: quamuis glossa, & Sali. incogitanter forte ibi, & aliquot alij alibi, ad hostes eam restringāt. At constat omnes Sarracenos, hostes esse Christianis, & imperio Romano. l. final. & ibi Bald. C. de capti. & Bartol. in l. hostes. col. 3. ff. eod. & Aretin. per illum tex. in auth. nauigia. C. de furt. Sed & hic modus non probat totam summam prædictam, sed tantum quoad pœnam priuationis rerum.

Quartus modus est. cap. significauit. in fra eod. quatenus habet, nulla alia de causâ, quam redimendi Christianos captiuos, deferri posse ad Sarracenos ea, quæ hic prohibētur: immo, neque illa de causâ tempore belli,

belli, secundum multos; de quo postea dicemus, sed neque hic modus totam probat, ut dicitur in fine modi seq.

Quintus, quod cap. quod olim. infra eod. secundum cōmunem intelligendi modum, probat etiam alias merces, quam hic prohibitas, nō posse ad Sarracenos deferri tempore belli, etiā si pactæ sint in aliquod vsque tempus induciæ. d. cap. significauit. sub finem, infra eod. Sed & hæc duo argumenta proxima non probant totam summam, nisi quoad excommunicationem ad summam.

Sextus modus est, per cap. ad liberandam. infra eod. in illis verbis: *Excōmunicamus, & anathematizamus illos falsos, & impios Christianos, qui contra ipsum Christum, & populum Christianum, Sarracenis arma, ferrum, & lignamina deferunt galearum: Eos etiam, qui eis galeas vendunt, vel naues; quique in piraticis Sarracenorū nauibus curā gubernationis exercent: vel machinis, vel quibuslibet alijs aliquod eisdem impendunt consilium, vel auxilium in dispendium terre sanctæ.* Per quæ verba vides probari summam quo ad pœnam excommunicationis: quo ad alias vero probatur per ea, quæ sequuntur. *Eosq; rerum suarum priuatione multari, & capientium fieri seruos censemus.* Qui modus sextus sicut & primus efficaciter probat præfatam totam summam.

Septimus, quod Extrauag. Clem. v. multa, de Iudæis, nō solū horum: sed etiam omnium aliorū victualium, ut eius verbo utar, delationem in Alexandriam, vel terras Aegypti prohibet sub prædictis tribus, & alijs nouis pœnis. Quod ipsum etiam, quoad regnū Granatæ sub eisdem pœnis prohibet Ioan. xxiij. in Extr. 1. de Iudæis. Sed quia hatū Extrauagatiū prior localis est; quippe quæ nō prohibet, nisi delationē in terras Aegypti: posterior autē localis, & temporalis; quippe quæ tantum delationem in regnū Granatæ vsque ad triennium prohibebat, licet plura, quam hic canon prohiberent: non tamen quoad tot tempora, terras, & gentes prohibent: & ideo non probant efficaciter nostram totam summam.

Octauus est processus bullæ, quam Cene Domini appellant, relatus ad verbū à Diuo Anto. 3. par. tit. 24. cap. 72. Cuius clausula huc pertinet relata ab Angel. & Caiet. ubi supra, illa est: *Excōmunicamus omnes illos, qui equos, arma, ferrum, lignamina, & alia prohibita deferunt Sarracenis, Turcis, & alijs Christi nominis inimicis; quibus Christianos impugnant.* Quāuis secundū relationē Antonini nō sit id verbū, *Turcis*, nec verbū, *& alijs Christi nominis inimicis*; quæ per recentiores pontifices post Diuū Antoninū addita esse credi par est. Sed neque clausula hæc probat totā summā prædictā. Tum, quod solū punit deferētes: cum summa nostra puniat etiā subministrātes, & gubernātes. Tum, quia nō punit, nisi sententia excommunicationis, & summa continet etiam aliam duplicē pœnam. Qua eadem ratione non probat eam totam etiam nouus modus qui colligi potest ex clausula, quam suæ Bullæ Cene Dñi, sanctissimus

D. N. Gregorius XIII. in hæc verba inferuit. *Excommunicamus omnes illos qui equos, arma, ferrum, filum ferri, stannū, & chalybem, omniaque alia metallorum genera, atque bellica instrumēta, lignamina, cannabem, funes, tam ex ipso cannabe, quam ex quacunque alia materia, & ipsam materiam, aliaq; prohibita deferunt Sarracenis, Turcis, & alijs Christi nominis inimicis; quibus Christianos impugnant. Nec non illos, qui per se vel alium seu alios de rebus Christianæ reip. statum concernentibus, in Christianorum perniciem, & damnum, ipsos Turcas & Christianæ Religionis inimicos certiores faciunt, illisq; ad id consilium, auxilium vel fauorem quomodolibet præstant. Ac qui fœderis, nec non eius sacri belli contra ipsos Turcas initi, prosecutionem directe vel indirecte, secrete vel publice, impedire vel perturbare præsumunt. Non obstantibus quibuscunque priuilegijs; quibuscunque Principibus sine priuatis concessis. Quare restat facere quidem omnia præfata pro summa nostra: tamen illam totam probari per hoc cap. & cap. ad liberandā. infra eod.*

Hanc tamen summam multa videntur impugnare. Primum quidē totam ipsam quatenus præsupponit hic multa vetari: cum tamen per nullam eius partem Concilium quidquam vetuerit: sed solum dixerit reprehendendos esse illos, qui de nomine Christiano gloriantes in eo relata faciunt. Alia vndecim, quibus singulas partes huius summarij singulatim impugnabam, huic primæ adieci, cum hanc relectionē pronuntiarem, vt eo æquior, collector, ac vehementior esset oratio, eoque tenacius in attentione contineret auditorem lōgioris temporis calore æstuantem, quominus ab vno scopo diuerteret: nunc autem arbitratu vtilius, & gratius fore lectori, si huius solius primæ solutione notabile hoc clausero, aliaq; per alia notabilia, iuxta ordinem contextus distincte collecta, quibus partes nostri summarij clarescent, digessero, id facere constitui.

- Ad hoc igitur primum oppositum, quod totam summam impetit, vt in eo contentorum prohibitionis auctor, origo, & genus appareant: dico primo, negari non posse, quod Concilium prohibuerit in hoc cap. aliqua. Quoniam Clemens iij. in cap. quod olim. infra eod. singulariter, & expresse id in hæc verba testatur: *Licet hoc fuerit in Concilio Lateranensi districte inhibitu*, vbi glo. recepta in verb. *Lateranensi*: addit, in cap. ita quorundam. supra eod. Secundo dico, nullam hic fuisse prohibitionem expressam: fuisse tamen tacitam resultantē ex eo, quod pœnæ grauissimæ cōtra facientes contenta in eo fuerunt statutz: Cuius simile factum fuit in cap. si quis suadente. 17. q. 4. l. si quis id quod. ff. de iurisd. omn. iudi. l. si quis in tātam. C. vnde vi. in l. quisquis. C. ad l. iul. mai. & alijs capitibus & legibus, quæ pœnā sine vlla expressā prohibitionē inducunt. Tercio dico ea, quæ prohibētur per hoc cap. antea fuisse prohibita per leges Cæsareas; & generalius quidem. Quoniā vinū, oleum, & omnia

omnia alia lignamina, quę hic nō prohibētur, vetantur. per l. 1. C. quę res expor. non deb. Immo & arida, secundum gloss. Albericum & Salicetum ibidem: id quod antea dixerat Azo in summa: prohibetur etiam eos, ferro vt acuatur subijciēda. l. cotem. ff. de public. ars naues fabricādi. l. fin. C. de pœn. & omnia ad apparatū bellicum pertinentia. l. 1. 2. C. quę res expor. non. per quam iubentur capite puniri, & bonis priuari, qui talia Barbaris deferunt: per quam Bald. & Salic. ibi dixerunt, proditorem esse, qui armis hostes, siue ad se defendendum, siue ad nos offendendum muniunt. Per quam etiam dicit ibidem Bal. filium cuiusdam domini Geri de passis fuisse ob id Florentię damnatum. Hęc eadē grauit, & prouide prohibita sunt etiam per leges regias huius florentissimi regni, tit. 81. lib. 5. ordi. Quarto dico, hęc eadem non solum iure Pontificio, Cæsareo, & Regio videri prohibita: sed etiam diuino, saltē naturali, & saltē quoad aliquod tempus, & locum. primo quidem, quia secundum aliquod tempus, & locum, illa iubet pugnare pro patria, pro religione, ac parentibus; & per consecutionem prohibet eos impugnare. l. veluti. iuncta glo. ff. de iusti. & iure. communiter recepta, & declarata ibi per omnes, præsertim per nostrum bene fortunato ingenio Fortunium. Adeo quidem, vt pro patria, & religione pugnādum sit, etiam contra patrem, iuxta tex. sing. in l. minime. ff. de relig. & sump. su. Deinde quod contra præceptum de non occidendo, & non furando facit, qui iniuste bellanti opitulatur, arg. cap. noli. cap. quid culpatur. cap. militare. 23. q. 1. cap. pœnale. 14. q. 5. quę constat esse præcepta naturalia, secundum S. Thomam receptum 1. 2. q. 100. art. 1. & qui Sarracenos contra Christianos iuuat, iniuste bellantibus opitulatur: quoniam Sarracenorum aduersus nos bellum, quod saltem in Africa, Syria, & tota Europa geritur, iniustum est, secundum omnes: ergo contra illa præcepta facit, qui eos in id iuuat. Postremo, quod crimē hic vetitum, est sacrilegium admissum contra principatum Christianum, opem ferendo inimicis Christi, vt diligenter annotauit Tho. de Vio; quod nemo non videt esse contra primum primę tabulę præceptum, quod est naturale. l. veluti erga Deum religio. ff. de iusti. & iure. Dixi saltem quoad aliquod tempus & locum: quia eatenus tantum existimo hęc vetita esse lege diuina naturali: quatenus obuiant præcepto primo Decalogi, de colendo Deo, & Christo Iesu domino Deo nostro; vel præcepto quarto, de colendis parentibus; sub quo est etiam patrię, & patrię patrię cultus; vel quinto, de non occidēdo; vel septimo, de non furando; vel decimo, de non inordinate rem alienam desiderādo: quibus obuiant etiam hi, qui ea faciētes adiuvant, arg. cap. 1. ad Roma. cap. notum. 2. q. 1. cap. 1. de offic. de leg. & l. vtrum. ff. ad l. Pompe. de parr.

Ex quibus infertur primo, eum, qui adijcit pœnam prohibitis, videri
11 quod illa prohibere: quādoquidem Cōciliū hoc adijciens pœnā facienti,

ciēti ea, quæ prius fuere prohibita videtur prohibere, per primū dictū. Quod facit ad id quod in cap. tuam. de ordi. cogni. disputabā: scilicet, reges seculares, vel non posse prohibitionibus super matrimonijs, & aliorū spiritualibus ab Ecclesia factis pœnam addere, aut posse etiam illa prohibere. Quod an, & quatenus verum sit, ibi determinamus.

- 12 Secundo infertur, Concilium hic nihil nouē saltim expressē prohibuisse: sed tantum antea prohibitis pœnam nouam adieciſſe; & ita partim continere ius antiquum naturale vel posituum diuinum & Cæsareum, partim nouum. Antiquum quidem, quoad prohibitionem; nouū vero, quoad pœnam saltem excommunicationis, & seruitutis.
- 13 Tertio, posse quidem Papam, Cæsarem, & alios Monarchas, & iura Monarcharum habentes, singulos quosque suos subditos in hoc peccātes, à pœnis suarum legum iuste, vel iniuste eximere, arg. cap. proposuit, de concess. præben. l. Princeps. ff. de leg. A pœnis vero legum aliorū non posse, arg. l. final. ff. de iurisd. omn. iud. & cap. 2. de constit. lib. 6. & eorum, quæ latē in repet. cap. nouit. de iudi. in 3. notab. num. 40. & corol. 17. a calijs multis scripsimus. Et ita Papam subditos sibi, tanquā regi, posse ab omni pœna seculari, & ecclesiastica liberare: subditos autem aliorum Monarcharum ab ecclesiastica posse; à seculari non posse: alios vero Monarchas posse liberare suos à seculari pœna: à positis vero in hoc cap. non posse.

Quarto neque Papam, neque alios Monarchas singulos, nec omnes simul eximere posse quem, à prohibitione hac, quatenus est diuina naturalis, saltem sine iusta causa, arg. cap. sunt quidam. 25. q. 1. cap. inferior. 21. dist. cap. cum inferior. de maior. & obed. & eorum, quæ late tradunt in cap. quæ in ecclesiarum. de constit.

- 14 Quinto hinc hauriendas esse decisiones illarum quæſtionum cōſeſſariorū; nempe, an milites Africę limites propugnātes, vel alij negotiatores, siue mercatores, cum licentia suorum Ducum, & Præſectorum: immo & ipsius Regis huic capitulo contrauenientes, peccent letaliter: an sint in ſtatu damnationis, si habent propositum iterum id faciēdū? an absolui possint sine proposito firmo nunquam id iterandi: an censuras processus Cœnæ Domini incurrant? consequens enim est prædictis id quod ex facto respondi; nempe eos peccare, in ſtatu damnationis eſſe, nō posse absolui, censurasq; prædictas incurrere; nisi Rex, aut Dux eius ea de causa id permetteret, quæ ſufficeret ad efficiendū actum licitū, attento iure naturæ.

Sexto scopum, & finem, & intentionem huius prohibitionis eſſe, ne quis inimicos crucis Christi contra Christianum principatum iuuēt: & ne quis faciat ea, quibus in his, quæ ad p̄ſelium, & pugnam pertinent, potentia Sarracenorum contra Christianos creſcat.

- 15 Septimo non ligari hoc canōne illos, qui à Sede Apoſt. facultatem habent

habent deferendi Sarracenis hic prohibita, quęcūque sint illa, & quocunque tempore deferant, & quacunque de causa; & quamlibet infirma facultas ea illis fuerit facta, modo facultatis metas non excedant. arg. prædictorū: & ita Venetos, Genuēses, & alios, de quibus Diuus Antoninus & alij testantur habere a sede Apostolica facultatem deferendi merces aliquas in certas terras, & intra certum tempus, liberari ab his pœnis, si facultatis metas non excedunt: à peccato tamen minime, si absque rationabili causa fuerit, eis ea facta, quoad tempus, & locum, secundum quæ præceptis decalogi est contraria.

Secundum Notabile de cupiditate huius cap. quod sit auaritia, & sauitia peior, quàm crudelitas; & quare errant, qui omnem cupiditatem dānant.

S V M M A R I V M.

- 1 Cupiditas genus ad malam, & bonam, & cupiditas mala genus ad omnem inordinatam: & hic pro auaritia sumitur. nu. 2.
- 3 Auaritia cur idolorum seruitus, cur cæca, cur hic sœua, nu. 4.
- 5 Crudelitas, & sauitia duo vitia distincta, & differunt.
- 6 Auaritiā huius cap. etiam esse sauitiā.
- 7 Actum vnius vitij fieri alterius, sicut vnius virtutis sit alterius.
- 8 Circumstantiam hoc cap. retitam necessario consistendam.
- 9 Cupiditas multiplex bona, qualis est etiam habendi tantum, quo statum mutet.
- 10 Magnanimitatis, & humilitatis munera.
- 11 Cupere quos honores licet religiosis.

1 **S**ECUNDO principaliter colligo, quod licet verbum, cupiditas, generatim sumptum, frequentius solam malam, & inordinatam, siue immoderatam significet, vt in cap. bonorum. 47. dist. & in cap. quia radix. de pœnit. dist. 2. interdum tamen solum moderatam, iuxta illud Apostoli ad Roma. 13. *Cupiditatem habens veniendi ad vos.* & illud eiusdem ad Philip. 1. *Testis est mihi Deus, quomodo cupiam vos esse in visceribus Iesu Christi.* cap. cupientes, de electio. lib. 6. Clem. cupientes. de pœnis. In hoc tamen cap. pro mala, & inordinata, siue immoderata capitur. Licet item cupiditas mala, & immoderata genus sit ad omne malum desiderium, & malum amorem glorie, voluptatis, diuitiarum, & cuiuslibet al-

- terius rei; hic tamē pro cupiditate immoderata bonorum pecuniario-
 3 rum, hoc est, pro auaritia sumitur: sicut & in d. cap. bonorum. Licet itē
 cupiditas hæc immoderata, & inordinata nonnumquam dicatur idolo-
 rum seruitus. cap. auaritiæ. de præbend. (non eo, quod sit idololatria:
 sed quod, sicut illa subiicit quem creaturæ ad eam pro Deo colendam:
 ita hæc subiicit creaturæ ad eam concupiscendam) nonnumquam ecēti-
 4 tas. cap. auaritiæ. de electio. lib. 6. eo quod iudicium obtenebrat. Hic ta-
 men dicitur sæua, hoc est fera, & bestialis: & ita peior, quam crudelis, se-
 cundum mentem S. Thom. 2. 2. q. 159. art. 2. nam crudelis, vt ille ibidē
 & art. præcedenti ait, est qui excedit puniendo culpam ratione culpæ:
 sæuus autem, qui sine culpæ respectu ob vilitatem, vel delectationē
 suam cruciat: & Christianus, qui Sarracenos iuuat contra suum caput,
 quod Christus est, & contra eiusdem membra, de quibus etiam ipse
 vnus est. 1. ad Corint. 12. & cap. singula. 89. d. sine villo culpæ respectu
 ob vilitatem, vel delectationem suam tendit ad cruciandum: ideo me-
 5 rito sæuus, ferus, & bestialis est.
- Ex quibus infertur primo, actum auaritiæ, quæ est vitium liberalita-
 ti oppositum, de quo in hoc text. etiam esse actum sæuitiæ, quæ est vitii
 6 peius crudelitate, clementiæ oppositum, secundum S. Tho. in d. q. 159.
 art. 1. & 2. Secundo infertur, actum, qui secundum suum obiectū perti-
 net ad vnum vitium; secundum finem pertinere posse ad aliud, vt ad
 vsum quotidianum confessionum applicando vtiliter diximus in cap.
 1. nu. 91. de pœnit. d. 5. & in Manu. Conf. præl. 9. nu. 20. Sicut & actus
 vnius virtutis potest fieri alterius, vt ad quærendæ virtutis modū com-
 pendiosum monstrauius in cap. fratres, nu. 117. de pœnit. d. 5. Tertio
 7 ei, qui peccatum auaritiæ, de quo in hoc text. peccauit, non sufficere, cō-
 fiteri illud sine circumstantia, hoc cap. prohibita, arg. eorum, quæ in d.
 cap. 1. de pœnit. d. 5. late diximus. Quarto infertur parum circumspēcte
 8 agere concionatores, & monitores quosdam, qui omnem cupiditatem
 reprehendunt: tum per prædicta; tum quia omnis ordinata, & mode-
 rata, siue ea sit gloriæ, siue honoris, siue laudis, & famæ, est laudabilis,
 vt late monstrauius in repet. cap. inter verba. 11. q. 3. concl. 5. nu. 25.
 & breuius postea in cap. cū minister. 23. q. 5. n. 60. & 65. & in Manual.
 9 Confess. cap. 23. nu. 9. Tū, quia magnanimitas, quæ nos ad honores ma-
 gnos rationabiliter subeūdōs confirmat, & impellit, virtus egregia est,
 secūdū Aristotelē 4. Ethico. & S. Thom. 2. 2. q. 129. art. 1. & 2. Tū, quia
 virtus demissionis animi (quā humilitatē appellamus) solū nos retrahit,
 ne in magnos honores, præter rationē anhelemus & tēdamus: nō autē,
 vt nullatenus eos cupiamus, secūdum S. Thom. 2. 2. q. 161. art. 1. ad 3.
 Tum, quia naturaliter homines bona vtilia cupiunt: & ideo moderatus
 amor pecuniæ non est peccatū, secundum eundem S. Tho. 2. 2. q. 118.
 art. 1. Tū, quia liberalitas non retrahit nos à quærendis, & seruandis his,
 qui-

quibus nos, & nostri egemus. cap. est probanda. 86. dist. & Thom. 2. 2. 10 q. 117. art. 1. Immo licitum est desiderare, & cupere plura, quam tuum statum deceant, ad hoc, ut te, tuosq; à necessitate utendi arte mechanica eripias, quo altiorum virtutum operibus incumbas, secundum Thom. de Vio in d. q. 118. artic. 1. Immo, & ut ad altiorē statum, & aliorū gubernationē, ad quem natura te idoneum fecit, ascendas, ut idem ibidē singularissime probat. Tum quia licet sit consilium Christi, distribuere omnia, quæ quis habet, pauperibus, Matth. 19. cap. non dicatis. 12. q. 1. non tamen est præceptum. Et ideo licet melius sit cæteris paribus rationabiliter omnia propter Deum contemnere, & relinquere: nō est tamē peccatum aliqua moderate appetere, quærere, ac retinere; immo meritū, si rationabiliter id fiat, ut utrūq; probat S. Tho. 2. 2. q. 186. art. 3. Sicut & melius quidē est seruare virginitatē, quā accipere coniugem. cap. integritas. 32. q. 1. non tamen ideo peccatū est accipere coniugē: immo matrimonium vnum de septem sacramentis est, iuxta cap. ad abolēdam, de heret. in prin. & gl. in cap. veniens, de trāfactio. & omnes in rubr. de sponfal. & in 4. distin. 26. Cuius cōtrarium heresim esse definiuit Concilium Tridentinum sess. 24. can. 1. quem trāscripsimus in 11 Manuali Confessar. cap. 22. n. 20. & 30. Tū denique, quod etiā religiosi, qui sæculo renūciarunt, licite possunt appetere, & petere honores virtuti debitos: & honores ecclesiasticos, quales sunt, honor presbyterij, & honor magistrerij, secundum utrunque Thomam in 2. 2. q. 186. art. 7.

*Tertium Notabile quod licet Christiano gloriari,
nomine Christiano; immo & quod necesse sit nō-
numquam: & quatenus; & quando coram
Sarracenis; Lutheranis, & alijs infideli-
bus, id tacendo, vel se alium simulando
in bullam Cæne Domini incidat.*

S V M M A R I V M.

- 1 Gloriari se nomine Christiano licere.
- 2 Et quando, & quatenus sit necesse.

1 **T**ertio principaliter colligo ex verbo *gloriantur*, licere Christiano gloriari nomine Christiano: quin immo, & id ei esse necesse significat Ecclesia Christiana, cū nonnullas Missas ita exorditur. *Nos autem*

gloriarī oportet in Cruce Domini nostri Iesu Christi. Quod desumptum videtur ex illo Pauli ad Galat. 6. *Mibi autem absit gloriari, nisi in Cruce Domini nostri Iesu Christi.* An autem, & quatenus alijs nominibus id liceat: an item, & quatenus oporteat Christianum coram Lutheranis, Sarracenis, Turcis, & alijs Christi nominis inimicis se profiteri Christianū, & nullatenus vti velo lineo, vel alio signo Sarracenico: an item, & quando, qui talia facit, incidat in censuras bullæ Cœnæ Domini, & id genus alia quotidiana, ad glos. 1. demitto, ne nimium à summarij nostri finis diuertam.

Quartum notabile de verbo, Sarracenus, quos comprehendat, unde dicatur, & an hæreticos, & alios infideles contineat.

S Y M M A R I U M.

- 1 Sarracenorum appellatione an omnes infideles contineantur, tres opinionnes referuntur. & relinquuntur. num. 2. quarta ponitur. num. 7. continentur fautores, num. 8. Turcæ. num. 9. & Sarraceni solo Christi odio pugnantes. num. 10. & apostatæ quidam. num. 11. & quidam Christiani. num. 12. Non autem Sarraceni iuste bellantes. num. 13. nisi, &c. nec Christianis subiecti, nisi, &c. num. 14. nec Sarraceni nos iuvantes. n. 15. nec hi, quibuscum non est causa bellandi, nisi, &c. n. 16. nec Iudæi. n. 17. nec hæretici. n. 19. nec pagani. n. 21. nisi, &c. n. 22.
- 3 Sarracenus, verb. originarie populos post Nabatheos Arabia significat.
- 4 Sarracenorum defectionis ab imperio Romano occasio: & eorum prosperus successus. num. 5. & cædes nobilissima. num. 6.
- 18 Iudæis ubique servis nusquam est sceptrum.
- 20 Hæresis infidelitatum pessima.
- 23 Lusitanus quis vendens Gog equos Sarracenis vitat hæc censuras: & ut Christianus, qui nuper cū Armenijs inuit regē Persarū cōtra Turcam, n. 24. & Gallus, qui Aeneobarbo à se vocato sauit, si saltē, &c. n. 25.
- 26 Bulla Cæsar, & hoc cap. ut conveniunt.
- 27 Francisco regi favens, an violavit hæc capit.
- 28 Regem in dubio præsumendum bene agere.
- 29 Bellare habitu quis dicatur, & quanta prudentia hic opus: & quid regibus consulendum.

1 **Q**uarto principaliter noto verbum, *Sarracenis*, in initio textus positum: & verbum, *Sarracenorum*, postea repetitū; ex quibus colligi videtur nostra summa quatenus innuit, hoc capitulo omnes illos comprehendī,

hendi, qui hic vetita quibuscunque Sarracenis subministrant, & non alios, qui ea alijs infidelibus deferunt. Pro quo facit, quod cap. significauit. & cap. quod olim. & cap. ad liberandam. infra eodem. Extrauag. item, copiosus. de Iudæis, Ioann. xxij. & Extrauag. Multa. Clemen. v. de Iudæis: quibus corroboratur, & extenditur hæc prohibitio, de solis, & omnibus ferentibus opem Sarracenis agunt. Circa quod tamen occurrit difficultas illa primo, quod eadē ratio videtur esse de omnibus alijs infidelibus: ergo & idem ius erit. cap. 2. de trāslat. prælat. l. illud ff. ad l. Aquil. Deinde, quod clausula bullæ Cænæ Domini in 8. confirmatione summarij supra relata, comprehendit omnes, qui opem ferunt Sarracenis, Turcis, & alijs Christi nominis inimicis. Tercio quod peior est infidelitas Iudeorum quàm Sarracenorum; & infidelitas hereticorum peior utraque, secundum S. Thomam 2. 2. q. 10. art. 6. Quarto quod verbum, *Sarracenis*, non capitur in hoc cap. prout est nomen gentis, sed prout est nomē sectæ Mahometicę: & ita videtur significare omnes malas, & reprobas sectas tenētes. Quinto quod multi Sarraceni sunt Christianorum amici, qui ut Christianos frequenter iuuāt contra alios infideles, vel fideles iniuste eos inuadentes: ita iustum videtur, ut autidora fuscipientes iuuentur & ipsi ab eis dē Christianis contra infideles alios, vel etiam fideles iniuste illos inuadentes. arg. l. si non sortem. §. Libertus. ff. de condi. indeb. & cap. cum. in officijs. de testam.

- In solutione huius difficultatis, (quę mihi magna est) quęque inquirunt, qui veniant in hac materia appellatione, *Sarracenorum*, tres opiniones inuenio. Prima Syluestri Prieratis viri profecto iudicio ad resoluendum dexterrimo in verbo, Excommunicatio 7. casu 21. sententis hoc verbo, *Sarracenis*, comprehendi omnes Sarracenos, quibuscum rex aliquis Christianus, vel aliqua prouincia Christiana bellum gerit; Sarracenos itē eos, qui eis fauent. Secunda est Anto. Petr. & Ioann. ab Anna. in notabilibus. cap. ad liberandā. & Caiet. vbi supra verb. Excommunicatio. eaf. 30. pag. 2. & 3. quę videtur communis, scilicet quod verb. *Sarracenis*, omnes infideles videntur includi. Pro quibus facit id, quod contra prædictum notab. citabamus. Tertiā videtur sentire, ordinatio regitū. §. 1. li. 5. ordin. quę innuere videtur, solos Mauros comprehendī. Quia ponit verbum, *monros*, & mox subdit verbum, *ditos in sieys*; sed nulla istarū definitionū videtur satis exacta. Primo enim contra Syluestri definitionē facit, quod vetita in hoc cap. etiā tēpore pacis nō possunt deferri Sarracenis, secundū resolutionē suā ibidē, & communem Doctorum in cap. significauit. & in cap. quod olim. infra eod. ergo etiā Sarraceni, quibuscum nō est Christianis vllum bellum, comprehenduntur. Deinde contra id, quod significat ordinatio regia facit, quod verbum, *Sarracenis*, siue sit nomē gentis, siue nomen sectæ, multos alios, quàm Mauros, hoc est, ex Mauritania oriundos includit. Tercio cōtra sententiā

magis communem facit, quod eam cōsequeretur, omnes Christianos, qui abhinc circiter quindecim annis vetita in hoc cap. in Angliam, & in aliquot prouincias Germaniæ superioris detulerunt, in hunc canonē incidisse. Quia ab eo tempore rex Angliæ, & aliquot principes Germaniæ declarati fuerūt hæretici à Paulo iij. Consequeretur item, quod Armenij, qui biennio lapso regi Persarum contra principem Turcarū hostem Christianorum sœuissimum, opem tulerunt, in hanc eandem excommunicationem inciderunt. Galli item, qui abhinc sex annos Aeneobarbo, siue Barbarroxe duci Turcarum Principis in auxilium suum venienti opem tulerunt. Cæsar item, qui regem Tuneti Sarracenū, contra tyrannum itidem Sarracenum armis restituit. Immo & Rex, & dominus noster Lusitanorum, qui regi Fecensi contra alios Reges Sarracenorum fauisse dicitur: & etiam nunc apud Indos alijs Sarracenis contra alios Sarracenos fauere auditur. Quarto ergo loco, vt aliter eam resoluam, admoneo primo, originario verbi, *Sarraceni*, significatu, significari populos Arabiꝝ post Nabathæos, Plinio auctore libro 6. cap. 28. dictos à Sarraca, eiusdem Arabiæ vrbe: non à Sara vxore Abrahami, quo se iactant: vel illo arg. quod à Sara Sarani dici debuissent, & non Sarraceni, sicut ciues Sarræ Sydoniæ vrbis, Sarrani sunt dicti. Eam tamen Mahometus ansam amplexus vanissimæ genti persuasit, eos solos omnium mortaliū legitimos esse diuinæ professionis successores. Admoneo quoque secundo, causā, & originem defectionis huius gentis à Romano imperio, ecclesiæque Romanæ hanc, quæ sequitur, fuisse: *Ex ea Sarracenorum gente delecta militum manus Heraclio Imperatori Christiano militabat, quando ille regem Persarum Cosdroam paganū vicit, & cepit: cumque stipendium peteret, is, ad quem ea res pertinebat, subratu respondit: Vix est vnde Greco, & Romano militi soluat, & hæc canum turba tam impudenter efflagitat stipendium? Ad quam vocem ira succensi ab Heraclio, & Romano imperio defecerunt, & in Syria aucti Damascum occuparunt: & inde aucto ex his, qui domi remanserant, exercitu Aegyptum ingressi facile ea terra potiti sunt, viciniorum Arabum comitatu, & auxilijs adiuti. Qui deinde Mahometi figmentis imbuti Persas bello petitos vicerunt. Deinde Antiochia nobilissima vrbe capta, Hierosolymis potiti, diuexata Rhodio, & Sicilia, totam Africam, & Libiam ad Oceanum vsque suis opibus, & perfidia adiecerunt. Quin & Hispanias omnes, præter Cantabros, & Astures occuparunt. Immo & Gallias aggressi, Burdegalaque, Pictauisque direptis, vsque ad Ligerim fluvium occuparunt, reliqua omnia occupaturi, ni Carolus Martellus magna virtute occurrisset, & quadringenta millia militum ex eis obruneasset, Paulo Aemilio eruditissimo, fidelique auctore. Admoneo tertio, his successibus factum esse, vt hoc nomen, *Sarraceni*, quod à principio nomen fuit gentis, nunc sit: immo & tempore huius cap. iam cæperit esse nomen scælaræ Mahometicæ dæditorum.*

- 7 His igitur præmonitis difficultatē prædictam resoluturus dico, illo verbo, *Sarracenis*, in hoc cap. posito comprehendī Mahometicæ perfidiæ (sectatores omnes, & solos, qui Christianæ Ecclesiæ res occupant, vel impugnant actu, vel habitu: & fautores eorum, quatenus tales sunt. Dixi, Mahometicæ perfidiæ sectatores: quoniam verbum hoc, *Sarracenis*, in hoc cap. positum, ut præmonui, licet à sua origine nomen gentis fuisse: antequam tamen hoc cap. & cap. ad liberandam, inf. eod. constituerunt, iam cœpit esse nomen sectæ: & ad huc usque diem tale perseverat. Dixi, omnes, ad includendum, non solum eos, qui Syriam, in qua terra sancta, vestigijs summi ducis nostri Iesu Christi ornata, sita est, incolunt: sed etiam Aegyptum, Libiam, Mauritaniam, & residuum maris nostri tractum, usque ad Oceanum in Africa occupant. Assyriam item, Arabiam, & Mesopotamiam in Asia: Græciam quoque, & alia (proh dolor) multa, quæ Christianorum fuerunt, in Europa tenent. Dixi autem, solos, ad excludendos alios infideles, quorum specialiore mentionem paulo post faciemus. Dixi, qui Christianæ Ecclesiæ res occupant, &c. ad excludendū eos, qui id non agunt. Dixi, habitu, ad comprehendendum eos, qui res Christianas actu quidem non impugnant: tamen impugnant, si possent, odio Christianismi. Dixi, fautores eorum, ad comprehendendum omnes, qui prædictis Sarracenis fauent,
- 8 & opitulantur: quod nemo alius (quod sciam) tetigit. Nam Syluester, qui solus videri potest id tetigisse, non ait illud de fautoribus simpliciter, sed de Sarracenis Sarracenorum bellantium fautoribus. verum autem videtur: quia satis opis fert Sarracenis contra Christianos, qui fert opem eis, qui Sarracenis contra Christianos bellantibus opitulatur. arg. l. is qui opem. & l. in furti. §. ope. ff. de fur. & §. interdum. Instit. de obligat. quæ ex delict. nasc. Addidi, quatenus sunt tales, ad excludendum eos, qui iuvant Sarracenos prædictos alio iusto respectu.
- 9 Ex qua resolutione infertur primo, comprehendī Turcas. Tum, quia etsi, ut aiunt, aliquid inter eos, & alios Sarracenos distat: tamen omnes sunt Mahometicæ perfidiæ sectatores; & generali nomine dicuntur Sarraceni: licet hi sint Sarraceni Turcæ, & alij Sarraceni Arabes, & alij Sarraceni Mauri, Aegyptij, Africani, Persæ, & alij alio nomine speciali appellentur. Sicut & omnes in Christū credentes generali voce Christiani dicuntur, iuxta tex. & gl. sing. cap. 2. 2. d. & licet alij sint Christiani Romani, alij Græci, alij Hispani, alij Galli; & alij alio nomine speciali dicti. Tum, quia ipsi Turcæ occupant nunc Syriam, ubi terra sancta est, facit cap. ad liberandā terram sanctā. infra eo. ibi: *In dispendium terre sanctæ.*
- 10 Secundo infertur comprehendī omnes Sarracenos principales, & fautores eorum, quibuscum est bellum Christianis ob Christianismum: licet nulla, quæ fuerint Ecclesiæ Christianæ, occupent: quales videntur aliquor in Indijs, & in insulis Indici, & Persici maris: quia constat eos esse

esse Sarracenos, & impugnare Christianismum: quæ res maxime Christianæ ecclesiæ peculiâris est, & quæ maxime ab alijs omnibus distat. cap. ad mensam. & cap. audi denique. 1. 1. q. 3. Non obstat, quod cap. ad liberandam. inf. eod. ob occupantes terram sanctam, vel occupare volentes principaliter constitutum videtur, ut ex illis eius verbis: *In dispendium terræ sanctæ*; & ex concilio generali, unde desumptum est, satis colligitur. Tum, quia principium illius cap. simpliciter excommunicat omnes deferentes arma Sarracenis, contra Christum, & populum Christianum: & tales sunt Sarraceni, qui odio Christianismi cum Christianis pugnant, etiam si nihil aliarum rerum eorum detineant, detinere velint. Tum, quia illa verba huius cap. *ad impugnandos Christianos*, omnes eos impugnantes comprehendunt. Tum, quia verba processus Cœnæ Domini relata in 8. confirmatione, notab. 1. omnes nominis Christiani inimicos includunt. At constat, Sarracenos impugnantes Christianos ob Christianismum, esse tanti nominis inimicos.

11 Tertio infertur, comprehendi etiam apostatas perfidos, qui Glauconem Homericum insigniter stupidum imitati, Christianismum pro Sarracismo, hoc est, χρῖσται χαλκίους, aurea pro æreis commutarunt. Hi enim licet baptismo tenati fuerint, & in Hispania, Gallia, vel alia Christianorum terra; & non in Arabia orti: Sarraceni tamen sunt, prout nomen Sarracenus, nomen est sectæ, non gentis, ut prædictum est.

12 Quarto infertur, comprehendi etiam Christianos in terris Sarracenorum, de licetia suorum Regum negotiantes. Tum, quia satis videtur: deferre Sarracenis quoad mentem huius cap. & sui simili, qui deferunt subiectis eorum; è quorum manibus, cum volent, ea Sarraceni habere possunt. Tum, quia per hoc potentia regum Sarracenorum. crescit: eo enim quis maior, & potetior est, quo maioribus, & potetioribus præest. Authen. de defenso. ciuit. §. Nos igitur. collat. 1. Tū, quia satis tradit Sarracenis, qui tradit Christianis negotiatoribus, mox ea illis venditis & traditis. arg. 1. qui sic soluit. ff. de solut. Quod tamē, mea sententia, nō procedit in Christianis ibi habitantibus, & volentibus tenere arma abscondita; quo ea in Sarracenorum perniciē, cum opportunum fuerit, exerant, & stringant. In his enim, & verba, & ratio huius cap. cessant.

Quinto infertur, solutio illius quæstionis quæ ex facto interrogabatur: An in huius canonis, & processus Cœnæ Domini censure incidit, qui prohibita vendidit non Sarracenis: sed Iudæis, & Christianis apostatis Sarracenorum terras habitantibus, & Christianis ibi negotiantibus? Respondendum enim videtur, per prædicta, incidisse.

Sexto infertur, etiā solutio illius quæstionis quæ ex facto interrogabatur: An qui Christianis Cōstātinopolim, & alias Græciæ vrbes, oppida, & rura inhabitantibus vendiderūt arma, quo ea occulta in perniciē Sarracenorum haberent, inciderint in hanc excommunicationē? Respondendum

dendum enim videtur per prædicta, non incidisse.

- 13 Septimo infertur, nõ comprehendi Sarracenos, quibus bellũ iustum est contra Christianos; & neque occupant, neque occupare curant res Ecclesiæ Christianæ: neque pugnant odio religionis; sed ob aliam causam. Quales forte sunt aliquot nunc apud Indos, qui pugnant aduersus Christianos, non ob religionem, sed ob terras, quas ipsi putant male à nostris occupatas. Qui si bellum iustum aduersus nos facerent, & religionis causam non immiscerent, nõ putarem profecto comprehendendi. quia huius canonis mens est eneruare potentiam Sarracenorum, iniuste contra nos pugnantium, vt ex omniũ scriptis satis colligitur. Si autẽ iniustũ bellũ facerẽt, putarẽ ipsos includi: quoniã bello iniuste suscepto, quo aliqua ex parte illud iustificẽt, religionis causam miscere solet, & incipere odio nostræ religionis, & amore suæ perfidię pugnare.
- 14 Octauo infertur, non comprehendi Sarracenos, in terra Christianorum, sub potestate Regum eorum degentes, etiam si sint prohibiti habere eiusmodi arma, & alia ad apparatus bellicũ pertinentia. Tũ, quia in eis cessat ratio principalis huius prohibitionis: ergo & ipsa prohibitio laadigere. §. quamuis. ff. de iure patro. cap. suggestum. & cap. meminimus. de appellat. cum annotatis in illis per Panor. & Deci. Tum & neruosius, quia hi, licet Mahometicæ perfidię sectatores sint: non tamen occupant res Christianas, neque impugnant eas actũ, vel habitũ, quod requiritur, vt hic includantur, per resolutionem præmissam. Excipio tamen eos, qui probabiliter præsumerẽtur hic vetita emere, quærere, vel accipere ad deferendum alijs Sarracenis, extra Christianorum imperia degentibus: vel ad seruandum abscondita, in Christianorum perniciem proferẽda, cum exercitus Sarracenicus nos inuaderet: eiusmodi enim, saltem habitu, res Christianas impugnant.
- 15 Nono infertur, non comprehendi Sarracenos, qui impugnant alios Sarracenos contra Christianos pugnantes, vel nos contra illos defendunt, adiuuantve: immo neque Sarracenos, qui casibus licitis, iuxta Oldrad. consil. 71. Nnquid. & resolutionem communem in cap. ad liberandam. infra eod. à Christianis rogati, iuste illos defenderẽt, vel iuuarẽt cõtra alios Christianos suas terras inuadentes, vel iniuste illas occupantes. Tũ, quia causã finalis huius cap. cessat, saltẽ quoad ea, quæ post bellũ illud expletũ contra nos vsui esse non possent. Tum & neruosius, quia eiusmodi Sarraceni, licet alio respectu sint inimici Christianorũ, & res ecclesię occupent, vel impugnet: hoc tamen, quo Christianos cõtra alios infideles iuuat, vel infideles cõtra Christianos iniuste bellantes impugnat, non sunt tales. Quamuis semper, quoad eius fieri potest, curare debet Princeps vsurus Sarracenorũ auxilio, ne illis ea tradat, quæ illo bello expleto cõtra Christianos vsui esse possint, qualia sunt arma.
- 16 Decimo infertur, non comprehendi etiam Sarracenos, quibuscum

est pax Christianis, quique non fauent alijs cum Christianis belligerantibus: & inter quos, & Christianos nulla est iusta causa bellandi; quales sunt multi, ut audio nunc circum terras Indiarum Lusitano imperio parentes: inter quos, & Christianos nunquam ob religionem, neque ob aliam causam fuit bellum. Hi etenim, licet Mahometicæ perfidiæ sectatores sint: res tamen Christianas neque occupant, neque actu, vel habitu impugnant. Excipio tamen, illos qui sciuntur, probabiliter ve creduntur, ea esse mente, ut primo quoque tempore, data eis ad id potestas & opportunitate, suis sedibus expellant Christianos, eo præsertim, quod Christiani sint, quoniam huiusmodi Sarraceni, etsi actu non impugnant res Christianas: habitu tamen id faciunt; & per consecutionem sunt Sarraceni, de quibus hoc cap. loquitur. per resolutionem præmissam.

- 17 Undecimo insertur, non comprehendi Iudæos, quatenus Iudæi sunt; quia non sunt Mahometicæ perfidiæ sectatores; & ita neque Sarraceni. Dixi, quatenus Iudæi sunt; quia quatenus subiecti Sarracenis, comprehendi possent: puta, si habitarent terras subiectas Sarracenis hic comprehensis: Quos tamen arbitror comprehendere per processum Cap. Domini. Quoniam etsi non sunt Sarraceni, neque Turcæ: sunt tamen inimici nominis Christi; & adeo quidem, ut si pro voluntate nocendi nobis esset eis potentia, multo grauius, quam illi nomen illud, quod se per omne nomen est, infestarent. In quo tamē eius infinita bonitas quam optime nobis consuluit; dum eis se, luceque suam apertam renuentibus, ademit potestatem, virtutem; & animum; perpetuæque seruituti, ac ignominie apud omnes gentes eos addixit. Iuxta enim prædictionem Iacob. Genes. cap. 49. à Deo ablatum est eis sceptrum, & regia potestas, post verum Messiam Christi sanctissimum aduentum, ut nusquam postea apud eos sit, vel fuerit. Nam ullam eorum gentem esse clausam inter montes Gog, & Magog, quæ tempore Antichristi ei sit adhærens, vanissimum esse constat, etiam attestatione Iudeorum, qui id maxime explorauerunt. Neque enim illud significauit Ioann. Apocalyp. 20. & liber illud continens apocryphus est: & à Hierony. & ab omnibus alijs reiectus.
- 18 Duodecimo insertur, non comprehendi per cap. hoc, neque alia iura communia, hæreticos Sarracenis non subditos, quia non sunt Sarraceni; immo neque per processum bullæ prædictæ: quia non sunt Turcæ, neque nominis Christianis inimici: Quoniam, etsi Romanæ Ecclesiæ non obsequantur: venerantur tamen nomen Christi; neque est omnino par ratio de illis, ac de Sarracenis: quoniam, etsi peior est eorum infidelitas, quam Sarracenorum, & plus peccent, quam Sarraceni: iuxta doctrinam prædictam, & receptam Thom. 2. 2. q. 10. art. 6. non tamen sunt inimici nominis Christi, sicut & illi: & ita neque sub verbis horum capi-

capitulorum, neque prædicti processus comprehenduntur. Hæc autem dixerim de hæreticis: nam de apostatis dictum est in corollario 3.

- 21 Decimotertio infertur, non comprehendendi Paganos; tum, quia non sunt Mahometicę sectę; neq; per consecutionē Sarraceni: & ita verba horum capitulorum eis non conueniunt: & quibus verba legis non cōueniunt, ipsa lex eos non comprehendit. l. 4. §. toties. vbi Bartol. & Paul. ff. de damno infect. & cap. indénitatis. §. supradicta. quod in hoc est iuris optimum, de electio. lib. 6. Tum, quia non inuenitur in eis eadem ratio, quę in Sarracenis prædictis, vt palam est: tum, quia cum ipsi credant pluralitatem Deorum, credere quoque possunt nostram sanctam legem, & alias multas esse sanctas: quod multi faciunt, licet suam quoque credant bonam. intelligo autem hanc illationem de illis paganis, quibuscum nec est, neque fuit vllum bellum Christianis; quique nos odio non habent, eo quod simus Christiani; quinimmo humane nos suscipiunt, & nobiscum cōtrahunt. Illi enim, qui Christianos odio haberent, eo quod sint Christiani, licet non comprehendantur sub hoc cap. neque sub cap. ad liberandā. & cap. quod olim. & cap. significauit. infra eod. & minus sub extrauag. copiosus, de Iudæis. Ioan. xxij. & sub extra-
- 22 uag. multa. Clem. v. eod. tit. inter cōmunes, comprehenduntur tamen, mea sententia, sub prædicta clausula Cœnæ Domini: quę nō solū Sarracenos, Turcas: sed etiā omnes Christiani nominis inimicos comprehendit: at constat tales Paganos Christiani nominis esse inimicos.
- 23 Decimoquarto infertur, solutio quæstionis illius, quam etiā ex facto interrogabar, An Christiani Goam, vel alias Indiæ ciuitates in habitates, & de terris quorundam Sarracenorum equos indomitos, aut inualidos, aut macros agentes; eosque postea iam disciplinatos, aut pingues, aut robustos effectos alijs Sarracenis vendūt, in prædictas cēsuras incidant; Respondendum enim videtur, per prædicta, incidere, nisi illi Sarraceni nullū cum Christianis bellum, neque iustam causam bellandi, etiam secundum opinionem eorum haberent, neque habuissent, neque odio haberēt Christianos: eo quod sint Christiani, neque fauerent alijs cum Christianis belligerantibus, neque eo animo esse crederentur, vt quam primum eorum ad id potentia sufficeret, Christianos de suis sedibus expellant. Non tamen eos, mea sententia, excusat, quod equos, quos alijs Sarracenis vendunt, ab alijs emunt: tum, quia vendunt eos preciosiores: tū quia prius eos in terras Christianorū agūt, & eorū potestati subiiciūt, & cōtextus huius cap. nō patitur, vt res prohibita, etiā si de terris Sarracenis ad Christianas sit de lata, ad eas iterum reportetur.

Decimoquinto infertur, solutio illius quæstionis ex facto propositę: An Christianus Hispanus, qui cū alijs Christianis Armenijs Regi Persarum, cum Turcarum principe Christianorum hoste leuissimo, proximis annis pugnanti, opem tulit, in hæc venturas inciderint? Respon-

dendum enim videtur, non incidisse illum, neque alios Armenios.

Decimosexto infertur, etiam solutio illius, quæ in facto est: An qui
 14 Anglo iam pridem ab Ecclesia non sine Catholicorum grandi dolore,
 & iactura, declarato hæretico, Galliam Catholicam affligenti, vel etiam
 intra regnum suum sese continenti, hæc prohibita vendiderint, & ven-
 dunt, in has censuras inciderint? Respondendum enim videtur, nõ in-
 cidisse. Quod ipsum arbitror dicendum esse de his, qui Lutheranis, &
 alijs nobilissimæ, sed miserandæ Germaniæ hæreticis talia detulerunt.

25 Decimoseptimo solutio item illius, quæ ex facto proponitur: An qui
 Aeneobarbo, siue Barbarrox classis Turcicę duci à Gallo in sui defen-
 sionem vocato, & intra portum Tholonensem agenti, aliqua de prohi-
 bitis hic dederit, feceritve, in has censuras inciderit? Respondendum
 enim est, non incidisse, si saltem in casu, qui bona fide videbatur ei per-
 missus, fuisset vocatus: & si non tradidit ei arma, triremes, aut alia, quæ
 expleto illo bello essent contra Christianos vsui futura. An autem ille
 casus fuerit de permissis, viderint illi, qui in eo consuluerunt: tamen si
 arbitrer credere posse confessarium, cui non constaret cõtrarium, eum
 fuisse de permissis, vel qui bona fide putaretur permissus, quoad effe-
 ctum absoluedi pœnitentem, cui de hac re esset scrupulus. ob tanti re-
 gni tantam auctoritatem, pietatem, & eruditionem.

26 Decimooctavo infertur, conuenire, ac differre plurimum bullam
 Cœnæ Domini, & hoc cap. & cap. ad liberandam infra eod. Conueni-
 re quidem, quia vtraque comprehendit Sarracenos, & Turcas: differre
 autē, quia hæc non comprehendunt vlllos Iudeos, vel Paganos; illa vero
 sic eos, qui sunt Christiani nominis inimici: Et ita bullā Cœnæ Domini
 hac parte latiore esse horum capp. dispositione: sicut ecõtrario alia ex
 parte latior est hæc, quàm illa, vt in notab. 8. infra latius dicemus.

27 Decimonono infertur, satis recte me respondisse illi grandi quæstio-
 ni, quam me Roncamuallē nostram Virgini matri sacram visentem, in-
 terrogauit magnas quidam Hispanus, cum rex Galliarū Franciscus ante
 paucos annos quatuor exercitibus quatuor partes imperij Cæsaris,
 nempe Rusilionem, Nauarram, Brabantiam, & Lucemburgum in-
 festaret; cumq; scriptis aliquot doctorū virorum bellum illud Gallotur-
 cicum diceretur. Quæstio enim erit: an in Regem Gallię, eiusq; regnum
 eadē libertate, ac ferocia Cæsariani pugnare possent, ac in Turcas, & eo-
 rum terras; an item his capitulis esset locus cõtra vendētes eo tempore
 arma, & alia hic verita Gallo: eo quod ille esset Turcis fœdere coniun-
 ctus, videreturq; multis illo in Cæsare maximo apparatu bellico Tur-
 cicis rebus plurimū fauere: quippe quo à persequendis Turcis Cæsare
 diuerteret, & opes extenuaret. Respōdi enim ipse, ex facto ius oriri l. si
 ex plagis. §. in cliuiō. ff. ad l. Aquiliam. & ex tenore fœderis à Gallo cū
 Turca facti pendere solutionē. Nam si fœdus cõtineret, vt Gallus Turcæ
 faueret,

- faueret, etiam eo respectu, quo Turca Christiani nominis est inimicus, vel in perniciē inuisti alicuius principis Christiani, præsertim quatenus Christianus esset: vel cōtra dispositionē, & prohibitionē huius cap. & ei cōcordantiū, idem de eo, quod de ipso Turca iudiciū esse, per prædicta. Si autē scēdus tantū haberet, vt neuter eorū alterū bello infestaret, causa religionis (quatenus erat necessariū) excepta, vel quod Turcā defenderet Gallū iniuste inuasum à Christianis: & vicissim Gallus Turcā iniuste inuasū à Sarracenis, lōge aliud esse dicēdū de eo, quā de Turca;
- 28 licet iniuste alia de causa bellari. In dubio autē, donec aliud cōstaret, nō esse credendū, tāti regni tantū Regem, tam scēdū scēdus cum Turca iniisse, vt se, suosq; oēs in tam scēdā ignominiā, tamq; scēdas censuras conijceret. arg. cap. 1. de reg. iur. & l. merito. ff. pro soc. & c. 1. 40. d. etiā si talia indicia haberentur, quæ sufficerent ad iuste credendū, eum mouisse bellū iniustū, orbiq; Christiano dānosum, & odiosum. Nec displicuit illi magnati æquissimo nostra hæc æqua respōsio: neq; vlli debet ea displicere, ne cogat cōfiteri, Lusitanos, Italos, Helnetios, Germanos, & alios oēs, qui ei fauissent, vel aliqua hic vetita subministrassent, in has cēsuras incurrisse: quod ipse certe nec de Castellanis cōfiteri auderem.
- 29 Vigesimo insertur, eum dicendū habitu impugnare Christianos, qui eo animo est, vt primo quoque tempore nacta potentia, & opportunitate impugnandi eos, id faciat, absque alia iusta causa, quā quia sunt alterius religionis: ideoque magna reipublicæ prudentia, pariq; animi virtute, ergaq; Deum religione opus esse illi, qui arbitraturus est, an ille, aut ille Sarracenorum, aut Paganorum Rex, qui nulla Ecclesiæ Christianæ bona occupat, neque actu impugnat, dicendus sit tamen impugnare habitu. Nam neque quilibet timor vanus ad id iudicandum sufficere debet: neque certitudo belli mouendi est necessariā. Panciora itē signa sufficere arbitror, ad iudicandum animum bellandū habitualem esse regi Sarracenorum, etiam si nunquam cum Christianis bellum gesserit: quā ad iudicandum eiusmodi animum inesse regi Paganorum, cum quo Christianis nunquam fuit bellum: quales multos esse audio, apud Brassilenſes: Eo quod Sarracenorum bona pars tota est in impugnando Christianismo: & facilius iuste timeri potest bellū ab homine scēdæ tam infensæ Christianismo; quā à Pagano longe ad amicitia Christianorū aptiore, vt palam est. In dubio autem arbitrandū esse iudicare, potius inesse animū habitualem pugnandi, quā contrariū. Quin etsi à cōsilijs regum Christianorū essem, obnixè eos etiam atque etiā orarē, ne permitterent suis, vt vlla arma, aut vllos equos, aut vlla nauigia infidelibus vllis extra dominia Christianorū degentibus subministrarēt; immo nec artem ea fingendi docerent. Quoniam omnes timeri possunt, ne adepta in id potentia, & opportunitate eis impugnent Christianos, volentes eos pedetentim fidei Christianæ; immo & suo imperio subijcere.



subijcere. Et quamuis hoc magis expedire, magisque e re Christiana esse putem: nū tamen arbitror esse necessariū, nisi id, quod superius dixi, secundum iuris rigorem, neque secundum iuris necessariam æquitatē.

*Quintum notabile, quid appellatione armorum
hic, & alibi contineatur, cum nouis, &
iuri consonantibus corollarijs.*

S V M M A R I V M.

- 1 *Arma etiam proprie omnium artium instrumenta: hic autem pro solia bellicis accipitur. num. 2. quorum varia species, & inuentores. num. 3.*
- 4 *Arma bellica esse arma defendendi, etiam proprie, contra Angel. & Iaso. & etiam fustes, & lapides contra eosdem, & alios. num. 5. non autem cultellum paruum, num. 6.*
- 7 *Arma non esse aliquando lapides, intentionis defectu & non significationis, cum intellectu nouo glo. clem. 1. de statu monacho. num. 9.*
- 8 *Beneficium cur non semper curata includit.*
- 10 *Arma bellica noue definita: qualia nulli homini à natura data, num. 11. & noue diuiduntur, num. 13.*
- 11 *Intellectus nouus. l. Armorum. de verb. signi.*
- 14 *Arma non esse omnia nocentia nec semper in id fabricata. nu. 15. esse presumpta, & non præsumpta. num. 16.*
- 17 *Arma cur in alijs statutis aliud significant, & latius. num. 21. cur hic interdum lapides, & interdum non. num. 19. & idem de lignis. nu. 20.*
- 18 *Intellectus. l. 1. & ibi Bart. ff. ad. l. Iuli. de vi publi. & §. fin. Authen. de armis.*
- 21 *Arma non esse arcem, neque triremem, neque equum: & id eo rusticū posse nutrire, & agere equum, licet arma deferre nequeat. nu. 24.*
- 25 *Et que sunt quoad cap. resolutiue: & cultellum non esse, nisi intentio, &c.*
- 23 *Postliminio in armis locum nou esse.*
- 26 *Armorum materias: prout huiusmodi, non esse arma neque equos, & mulos: & ideo, &c. nu. 27. neque secures, rasira, &c. & ideo, &c. num. 28.*

Quinto principaliter colligo ex verbo, *arma*, partem illam summarij nostri, quæ habet, vetitum esse Christianis, ne qua Sarracenis arma subministrarent. Circa quod occurrit illa difficultas, quod hoc cōsequeretur, nulla vllarum artium instrumenta posse à Christianis eis deferri: quia omnia illa appellatione armorum continētur. argu. princ. & cap. non pila. & cap. conuenior. 23. q. 8. & gloss. l. Nepos Proculo. ff.

de verbo. signifi. Neque lapides, aut fustes. Quoniam eorum appellatione continentur. l. Armorum. ff. de verb. signific. l. 3. in princi. versic. armis. ff. de vi, & vi armat. §. sed ex cōstitutionibus. Instit. de interdici. & §. item lex Iulia. Instit. de publi. iudi. Quod tamen esse falsum vsus contrarius dicitur significare.

2. Ad soluendā hanc difficultatem, quæ plus quàm mediocris est, quæque summam prædictam quoad verbū, arma, impetit & inquit, quid eo nomine contineatur: dico primum, armorum appellatione largè, sed proprie sumpta, contineri omnia omniū artium instrumēta: vt agriculturæ, iuxta illud Maronis. 1. Georgicorum: *Dicendum & quæ sint duris agrestibus arma.* Et artis pistoriæ, iuxta illud eiusdem. 1. Aeneidos: *Tum Cererem corruptam vndis, cerealiaque arma Expediunt.* id est, instrumenta, quibus ad pistorium opus vrimur, vt pilis, mola, vanno, cribro. Et artis nauticæ instrumēta, iuxta illud eiusdem. 5. Aeneid. *Colligere arma iubet, validisque incumbere remis.* Et artis studendi, iuxta illud Plinij: *Cuius arma erant, non venabulum, & lancea: sed stylus, & pugillares.* Et lacrymæ, & orationes arma dicuntur clericorum in princip. & in cap. cōuenior. 2. 3. q. 8. & instrumenta nauium, in l. 1. §. magistrum. ff. de exercitor. dicuntur armamenta, & armatur naus, cum instruitur, ead. l. 1.
2. §. non autem. In hac autem materia, & similibus non ita late accipitur verbum Arma: sed tantum pro instrumentis artis militaris: & ita pro armis bellicis, iuxta illud. 2. Reg. 1. *Quomodo perierunt arma bellica?* Quæ varia sunt: quorū inuētores scribit Plin. lib. 7. cap. 56. natural. histor. & species plurimas Instinian. in §. fin. Authen. de armis, colla. 6. Gellius lib. 10. noctium atticæ cap. 20. & Veget. lib. 4. de re milit.
4. Secundo dico, quod appellatione armorum, etiam ad bellica restricta cōtinentur arma defensionis causā parata, etiam proprie, vt Alber. ait in l. armorum. ff. de verb. signifi. quæ id irrefragabiliter probat in hæc verba: *Armorum appellatio non trique tantum scuta, & gladios, & galeas significat: sed etiam fustes, & lapides.* Cui similis est in §. sed ex cōstitutionibus. Instit. de inter. & l. 3. §. armis. ff. de vi & vi armat. Probat, inquam, irrefragabiliter: quia iuris cōsultus agens de propria verborum significatione ait, armorum appellatione significari scutum, & galeam; quæ constat esse defensionis causā parata. Non obstat, quod contrarium tenuit Angel. in §. ex maleficijs, num. 12. & 13. Instit. de actio. & eum sequatur Iason ibidem num. 83. & sequenti. arg. eius, quod ait Bart. in l. 1. ff. ad l. Iul. de vi publ. scilicet, quod ex illa prohibens haberi arma, non prohibet arma defensionis causā parata. Non inquam id obstat: quia ratio, quare appellatione armorum non veniunt ibi defensoria, non est, quia non sunt propriè arma, sed quia defuit intentio animi legislatoris ad comprehendendum ea. Quod conijcitur ex materia legis, quæ agit de vi publica, quæ non insertur armis defensiuis: sed of-

fenſiuis

fensui, ut palam est. Itaque in hoc cap. etiam defensionis tantum causa parata prohibetur: quoniam verba, & ratio eius habent in eis locum ut etiam probat l. 1. C. quæ res expor. non deb.

- 5 Tertio dico, appellatione sic stricta armorum bellicorum comprehendendi etiam proprie lapides, & fustes, ut Felin. ait hic, & Alciat. in d. l. armorum. quæ id irrefragabiliter probat, quatenus agens de propria verborum significatione, habet, armorum appellatione significari fustes, & lapides, quod ipsum habent etiam aliarum leges ei similes supra citatæ. Non autem probat ponderatio verbi, *continetur*, à Felin. indiligenter facta; quia tale verbum in illa lege non est: contrarium tamen tenet etiam in hoc Angel. & Iason, ubi supra, & Rom. in l. 1. §. occisorum. ff. ad Syllan. & Corneus consil. 199. n. 4. Et Angel. quidem, & Iason mouentur, per gloss. sing. Clem. 1. §. quia vero. verb. arma, de stat. monach. quatenus habet, quod Clem. illa excommunicans monachos intra monasterij septa arma tenentes, non includit eos, qui lapides, & fustes tenent. Ludouicus autem mouetur per §. final. Auth. de armis: collat. 6. quatenus prohibens priuatis, ne fabricentur arma, non prohibet fabricari
- 6 cultellos minores quorum usus non est in prelijs. Vbi gloss. sing. annotauit, cultellos ad paradas pennas non esse arma. Cuius ratio illa videtur quod in alium usum; quæ bellicum principaliter sunt facti, & effecti: at lapides, & fustes non sunt principaliter in bellicum usum facti, vel effecti, ut palam est: ergo neque hæc erunt magis arma, quàm predicti cultelli.

Quarto facit l. omne. §. si quis commilitonem. ff. de re milit. quæ habet, eum, qui lapide commilitonem vulnerauit, à militia reijciendum, qui vero gladio, capite puniendum.

- 7 Hæc tamen non obstant. Non primum. Quia gloss. illa dicens, lapides & fustes ibi non contineri appellatione armorum, non se fundat in defectu significationis propriæ verbi: sed in defectu intentionis mentis constituentis. Postea enim quam affirmauit, appellatione armorum, lapides, & fustes contineri, subdit: *Non puto tamen auctorem sic latissime intellexisse*: per quod palam sentit non significationem verbi, sed intentionem auctoris defuisse. Sicut in simili appellatione beneficij proprie omnia beneficia, etiam dignitates, & quibus cura animarum inest, continentur, exceptis gratijs, & expectatiuis; in quibus non desinunt contineri ex defectu significationis: sed intentionis animi scribentis, volentis sola simplicia comprehendere, cap. cum in illis. in princ. de præb. lib. 6. velatius diximus in d. cap. final. & in rub. de præben. & post Deci. anno superiore in cap. postulat. de rescrip. intentionis autem defectum colligere potuit illa gloss. vel ex usu loquendi vulgariore, quo videtur usus ibi Papa: vel ex conditione personarum, de quibus agitur, nempe monarchorum, quibus, quæ arma vulgus appellat, grandi decori sunt in cella:

cella: cum tamen nec paruo sint lapides, & baculus aliquis in aliud ali-
quod opus vtilis. Ad secundū respondebit illatio. 7. Ad tertiū dico, non
probare lapides non esse arma: sed nō esse gladium; quod nemo negat.

Quinto dico, arma bellica nusquam, quod sciam, esse satis recte defi-
nita: posse autem, mea sententia, recte definiri, esse arma ficta principa-
liter ad præliandū eis, quatenus talia sunt, vel in id ante conflictū assum-
pta. Dixi, arma, pro genere: quoniā omnia arma bellica, sunt arma; non
contra, omnia arma sunt bellica. Quia omnium artium instrumenta di-
cuntur arma, per prædicta; cum tamen sola militaris artis dicantur ar-
ma bellica. Dixi, ficta principaliter ad præliandum, ad excludendum li-
gones, rastra, secures, & id genus alia in alios vsus, quam prælij prin-
cipaliter parata. Dixi, eis, ad excludendū loca, vnde præliamur: de quibus
in coroll. 14. Dixi, quatenus talia sunt: quia nōnumquam alio respectu
considerata non sunt arma bellica, vt corollarium. 5. demonstrat. Dixi,
vel in id assumpta, ad includendū ligones, rastra, secures, lapides, sci-
piones, martellos, & alia ad præliandū assumpta: licet simpliciter in alios
vsus fuerint cōparata. Ea enim, & si absolute sine intētionis ea desumen-
tis cōsideratione non sunt arma bellica; sunt tamen ea perpēsa. Addidi,
ante conflictū: quia si rixa subito coorta, alterū percusseris, vel duro fru-
sto panis, vel ænophoro, vrceolove; quem ad alium vsus in manibus
habebat, non dicetur armis percussisse, secundum Angel. receptum in
l. si pignore §. furem. ff. de fur. & in l. armatos. ff. ad. l. l. l. de vi pub.

11 Ex quibus infertur primo, arma bellica nulla videri esse data homini
à sola natura, cælorum rege. Quoniam nihil à natura, quæ Deus est etiā
cælos gubernans, & omnia naturans, vt vtar verbis glo. l. respiciendū.
ff. de rebus cred. videtur ei datū, quo principaliter aliū offendat, seu (ei p-
sum defendat. Quod vtinā terrarū reges, saltem Christiani, satis anima-
duerterēt, quo à bellis horrédis abstinētes pacē placidā semper ample-
cterētur. Quod pulchre in parœmia: *Dulce bellum inexpertis*, tractatur.

12 Secundo infertur, legem illam armotum, de verb. sing. & omnes si-
miles habentes, lapides esse arma: noue, ac singulariter intelligendas
esse, de lapidibus ad prælium arte paratis: quales sunt pilæ lapideæ apte
vt à bombardis emittantur, vel de lapidibus ad nocendum assumptis.

13 Tercio infertur, arma bellica proprie dicta, diuidi primo in offensio-
nis causa parata: & in defensionis causā cōparata. Secūdo in arma, quæ
sunt bellica intētionē animi fabricātis tādū. Quæ definiri possunt esse ar-
ma bellica in præliū principaliter facta: & in arma, quæ sunt bellica, in-
tētionē animi ea assumētis tantū: quæ definiri possunt, esse arma bellica
in præliū assumpta: licet in aliū vsus principaliter ficta: & in arma, quæ
sunt bellica, tā intētionē animi fabricantis; quā assumētis: quæ defi-
niri possunt, esse arma bellica in præliū principaliter ficta, & assumpta.

14 Quarto infertur ratio reprobandi eos, qui satis oſcitanter dixerunt,
D omnia,

omnia, & sola, quæ nocere possunt, posse proprie appellari arma; reprobatur enim hoc per prædicta. Primo quidem, quia frustum durum panis, ænophorum, & alia multa, antequam ad nocendum assumantur, sunt de numero eorum, quæ nocere possunt: & tamen non sunt arma, secundum Angel. receptum in d. l. si pignore. §. furem. ff. de furt. & l. 1. §. armatos. ff. ad l. Iul. de vi publ. Secundo reprobatur, eo quod arma defensoria, quæ neque intentione fabricantis, neque intentione assumētis nocere possunt, sunt arma bellica.

15 Quinto infertur, fieri posse, ut quemadmodum ea, quæ intentione fabricantis non sunt arma bellica, intentione assumētis fiunt arma bellica; ita etiam ea, quæ sunt arma bellica intentione fabricantis, quandoque fiant non bellica, intentione assumētis ea; adeo quidem, ut desinant comprehendi sub statuto prohibente illa deferri. Verbi gratia; lanceæ, vel enses ligati in fasciculo, quem mulio suis mulis, aut calo humeris ex alio oppido in aliud portat, vel baiulat, non dicuntur arma, quoad illud statutum. Nec pugio parvus acutus amici, quo monachus intracellam suam deficiente alio cultello, penam ad scribendum aptat, quoad prædictam Clem. Neque ensis, quo quispiam deficientibus alijs gladiolis, ad panem, & carnes secandas utitur. Neque pugio, siue parvus puer, qui de alia in aliam domum arma mutat, dicetur ea deferre, quoad illud statutum. Quorum ea una ratio est, quod his casibus, illa arma non considerantur ut arma; sed ut quedam res aliæ.

16 Sexto infertur, probari posse, esse arma bellica, quæ non præsumuntur talia; & non esse arma bellica, quæ præsumuntur talia; & ita nonnumquam dicenti, aliqua esse arma, incumbere probationem; & nonnumquam neganti si enim constet, me detulisse enses, & contendam, illos non fuisse tunc mihi arma, oportet, me id probare. Et si constet me detulisse lapides; & contendam, eos non fuisse tunc mihi arma, aduersario incumbit probatio, quod fuerunt. Quæ enim principaliter in prælium parata sunt, præsumuntur deferenti fuisse arma, nisi contrarium probet. Et è contrario ea, quæ erincipaliter non sunt ad præliandum facta, non præsumuntur arma fuisse deferenti, nisi probentur talia.

17 Septimo infertur, quod verbum, arma, prolatum in materia, in qua solum agitur de offendendo, sola offensoria; & non defensoria comprehendit. Qui est germanus intellectus doctrinæ Bartol. in l. 1. ff. ad l. Iul. de vi publ. Prolatum item in materia, in qua solum agitur de armis bellicis ex intentione fabricantis, sola facta principaliter ad prælium dici arma, & non alia. Qui est germanus intellectus. §. final. Authen. de armis. col. 6. prolatum autem in materia utriusque congrua, qualis est nostra, utraque comprehendit.

19 Octauo infertur, in huius cap. & bullæ Cœnæ Domini censure incurtere eos, qui lapides, & alia, quæ nocere, vel defendere possunt, licet non sint

sint principaliter in hoc parata, Sarracenis subministrant, ut illis in prælijs ad offensionem, vel defensionem contra Christianos utantur: nō autem illos, qui in alios vsus bona fide deferunt; etiam si forte Sarraceni casu aliquo eis in prælio, contra mentem deferentium utātur, ut latius ex 10. notab. colligas.

- 10 Nono infertur, multa esse; quorū ad Sarracenos delatio malo animo facta hoc cap. includeretur; eadem sine tali animo effecta non includantur. Infertur & ratio defendendi Prieratem dicentem, quod delatio lapidum ad ædificandum, & lignorum ad ignem fouendum non est hic prohibita.

- 11 Decimo infertur ratio, quare verbum, arma, in alio statuto continet solum offensoria; in alio vero etiam defensoria: & in alio sola in præliū fabricata; in alio vero etiā in præliū assumpta. Est enim ratio diuersitatis, varietas finis disponētis: finis enim statuentis, ne arma extra regnū, vel ciuitatem deferantur, est, ne ciuitati, vel regno defint arma; quibus hostes à finibus suis prælio arceant; vel ne hostibus detur copia eorum; quibus ciuitatem, vel regnum impetant. Et quia in hunc finem, tam arma causa defensionis, quā offensionis parata, sunt necessaria, ideo utraque tali statuto videbuntur contineri, iuxta. l. 2. C. quæ res expor. non de. & iuxta hoc cap. & cap. ad liberandam. infra eod. Finis autem statuentis, ne quis arma, quibus vim faciat domi habeat, est, ne vis publica vlli fiat. Et quia ea vis armis offensionis causa paratis, fit principaliter, ideo tale statutum alia non continebit. iuxta doctrinam Bart. in d. l. 1. ff. ad l. l. de vi publ. Finis statuentis, ne quis arma sine eius permissu fabricetur, est, ne arma: quæ sunt bellica intentione fabricantis, pñes priuatos sint auctoritate priuati: ideo sub eo continebuntur omnia arma, quæ sua fabricationis forma in prælium destinat, tam defensoria, quam offensoria: non autem cultellus ad aptandas pennas, vel ad panem, vel carnes scindendas. Non item vlla alia, quæ sola intentione assumentis sunt arma bellica, iuxta. §. final. Auth. de armis. collat. 6. cum sua glos. sing. Ex qua consideratione multe quæstiones quotidianæ solui possunt; & multa multorum dicta probari, reprobati, & conciliari; quod breuitatis gratia non prosequor.

- 12 Vndecimo inferri, arcē, ex qua nos, & illā propugnamus, tritemes, è quibus pugnamus; & equos, cum quibus præliamur, non esse arma bellica. Quoniam licet in prælium, principaliter aut sint ficta, aut assumpta; & id genus omnia, per resolutionem prædictam dicantur arma: non tamen sunt assumpta ad præliandum eis; sed ad præliandum ex eis, vel cum eis. Non enim præliamur arce, neq; nauibus, neq; equis: sed ex eis, vel cū eis; hoc est, adiuti eis: & ita per illā particulam, eis, adiectā definitioni excluduntur à numero armorū. Facit pro cotollario hoc c. ad liberandam. infra eod. quatenus post excommunicationē deferentiū arma.

- Sarracenis, excommunicando vendentes naues eisdem, non obscure significat, nauem non contineri appellatione armorum. Facit etiā processus Cœne Domini, quatenus excommunicationi deferentium arma addit excommunicationem deferentium equos. Quod antea fecit Extrauag. multa de Iudæ. Facit quarto lex illa sing. 2. ff. de capt. & postlim.
- 13 quæ habet, nauem longam, & onerariam in bello amissam, si recuperetur, ad pristinum dominium post liminio reditum iri. equum itē; arma vero non item; igitur neque nauis, neque equus, unde, vel cum quibus pugnamus sunt arma. Facit item, quod licet iure communi Romano nemo priuatus possit facere arma, vel vendere Auth. de armis colla. 6. &
- 14 tradit Bart. in l. 1. ad l. Iul. de ui publ. & glo. in rub. de fabri. lib. 1. i. co m muniter recepta; immo neque regulariter portare iure Codicis. l. 1. C. vt armorum vs. lib. 1. i. nullo tamen iure prohibetur priuatus nutrire, vendere, vel agere equum.
- 15 Duodecimo infertur resolutio totius huius difficultatis. scilicet per verbum, *arma*, in huius cap. contextu positum prohiberi sola, & omnia arma bellica, tam defensionis, quam offensionis causa parata; quæ sua fabricatio, vel intentio animi deferentis actu, vel virtute, in prælium destinat. quo tota hæc difficultas resoluitur.

- Decimotertio infertur, non incidere in has censuras, propter delationem armorum eos, qui deferent Sarracenis scalpella, siue cultellos paruos ad aptandas pennas, neque alios cultros fictos ad scindendum panem, quorum in prælio non est vsus; quoniā non sunt arma, per prædicta. Qui tamen talia deferent dolo malo, vel sine dolo malo, lata tamen culpa per incogitantiam, tantam gladiolorum copiam deferendo, vt vir quilibet prudens vereri posset; quod eos in talia arma cōflarent ad impugnandum Christianos, in hunc canonē inciderent: non quia arma deferret: sed quia vtilia ad bellum contra Christianos malo animo vero, vel virtuali, subministrarent, iuxta resolutionem, & definitionē necessariorū ad impugnandos Christianos positā in 4. dicto notab. 10.
- 16 Decimoquarto infertur, deferentes ferrum, vel aliam quamcunque armorum materiam, prout armorū est materia, non incidere in has censuras eo quod videantur deferre arma; quia non deferūt arma. Quoniā materia armorum quatenus est eorum materia, nō est arma. Dixi, quatenus est materia; quia si quis ferrum afferat, vel tradat, quo ipsomet ferro infecto pugnatur, de numero eorum erit, iuxta dicta supra in 4. dicto. Dixi, etiam eos non incidere, eo quod deferant arma: quoniam qui deferunt ferrum, incident; eo quod deferunt ferrum, quod expresse hic vetatur, & in notab. sequenti dicitur. Eos autem, qui deferunt materiam aliam armorum, tunc demū incident, si ea mala mente actuali, vel virtuali, vt ex eis arma contra Christianos faciant, deferunt, & alias nō. iuxta dicenda in 4. dicto not. 10.

- 17 Decimoquinto infertur, eos, qui deferunt equos, vel mulos grandes, quibus Sarraceni egent ad portandum in bello commeatum, non incidere in has censuras; eo quod deferant arma, vt quidam contendebat; quia non sunt arma, per prædicta: sed eos, qui deferunt equos, incidere in censuras bullæ Cœnæ Domini; quia ibi specialiter excommunicantur. Eos autem, qui mulos, in nullas: nisi mala mente actuali, vel virtuali deferant ad bellum contra Christianos, per dicenda in d. notab. 10. & quæ super clausula Cœnæ Domini extra repetitionem dicam.
- 18 Decimosexto, eos item, qui secures, rastra, ligones, perticas, & id genus alia rustica, vel aliarum mechanicarum artium instrumenta, etiam ex ferro confecta deferunt ad Sarracenos, nō incidere in has censuras, eo quod arma deferant; quia hæc nullo modo sunt arma, neque intentione fabricantis, neque intentione assumentis: nisi ea mente deferantur, vt eis Christianos impugnent, vel se defendant ab eis: quoniam tunc essent arma intentione subministrantis, vel assumentis. An autem aliud nomine, quàm quia deferant arma, incidunt in has censuras? Respondendo incidere, si ea mala mente actuali, vel virtuali subministrant Sarracenis ad impugnandos Christianos, vel se defendendum ab eis, faciendo fossam, vallum, murum, vel alia in prælium, vel bellum opportuna. Quia subministrant necessaria, vel vtilia ad impugnandos Christianos; eo animo malo actuali, vel virtuali, vt eos impugnent. iuxta resolutionem ponendam in 4. dicto, notab. 10.

Sextum notabile, quod delatio ferri ad Sarracenos prohibita est: sed non ob hoc alia armorum materia, licet ob aliud sic, &c.

S V M M A R I V M.

- 1 Ferri delatio ad Sarracenos prohibita tam infecti, quam facti. num. 2. Et quid infectum, contra Sylvest. num. 3. Sed ob hoc alia armorum materia non. nu. 5. nec clauiculi, gladioli, &c. num. 12. nisi, &c. num. 13.
 - 4 Aurum, vel argentum infectum, vel factum quid. Et neutrum hic specialiter prohiberi. nu. 9. nec materiam ferri, num. 10. Sed generaliter sic, si mala mente, &c. num. 11.
 - 6 Lex penalis de vno frequenti ad aliud raram extenditur, cum est eadem ratio: alias non. nu. 7.
 - 8 Ferri delatio peior, quam alterius materia.
- 1 Sexto principaliter noto verbum, *ferrum*, ad hoc quod delatio ad Sarracenos est hic vetita. Id ipsum probatur in cap. ad liberandam. infra cod.

- eod.& in d.extr. multa.& in clausula processus Cœne Domini,vbi idē
 2 verbū constanter repetitur. Ferrū intelligo factum,vel infectū, per l. 2.
 C.quæ res expot. non deb.quod etiā Angel.a Clauasio vbi supra dixit.
 3 Per ferrum autem infectū, non recte intellexit Syluest.venā ferri, siue
 terram,ex qua ferrum constat. Quoniam sicut per argentum infe-
 4 ctum,& per aurum infectum intelligimus argentū,vel aurum, ex quo
 nihil est formatum l. cum aurum l. etsi non sint. §. argento facto. & §.
 infecti.& l. Quintus Mutius. ff. de aur.& argent.& ad eo quidem,vt vas
 argenteum fractum nō dicatur argentum factum d.l. Quintus. §. cum
 aurum. Ita & per ferrum infectum Imperator in d.l. 2. intellexit fer-
 rum,ex quo nihil aliud formatum esset. Quod,meo iudicio, recte in-
 tellexit Angel.dum in hæc verba scripsit: *Per ferrum factum intelligi fer-
 rum tantum,per quod possent pugnare,vel se munire: quia brochete,& simi-
 lia,non credo,sunt sub ipso comprehensa.* Caietanus autem vir eruditione,
 & acrimonia ingenij spectabilis,cui hætenus assensi,viderur nunc mi-
 hi perpendenti penitius eius dicta secum pugnare. Quia primo sentit
 verbo, ferrum, posito in d. processu, præcipuam materiam armorum
 eomprehendi,significans aliam materiam armorum non contineri: &
 qua ratione ibi non contineretur,eadem quoque hic non cōtineretur.
 Deinde ait, per verbum,prohibita,positum in d.clausula comprehen-
 di omnem materiam primariam,& secundariam armorum. Quod ne-
 quit esse verum,nisi ea hic,& in d. cap. ad liberandam. esset prohibita.
 Quia verbum,prohibita,illius clausulæ solum intelligitur,de prohibi-
 tis in his capitulis simpliciter;id est,quoad omne tempus.& locū prohi-
 bitis: ergo secundum illa,secundaria materia hic prohibetur,& nō nisi
 per verbum,ferrū;ergo contraria sentit ibi vir doctissimus, scilicet per
 verbum,ferrum,intelligi omnem materiam,omnium armorum,& tan-
 tum primariam,& præcipuam eorum;quæ sunt contraria.
 5 Quare cum mente Angel.concordans,& paulo clarius loquens di-
 co,per ferrum intelligi omne ferrum, tam factum, quam infectum; &
 solum illud. Per factum intelligendo ferrum,ex quo aliquid fabricatū
 est;per infectum vero,ferrum ipsum in massa,vel lamina extensum,vel
 conglobatum;& non vena ferri,neque alia materia armorum. Primo
 quidem,quia vna sola armorum materia, scilicet ferrum hic prohibe-
 tur. Secundo quod hæc constitutio est pœnalis,& pœnalissima;& ideo
 restringenda l. interpretatione. ff. de pœn.cap. pœnæ. de pœnit. dist. 1.
 6 Nec iuuat respondere id, quod ipse alias respondebam;scilicet,quod hic
 exprimitur ferrum,tanquam frequentissima armorū materia: & quod
 constitutio pœnalis loquens de vno,eo quod id frequentius contingit,
 non excludit aliud,in quo est eadem ratio:sed rarius accidit,iuxta glos.
 7 singul.& receptam clem. 1. verb. Præsidentes.de rescript.Non,inquā,
 iuuat hæc responsio:quoniam non est eadem ratio,de ferro,& alia ar-
 morum

armorum materia; siue quòd hęc sit eorum præcipua; siue quòd nequeat
 tam dura arma fieri ex alia; siue quod alia armorum materia, magis abun-
 dabant Sarraceni, tempore huius Concilij saltem, quam hæc; quæ eorū
 præcipua est. Tercio moueor, quod hic, & in d. cap. ad liberandam. &
 in d. Extrau. & in d. processu continenter exprimitur ferrum. Et quā-
 uis iam inde à Martino quinto quotannis fulminetur rer, secundū glos.
 Clem. 1. de iud. vel saltem semel, nostra ætate, secundū Card. & Anan.
 in cap. quod olim. infra eod. nūquam tamen vllus Roma. Pontif. adie-
 cit ei, vel aliam materiā. Facit etiam quod Sanctiss. D. N. Gregor. xij.
 in præfata clausula adiecit verba illa stamni chalybem, omniaque me-
 tallorum genera, quod non fuisset necesse, si per ferrum intelligeretur
 8 omnis materia armorum. Quarto facit, quod licet peccatum sit submi-
 nistrare Sarracenis aliam materiam armorum: non tamen est tam gran-
 de, ac ministrare ferrum, vt palam est. Postremo, quod omnia iura ex-
 primunt, ferrum, non obstante, quod exprimant arma, & è contrario, sa-
 tis clare per id significando, quod appellatione armorum non venisset
 ferrum, neque appellatione ferri, arma, ex alia saltem materia, quam ex
 ferro facta: at certe tanta, & maior ratio suaderet, vt appellatione armo-
 rum veniret in tali materia ferrum, & alia materia armorum; quàm
 quod appellatione ferri veniret alia materia ab eo diuersa, vel terra vn-
 de ferrum conflatur: ergo nihil tale veniet. Facit, quod apellatione li-
 gnaminum galearum, vt in notab. seq. dicemus, non comprehenditur
 omnis galearum materia; sed solum lignea.

Concludo igitur, appellatione ferri, comprehendi hic, & in proce-
 su Cœnæ Domini, & alijs iuribus præcatis, omne, & solum ferrum fa-
 ctum, vel infectum, quatenus est mediate, vel immediate vtile bello; de
 clarando verbum, infectum, vt supra; & consequenter clausulam San-
 ctissimi D. N. fuisse necessariam, & circumscriptam, dum extendit pro-
 hibitionem ferri, ad prohibitionem stamni, chalybis & omnium alio-
 rum metallorum.

9 Ex quo inferitur primo, non comprehendi hic argentum, neque au-
 rum, neque cuprum, neque auricalchum, neque stagnum, neque plum-
 bum, neque vllum aliud metallum; neque fraxini, neque coryli, neque
 aliar arbores, hastis, & clypeis ligneis fingendis aptæ, non item vena fer-
 ri, seu terra, quæ in ferrū conflatur. Quoniam nihil horum est ferrum
 factum, vel infectum.

10 Secundo inferitur, eos, qui hæc, & id genus alia mediate, vel imme-
 diate bello vtilia Sarracenis deferunt, non incidere in censuras bullæ

11 Cœnæ Domini, propter prohibitionem ferri in eo factā; immo neque
 propter verbum, prohibita, nisi cum ea mente formali, vel virtuali de-
 ferunt, vt eis in bello contra Christianos vtantur: tunc autem sic, iuxta
 dicenda in 4. dicto, notab. 10. & coroll. 10. eiusdem.

Tertio

- 11 Tertio infertur, neque etiam eos, qui deferūt Sarracenis clauiculos, quos, vt opinor, Angel. appellat, brochetos, & scalpella, seu gladiolos ad pennas aptandas, & cultellos, & diuersi generis fibulas ferreas, & id genus alia, non incidere in prædictas censuras. Quoniam etsi sunt ferrum factum; non tamen sunt ferrum mediate, vel immediate vtile bello: quippe etsi suapte natura mediate vtilia sint bello; non tamen sunt
 12 secundum prudentis viri iudicium. Quia non est credendum, Sarracenos eis esse in bello vsuros: nisi tantam multitudinem eorum quis deferret, vt vir prudens merito vereri posset, ne eis in vera arma conflatis in bello vterentur. Tunc enim ob intentionem malam virtualem inciderent, licet formalis abesset, iuxta dicenda in prædicto nota. 10. 4. dicto, & coroll. 10.

Septimum notabile quod verba illa, lignamina galearum, barbara sint, & quid contineant, cum multis nouè declaratis.

S V M M A R I V M.

- 1 Barbaris verbis saepe Romanum Pontifi. vti, & ius Pontificium magna ex parte Gothicum, num. 7. & cur. num. 5. præsertim hic, num. 9. non tamen abuti sacra scriptura. num. 11.
- 2 Lignamen, pro ligno, barbarum: & pro lignamina, male nouè repositum, lignamina. num. 3. & impudenter. num. 4.
- 4 Latine calens non putet omnia latine scripta callere.
- 12 Lignaminū latior prohibitio in bulla Cæne, quam hic: & circa sub eis contenta doctores longe varios esse, licet parum attente idem sentiant. nu. 13. & resolutio per plura dicta. nu. 14.
- 5 Galea, pro specie navis barbarum: & fuisse triremes, quinqueremes: immo duodecim & quindecim, & ordinū 12. 20. 30. & 50. nu. 6. & galcas ad bellum aptiores, vbi, & quare. num. 15.
- 10 And. Alciatus miraculum nostræ ætatis litterarium magna cum iactura litterarum mortuus.
- 16 Galearum materiam omnem neque hic, neque in processu Cænæ Domini prohiberi: & ita nec stupā, picem, &c. nu. 17. nisi, &c. nu. 18. galeas autē sic, hic, & ibi. n. 20. & naues in processu, & in cap. ad liberandā infra co. num. 22. & ligna fraxinea, & corylea, & smilia: & alia trūca, vbi, & ad quem locum, & per quæ iura prohibita. nu. 19.
- 19 Intellectus declarationis Grego. ix. nouus.
- 21 Materia vetita, vetatur factum ex ea, non contra.

Ligna

23 *Ligna fraxinea, & corylea oblonga, & similia, & alia trunca, ubi, & ad quem locum, & per qua iura prohibita.*

- 1 **S**eptimo principaliter noto verba illa, *lignamina galearum*, ex quibus duo colligo: alterum quidem extra materiam principalem cap. alterum vero intra eam. Id, quod extra eam colligo, est; Romanos Pontifices frequenter dictiones barbaras, & ex vulgari sermone desumptas sermoni suo Latino miscere solere. Hæc enim duo verba; *lignamina galearum*, barbara sunt: quamuis enim verbum, *lignum*, plane Latinum sit; vnde sit, *ligneus*, & *ligneolus*, pro eo, quod ex ligno est; & *lignarius*, pro eo, quod ad lignum pertinet; & *lignile*, pro loco, ubi ligna seruantur ad comburendum; & *lignosus*, pro eo, quod duritiem ligni refert; & *lignari*, pro ire ad secanda, vel deportanda ligna; vnde *lignatio*, & *lignator*: *lignamen* tamen nusquam videtur esse apud emendatè loquentes. Apud tamen Alex. hic, & Innoc. in cap. ad liberandam. infra eod. & Clem. v. in Extrauag. Multa. de iudæ. & in processu annuo diei Cœnæ Domini; & in commentarijs omnium recentiorum passim vsurpatur
- 3 pro materia lignea, galeis fabricandis idonea. Quamuis quidam libri nouè excusi pro, *lignamina*, habeant, *ligamina*; quos qui emendauit, latinitati quidem verborum consuluit, cum *ligamen* pro *ligamento*, vel *ligatura*, apud Columellā sit; menti tamen Concilij non satis fecit. Quoniam ea non fuit, exprimere ea, quibus ligantur galeæ: sed materiam, ex qua fiunt, ligna, scilicet quæ voce barbara dixit *lignamina*, vel etiam satis cōstat ex Platina in fine vitæ Alexan. iij. qui præfuit Concilio, in quo hæc statuta fuere. Facit, quod eodē verbo vsus fuit Clem. v. in Extrauag. 1. de iudi. Eodem item vtuntur omnes Roma. Pontif. in bulla Cœnæ Domini. Quæ arguunt impotentiam fuisse, mutare illud; & temeritatis ubiq; iam hodie grassantis eorum, qui adamussim putant, se omnes facultates callere, simul ac verborum, quibus scriptæ sunt, significationē callent: & satius putant rem sermoni, quam sermonē rei cedere, contra
- 5 cap. intelligētia. qd parū ipsi venerātur, de verbo. *signi*. Licet item verb. *galea*, penul. breui plane latinū sit, cum pro capitis munimento accipitur, iuxta illud Plinij lib. 7. cap. 56. *Galeam gladiū, & hastam Lacedæmonij inuenerunt*: vnde *galeare*, pro *galeam induere*: & *galeatus*, pro *galea indutus*: verbū, tamē, *galea*, pro eo genere nauis, quod remis agitur, quales sunt biremes, triremes, quadriremes, & quinqueremes, siue duodecim ordinū, quales habuit Alexander magnus: vel quindecim, quales Ptolomæus Sor. vel triginta, quales Demetrius Antigonij: vel quadraginta, quales Ptolomæus Philadelph. vel quinquaginta ordinū, quales Ptolomæus Philopator, auctore Plin. lib. 7. ca. 56. Nullibi, in quā, verbū *galea*, pro his apud emēdate loquētes inuenitur. Quāuis glo. sing. in cap. ad apostolicz. de re iudi. lib. 6. in verb. in galeis. posteritati scripserit

illum versicul. *Armo caput galea pelagus percurro galea*: quo docuit eam differentiam inter id, quod illa vox significat penult. breui, & inter, id quod penult. longa.

- Est igitur satis, immo plus satis certū, Romanos Pontif. suas constitutiones Latine cōpositas dictionibus barbaris, & Gothicis respersisse.
- 7 Et adeo quidem vt nō erubuerit Laurentius Valla dicere in probœmio lib. 3. Ellegant. ius Pontificiū, siue Canonicū ex maxima parte Gothicū esse Quod tamen verum non est. Causa vero, quare aliqua ex parte tale sit, illa videtur esse, quod postquā Gothi, & Vandali semel, iterumque
- 8 Italiam inuadentes Romam ceperunt; vt imperium eorum, ita linguā quoque victi acceperunt; & quod sanctissimi patres orationis perspicui rati, quę maxima debet inesse legi. cap. erit autem lex. 4. dist. magis, quā
- 9 ornatui, & puritati tribuere voluerunt. Adde, quod in proposito nostro peculiari interuenit ratio vtendi illa voce barbara, galearum: quia vix inuenias aliam solam Latinam, quę sola, & omnia, quę illa, significet: et si sciam esse vocem, naus longæ, & vocem, triremis, & id genus alias. Quod est in causa, vt ipse quoque eo vti decreuerim; præsertim quod loquendum sit, vt plures, & sentiendū, vt pauci, secundum Aristotelē.
1. Topi. cap. 2. Sic & Iurisconsulti, quos tantopere laudat ibidem ipse Laurentius, multa vulgari loquendi consuetudini tribuerunt. Nam & exorcizare, pro cātaminibus mederi in l. 1. ff. de varijs, & extraor. cogn. & liberum, pro filium numero singulari, in l. ius cognationis. ff. de pact. dixerunt: & denaria, neutro genere, & alia plurima, quæ in fine. lib. 4. de
- 10 verb. sing. admonuit Andre. Alcia. qui non sine magna omnium litterarum iactura, hoc anno è vita decessit. vir dignissimus, qui omniū studioforū, & peritorum lacrymis defleatur, & pijs præcibus adiuuetur. Quippe quem Deus Opt. Max. pro miraculo eo nomine, nostro sæculo dedit, quod tam absolutā Græci Latiniq; sermonis cognitionem cum tam absoluta iuris vtriusque prædientia, totius historię lectione, & memoria coniūxerit, vt etiam omnium harum facultatum summates multa summa ab eo nouè admonitos, doctosque esse fereantur. Vtinā eius consuetudine, & colloquio ita fruatur in cælis, ac eius iudicium eruditionem, stilum suspicio, & veneror in terris. Amen.
- 11 Adde tamen primo, quodd, licet vtrunq; ferri possunt, qui bona fide, etiam plus satis dictioni Roman. Pont. detrahunt, quo meliora lectori bus persuadeant: illi tamen, qui hoc faciunt, vt leges pontificiæ, eędemque sacrosanctæ cum auctore earum cōtempui habeantur, nullatenus sunt tolerandi cap. nulli fas. & cap. si Romanorum. 19. dist. Grauiissime item reprehendēdi, qui audent dicere. Rom. Pont. abuti sacra scriptura in suis canonibus: quod subtiliter de more refellit Thomas de Vio in q. vlt. lib. viginti & septem quęstionū, vt in repe. cap. in Leuitico. de peccat. nit. dist. 1. not. 23. dicimus.

- 12 Alterum, quod ad materiam huius cap. colligo ex prædictis verbis. est, delationem lignaminum galearum ad Sarracenos prohiberi. Quod ipsum repetitur in cap. ad liberandam. infra eo. & in d. Extrauag. multa. In processu autem Cænæ Domini non additur, verbum galearum: sed simpliciter prohibetur delatio lignaminum; & ideo recte ait Angel. à Clausasio. in verb. Excommunicatio. §. 5. r. per illam clausulam comprehendiquæcunque ligna, per quæ naues, galeæ, aut aliæ machinæ bellicæ possent fieri ad impugnandum Christianos, vel defendendum se ab eis: non autem alia, quæ solum igni fouendo, vel alicui alij simili actioni à
- 13 bellicis remotæ essent idonea. Syluester autem, qui parum attento lectori videri potest concordare cum eo, ait, per verba huius. cap. comprehendendi omnia lignamina, vel ligna, quæ ait Angel. contineri sub clausula dicti processus. quod tamen longe diuersum est à dicto Angel. Nā hic ponitur verbum, lignamina, cum determinatione galearum; ibi autem absolute. Quod autem Syluest. id sentiat, patet: quia non refert renorem prædicti processus; sed solum huius. cap. & cap. ad liberandam: & licet etiam referat renorem Extrauag. multa. vbi hoc verbum etiam ponitur absolute, sicut in d. processu; tamen illa Extrauag. est localis, & ideo ex illa non potest elici probatio quoad omnia loca, vt ille elicit. Glo. vero in Extrauag. Copiosus. de Iud. Ioan. xxij. in verbo, lignamina, sentit, per illud verbum simpliciter prolaturum, vt ibi fertur, solum includi ea, ex quibus galeæ, & alia nauigia fieri possunt: Caieta. autem vbi supra sentit, per verbum, lignamina, tantum prohiberi materiam galearum, & nauium præcipuam: quoniam ea sola per illud verbum prohiberi ait in d. processu. Materiam autem secundariam, scilicet vela, & sartias, vt eius verbo vtat, & alia prohiberi, per verbum, alia prohibita, positum in illo processu.

- Ipse vero arbitratus aliquando, omnes hos patres fere idem dicere,
- 14 omnes probabam: nunc autem attentius rem perpendens dico primo, Angelum recte dicere, eo quod, licet nemo animaduernerit, in processu simpliciter prohibentur deferri lignamina, sine vlla mentione galearum: at constat, ligna extruendis alijs machinis bellicis, quam galeis, vel nauibus esse lignamina: ergo omnia illa prohibentur. Facit, quod per destructionem verbi, galearum, quod restringebat verbum, lignamina, videtur cap. hoc ampliatum, per illum processum.

Dico secundo, labi gl. prædictæ Extr. copiosus. quatenus verbum, lignamina, simpliciter prolaturum restringit ad ligna galearum, & nauigiorum tantum.

Dico tertio, labi etiam Syluest. quatenus putauit, dispositionem huius cap. tam latam esse in hoc. ac dispositionem dictæ clausulæ dicti processus; cum palam sit, verbum, lignamina, simpliciter prolaturum, vt in d. clausula profertur, esse genus ad verbum, lignamina galearum in text. nostro positum: cum omnia lignamina galearum sint lignamina; non

tamen contra, omnia lignamina sint lignamina galearum.

Dico 4. per dispositionem huius cap. comprehendi sola ligna extruēdis galeis, siue nauibus lōgis, quas vulgari sermone *galeras* appellamus idonea. Tum quia non omnis nauis est galea, vt hoc cap. & cap. ad liberandam. infra eod. probant. Tum, quod si Concilium de lignis cui libet naui fabricandæ aptis intelligere voluisset, dixisset vtique, lignamina nauium, expresso nomine generis, quo postea infra est vsus, dum ait: *Nauium piraticarum*, arg. cap. ad audientiam. de præscript. Tum, quia postea Concilium Generale in d. cap. ad liberandam. eisdem verbis est vsus. Et postea cum hanc dispositionem voluisset Clem. v. in d. *Extranag.* multa. ampliare quoad terras Aegypti, vt etiam ampliaret quoad hoc; sicut & quoad aliquot alia abstulit verbum, galearum. Tū, quia, vt prædixi, ideo voce illa barbara galearum vsus est Concilium, quod non occurrebat alia Latina, quæ omnia, & sola, quæ illa barbara significat, satis perspicue saltem exprimeret: cum tamen si omnia nauigia, vel naues comprehendere voluisset, multæ tales Latinæ occurrissent. Tum, quod non est eadem ratio de lignaminibus, vel lignis galeis fabricandis aptis, & de alijs. Cum galeæ ad bellum nauale in mari Mediterraneo, in quo solo tempore huius Concilij Christiani cum Saracenis pugnabant, aptiores sint, quàm naues onerariæ; imo earum vsus primarius ad id tantum tendit; cum tamen aliarum primarius ad alia sit: & ideo dispositio pœnalis. de vna specie non includet aliam; etiam si sub significatione larga contineretur. Tum, quod audio, Africani esse quidem copiam lignorum ad fabricandas naues paruas aptorum: nō autem ad faciendas longas, & galeas. Tum denique, quod in notab. præcedenti diximus, per prohibitionem ferri non prohiberi omnem armorum materiam: sed ferream tantum.

Dico 5. labi etiam Caieta. quatenus sentit, per verbum, lignamina, positum in clausula processus, solum includi lignamina galearū, & nauium; & non aliarum machinarum bellicarum ad offendendum, vel defendendum aptarū: quatenus itē putat, per verbum, prohibita, positū in illa clausula processus Cœnæ Domini, intelligi omnē aliā galearum & nauium. secundariā materiā, scilicet vela, fartias, & c. Quoniam si talis materia secundaria per verbū, lignamina simpliciter ibi positum non includitur, minus includetur per verbū, lignamina galearū, positū hic, & in d. c. ad liberandā. qđ est minus generale. Et si per hæc verba, lignamina galearū, hic, & ibi posita, non comprehenduntur, per nulla alia horū capp. comprehenduntur: & per cōsecutionē nō dicuntur prohibita per hæc capp. Et cū verbū, prohibita, positū in d. clausula referatur ad prohibita in his, consequitur, quod si per verbum, lignamina galearum, non comprehenduntur, neque comprehenduntur per verbum, prohibita.

16 Concludo igitur sexto quod per verbum, lignamina galearum, pos-

tum

tum hic; & in d. cap. ad liberandam solum prohibentur ligna galeis fabricandis apta: per clausulam autem processus Cœnæ Domini prædictam, omnia ligna apta quibuscunque machinis bellicis struendis ad offendendum, vel defendendum mari, terræ: non autem alię materię armorum, galearum, vel nauium secundaria.

- 17 Ex quo infertur primo, non incidere in censuras horum capitulorū
 18 eos, qui stupam, canapem, picem, filā, & clauiculos deferunt Sarracenis
 Quia, licet ad ædificationem galearum, & nauium pertineant, & sint
 19 quędam eorum secundaria materia: non tamē sunt lignamina. Intelligo
 tamen hoc, nisi ea mente formali, vel virtuali deferantur, vt sint eis materia
 secundaria earum; quibus postea in pugnent Christianos. At tunc
 non incidunt, propterea, quod prohibeantur per hæc verba, lignamina
 galearum: sed quia genetatim hic, & in d. cap. ad liberandam. statuitur,
 vt omnis qui ea, quę sunt mediate, vel immediate, vtilia bello faciendo
 contra Christianos hac mente deferat Sarracenis, sit excommunicatus.
 vt in 10. not. late dicitur.

Secundo infertur ex hoc, iuri consonantissimam fuisse declarationē illam, qua fertur Gregorius ix. declarasse, non incidere in censuras horū capitulorum eum, qui contenta in corol. præced. ad Sarracenos deferat, nisi malo animo cōtra Christianos, vel in perniciem terrę sanctę deferret. Fuit enim mens dicere illorum delationem, sine malo animo non esse prohibitam specialiter in his capitulis; sed generaliter sic, si malo animo fieret: sicut & omniū aliorum ad bellum mediate, vel immediate vtilium delationem: hoc animo formali, vel virtuali esse prohibitam in d. notab. 10. demonstrabimus.

- 20 Tertio infertur, eos qui galeas deferunt Sarracenis esse excommuni-
 catos, tam per hoc cap. & d. cap. ad liberandā. quā per clausulā dicti
 processūs. Quia qui deferat galeā, lignamina galeę deferat, & nō qualia-
 cūque; sed lignamina ligata in galeam, & compacta, quo modo vtiliora
 21 sunt, quam soluta, & impacta. Tū, quod licet prohibito eo, quod ex ali-
 qua materia sit, non censetur prohibita materia: vt prohibitis atmis,
 non censetur prohibita armorum materia, si nihil aliud prohibitionis
 extensiuum interueniat, vt per dicta in 5. & 6. notab. probatur: prohibita
 tamen materia rei alicuius artificialis, eo fine, ne ipsa res habeatur,
 censetur res ipse prohibita, & à fortiori: Quia propter quod vnū quodque
 tale, & illud magis, Authen. Multo magis. C. de sacrosanct. Eccles. cap.
 cum in cūctis. de electio, & elegāter determinat Petr. ab Anch. in c. ad
 liberandā. infra eod. col. 1. Tum, quia qui galeā, & lignamina galeę de-
 fert lignamina deferat argumēto ab inferiori ad suū superius affirmati-
 uē, quod validissimū est, secundū Bald. receptum in l. conuenticula. C.
 de episcopis. & cleri. Ergo etiam erit excommunicatus, per dictam clau-
 sulam, quę excommunicat deferentes lignamina, sine additione.

22 Quarto inferitur, etiam deferentes naues esse excommunicatos: sed non per hoc cap. sed per d. cap. ad liberandam. & per d. clausulam. Per d. cap. quidem, ad liberandam, quatenus vendētes naues excommunicat: & licet excommunicato deferente non videatur excommunicatus solum vendens, vt hoc cap. cum illo coniunctum probat; tamen ē contrario excommunicato vendente nauem Sarracenis, ne deferatur eis, à fortiori videtur excommunicatus deferens, sicut in coroll. præcedenti dicebam, quod licet prohibita aliqua fabrica, ipsius materia non videatur prohibita; si aliud non interueniat: tamen prohibita materia alicuius rei, ne res ipsa habeatur, à fortiori videtur ipsa res prohibita: quod autem per dictam clausulam excommunicentur, patet. Quia illa excommunicat deferentes lignamina: at qui naues desert, lignamina quoque naui, quibus compacta est, desert: quia ex lignis, vel lignaminibus constat illa l. inter stipulantem. §. sacram. ff. de verb. oblig. & excommunicans deferentes materiam certæ rei, à fortiori videtur excommunicare deferentem ipsam rem ex ea factam, iuxta prædicta, & illam determinationem Petri in d. cap. ad liberandam. col. 1. At clausula prædicta excommunicat deferentem lignamina; ergo.

23 Quinto inferitur, decisio illius quæstionis: An qui ex montibus Canabnicis inter plurima ligna trunca igni fouendo tantum apta, multas fraxinos, & corylos proceras, teretesque; sed indolata, vixq; dimidiatū pedem crassas, idoneas tamen igni fouendo, quam fabricandis hastis, & lanceis, non tamen nauibus; detulit Alexandriam Aegypti, incidisset in censuras huius canonis, processuque Cœnæ Domini Respondendum enim est primo indubie incidisse in censuras Extra. olim. Nicolai iij. infra in notab. 10. coroll. 13. relata: & in Extrauag. multa. de Iudæ. ratione omnium lignorum illorum, tam truncorum; quam aliorum. Quia illæ feruntur in omnes Christianos deferentes quascunque merces, siue bellicas, siue aliās in Alexandriam, & alias terras Aegypti. Dico secundo, quod si in alia loca Sultani, vel Turcæ detulisset, etiam incidisset in censuras d. Extrauag. olim. Nicolai iij. iuxta dicta in d. coroll. 13. Dico tertio, non fuisse eum incursum censuras huius canonis, & d. cap. ad liberandam. si ad alia loca aliorum principum Sarracenorum detulisset, ratione lignorum truncorum, & rebus bellicis inutilium: immo neque ratione aliorum, si mens mala tam virtualis, quam formalis iuuandi eos contra Christianos defuisset. Quia non deferbat arma, neque ferrum, neque lignamina galearum specialiter hic, & in d. cap. ad liberandam prohibita, neque alia bello vtilia mala mente; quod requiritur, vt dicantur generatim prohibita hic, & in d. cap. ad liberandam, iuxta resolutionem notab. 10. in 4. dicto. Dico quarto, eum incidisse in censuras processus Cœnæ Domini, & in easdem incursum fuisse, ad quoscunque Sarracenos detulisset, non ratione lignorum truncorum

corum

corum, & ad bella inutilium: sed ratione aliorū, ex quibus arma lignea effici potuerunt. Quoniam etsi non detulit ferrum, neque arma, neque lignamina galearum: detulit tamen lignamina, ex quibus arma fieri poterant. & processus Cænæ Domini generaliter excōmunicat deferētes lignamina, sine additione galearum. vt supra dictum est, & declaratū.

Octauum notabile, qui dicantur subministrantes, vel deferentes prohibita Sarracenis: & quid inter illa distet; cum multis quotidianis ex eo illatis.

S Y M M A R I V M.

- 1 Deferre, & subministrare, an sint idem.
- 2 Arma, & necessaria subministrantium definitio, & declaratio. nu. 3.
- 4 Intellectus quatuor illius Apostoli: De his, quæ foris sūt, nihil ad nos.
- 5 Infideles non continentur hic, & cur. num. 6. & qua lege, & à quo puniuntur. num. 8.
- 7 Excommunicationis solus Christianus capax.
- 9 Excommunicatur nemo lege, nisi lethaliter peccans.
- 10 Mens mala actualis, & virtualis.
- 11 Excōmunicatiōe impedit interdū id, quod non impedit peccatum lethale.
- 12 Delatio vetitorum, à delatione aliorum differt, & etiam à subministratiōne eorundem, & à venditione. nu. 13.
- 14 Intellectus nouus huius cap. & cap. ad liberandum. nu. 15.
- 16 Subministrare genus ad deferre & definitur. num. 2. & continet vendere, num. 18. permittere extrahi de portu. num. 20.
- 17 Agi, portari, ferri vt differunt secundum iurisconsultos.
- 19 Lex pœnalis de strictè significato, ad largè significata extenditur quando.
- 21 Deferunt qui in aliud delata tradunt etiam donando, nu. 22. & permittendo, nu. 23. & cooperando, nu. 24. non autem portando de vna terra Sarracenicā ad aliam, nisi, &c. nu. 27. neque portando Sarracenos ipsos armatos. nu. 28. nec qui deferunt, & non tradunt. nu. 29.
- 25 Ignorantia, quæ excusat, & quæ necessitas. n. 26. & quæ paruitas. n. 30. & quæ gratitudo. nu. 31.
- 32 Excommunicatio hæc non semper reseruata.
- 33 Excommunicationem hanc incurrunt transfuga, & arcem, oppidum, vel speculam tradens, & se dedens, & arma perdens, quando. nu. 34.

OCratio principaliter noto verbum, deferant, ex quo duæ difficultates videntur colligi aduersus summā nostram. Altera quidem, quòd

quod est nimis ampla eo q̄ includit oēs subministrātes hic vetita Sarracenis; cum tamen contextus huius cap. solos deferentes videatur includere, qui multo pauciores sunt, quam subministrātes. Quia vendentes tantum non videntur deferre, vt singulariter approbat cap. ad liberandam. infra eod. in versic. Eos etiam: quos tamen nemo dicat non subministrare. Altera vero, quod summa includere videtur etiam infideles deferentes; cum tamen contextus hic solos Christianos includere videatur. Tum, quia de his, qui foris sunt nihil ad nos. 1. ad Cor. 5. cap. multi. 2. q. 1. cap. gaudemus. de diuort. Tum, quia illi excommunicari nequeunt, cum non sint Christiani, cap. omnis Christianus. 11. q. 3. tradit Domi. receptus in cap. Romana §. fin. de senten. excommunic. lib. 6. Et per hoc cap. excommunicantur ei contrauenientes.

- Ad soluendas has duas difficultates, quæ prædictam nostram summam, quoad verbū subministrantes impetunt, inquiruntq; quos comprehendat; quidq; inter illud, & verbum, deferentes, distet, dico, nos non patum super hoc cogitasse, ac tandem multa, quæ in hoc scribebamur in hanc breuem definitionem resoluisse, scilicet, hoc verbo contineri Christianos solos, & omnes, qui lethaliter peccant in deferēdo hic speciatim vetita Sarracenis; quacunque id mente faciant, vel subministrando mala mente actuali, vel virtuali, vt talia tradantur illis ad Christianos impugnandos, si timor mortis, captiuitatis, vel cruciatus eos non excusat. Dixi Christianos solos. quoniam arbitrarios etiam principibus Christianis subiectos, & inter Christianos degentes non contineri.
- 4 Non quidē propter illud Apostoli. 1. ad Corinth. 5. *De his qui foris sunt, nihil ad nos*, quia id intelligendum est, quoad excommunicandū eos directe, secundum Calde. in consil. 2. de Iude. sub finem, quod satis sentit S. Tho. in d. cap. 5. lectio fin. vel quoad puniendū eos alia pœna spirituali, secundū Domi. in cap. multi. 2. q. 1. vel quoad compellendū eos ad susceptionem fidei Christianæ, secundū Aluar. de planct. eccles. lib. 1. art. 37. vel quoad cogendum eos seruare leges contrarias suis, quas vere, vel falso prætendunt se diuinitus accepisse, & nō sunt naturalibus contrariæ, vt nobis videmur singulariter colligere ex cap. gaudemus. de diuortijs, adiuncto cap. fin. eiuidem tit. & cap. final. qui filij sint legit.
- 5 Non item illa ratione, quod non dicantur propriè subministrare: & ita desit significatio verborū huius cap. neque ideo, quod ecclesia habeat potestatem, quoad hunc casum infideles legibus Christianis subditos, sicut in puros laicos: sed quia deest intentio mentis Concilij eos includendi. Quod deprehenditur primum ex eo quod intentio auctoris ex proœmio deprehenditur l. final. ff. de hæred. instit. cap. quia propter. de elect. Et proœmium huius cap. indicat, Concilio non fuisse mentem comprehendendi alios, quam Christianos. Deinde, quod prima, & natural. sūma pœnarum huius cap. est excommunicatio, cuius

- non est capax nisi Christianus, iuxta d.c. omnis Christianus. 1. 1. q. 3. & cap. Romana. §. in vniuersitatem. vbi Domi. receptus id annotauit, de senten. excommuni. lib. 6. Postremo, quod multo in hoc grauius Christiani, quàm infideles peccant, vt postea dicemus: & ideo pœna contra Christianos imposita non videtur extendenda ad infideles, arg. l. interpretatione. ff. de pœn. & cap. pœnæ de pœnit. dist. 1. ipsi tamen infideles subiecti Catholicis, qui hæc prohibita fecerint, poterunt puniri à Cæsare in suis terris, pœnis inductis per dictam l. 2. C. quæ res exportari nō deb. & à Rege nostro, & alijs Regibus, pœnis legum suarum in suis, iuxta ea, quæ Calder. in d. consil. 2. tangit & Fel. in cap. 1. limit. §. de constit. & in cap. Iudæi 2. infra eo. Et Rom. Pontif. non solum quatenus est Rex poterit sibi subditos pœnis prædictæ l. 2. punire: sed etiam quatenus Papa est suus, & omnes omnium Regum, ratione sacrilegij, quod aduersus Christianū principatum admittūt, vt in primi oppositi solutione tangebā, arg. corū, quæ Calder. vbi supra dicebat. Dixi omnes, vt tã summates, quam infimates; & taw qui Asiam, vel Aphricā, quàm qui Europam colunt, cōprehēderemus. Diximus qui lethaliter peccāt, Quoniā non arbitramur hic contineri, qui in hoc faciendo non peccāt, vel non saltē lethaliter. Non quidē ideo, quod propriè non dicatur (subministrare, & ita desit verborū huius cap. significatio: sed quia deest intentio mentis ad cōprehendendū eos. Quod colligitur ex eo, quod nemo incidit in excōmunicationē maiore generaliter à iure latā, nisi ob peccatū lethale cap. nemo. 2. 1. q. 3. & affirmat Paluda. in 4. d. 1. 8. q. 1. ar. 2. Adri. in 4. de clauib. q. 3. & nos latius tradidimus in repet. cap. Inter verba. 1. 1. q. 3. cōcl. 6. corol. 2. 1. & postea in Man. Cōfessar. latinitate donato. c. 27. nu. 9. Et Conciliū hic inflixit excōmunicationes ipso iure eis, quos cōprehēdere voluit. Dixi in deferēdo hic verita specialiter Sarracenis, ad cōprehendendū deferentes illa, quacūq; mente id faciāt: & siue per seipsos, siue per alios. c. significauit. infra eo. vbi Panor. in not. 4. ab alijs receptus id annotauit: & nos latius ibi trademus: & est similis tex. in c. quod olim. infra eo. Dixi vel in faciendo vt mala mente, &c. ad cōprehendendū omnes, qui quoquomodo curāt mala mēte actuali, vel virtuali, vt aliqua vtilia bello perueniāt ad Sarracenos, quibus nos impugnent, vel sese à nobis defendāt, iuxta dicenda in not. 1. 10. vbi de hac mēte mala duplici opportune agetur. Addidi, & timore mortis, captiuitatis, vel corporis cruciatus non excusantur: eo quod arbitremur esse, qui in faciendo prædicta nō excusentur à lethali peccato: à censura vero sic, arg. cap. si vero. 1. versic. neque ille, de senten. excommuni. secundum cōmunem, & verum intellectū. Tamen si Fortunius noster aliter illum tex. intellexerit in lib. de vltimo fine, illar. 1. 1. versic. Quarto infero, de quo in coroll. 1. 3. & in d. cap. Significauit iterū, atq; iterū dicemus.
- 12 Ex quibus infertur primo, grandem differentiam esse inter delationem

nem vetitorū specialiter ex vna parte,¹ & inter aliam subministrationē eorundem: & delationem, vel subministrationem aliorū ex altera. Primo quidem: quia delatio specialiter vetitorum, quacunque mente fiat, inducit excommunicationem: delatio vero aliorum non; nisi mala mente ad impugnandos Christianos fiat. Secundo, quod alia subministratio, quam delatio specialiter vetitorū si mala mente actuali, vel virtuali non fiat, non inducit excommunicationem; delatio vero sic. Cuius ratio clarior in 10. notab. reddetur.

- ¹³ Secundo infertur, vendentes galeas, & naues Sarracenis, sine mente mala actuali, vel virtuali non incidere in excommunicationē per hoc cap. quia non deferunt verita specialiter hic; neque faciunt mala mente aliquid, quo ad impugnandos Christianos aliqua eis perueniāt: incidere tamen, per cap. ad liberandam. infra eod. quoad prohibitionem specialem huius cap. scilicet delationis galearum; singulariter extendit ad venditionem galearum, & nauium, vt ibi, & in notab. 10. infra eod. tagemus.
- ¹⁴ Tertio infertur, prohibitionem generalem cap. ad liberandam. infra eod. nō esse generaliorē, quam sit generalis huius: quia impētio cōsiliij, vel auxiliij machinis, vel quibuslibet alijs in dispēdiū terrę sanctę, quod videtur illud. cap. addere, sub prædicta subministratione comprehenditur: quanuis specialis prohibitio illius cap. sit generalior, qua parte specialiter prohibet venditionem galearum, & nauium Sarracenis; cū ea hic non prohibeantur specialiter.
- ¹⁵ Quarto, verum, & germanum intellectum illius cap. ad liberandam. in vers. *Eos etiam*. esse, quod illa dicto, *etiam*, quæ ampliatiua & implicatiua est iuxta l. Etiam. ff. de minor & Clem. religiosus, de procuratorib. & Clem. 1. de testam. & vtroque Card. num. 1. non ampliat hoc cap. quoad prohibitionē generālē: neq; implicat super verbo, subministrāt, huius cap. sed ampliat prohibitionē specialem huius cap. in illo, paulo superius, repetitam: & tantum super illa implicat. Sic enim habet: *Excommunicamus omnes deferētes arma, ferrum, & lignamina galearū, & mox subdit: Eos etiam qui galeas eis vendunt, & naues.* quod refertur ad verba præcedentia illius cap. quæ continēt prohibitionem specialem huius; & addit ei aliam specialem prohibitionem.
- ¹⁶ Quinto infertur, appellatione subministrantium comprehendendi non solum deferentes, baiulantes, portantes, agentes, ducentes, trahentes; sed etiam quoslibet quoquomodo prædicta mala mente facientes, vt illa ad Sarracenos perueniant. arg. eorum, quę Alber. ait in rubr. C. quę res expor. non deb. non obstante differentia, quam Iurisconsultus docuit in l. ferri. ff. de verb. signif. inter, ferri, portari, & agi. Tum, quia nimis propriā, nimiumq; subtilem eam dixit ibidē vir doctissimus Alciat. quia contextus huius cap. non solum habet, deferentes; sed etiam, subministrantes, quod est verbum valde generale, vt ex Marco Tullio, Cæ

sare, Quintiliano. Collumella, & alijs colligi potest, & etiā ex l. 1. si seruus extero, vbi dans nummos dicitur subministrare; & fama consentiens subministrat præsumptionē cap. prætereā. de testibus, & qui alit aliquē, necessaria ei subministrat cap. 1. de cohabit. cleri. & cap. final. de magist. & cap. Episcopus. & cap. cum secundum. de præben.

- 18 Sexto infertur, appellatione, subministrantium, comprehendi vendentes, permittentes, donantes, & quouis alio titulo ea in Sarracenos transferentes. Quoniam quicunque hæc faciunt, subministrant; & in omnibus vna est ratio: & ideo, licet latē, & improprie tantum dicerentur subministrare: tamen comprehenderentur. Quoniam tunc etiam lex pœnalis de vno casu ad alium extenditur, secundum Anto. in cap. fin. de consue. receptum à Domi. & Perus. in cap. 1. de tempor. ord. lib. 6. & ab alijs alibi communiter.

- Septimo infertur, comprehendi sub hoc verb. etiam eos, qui permittunt subministrantes, & per consecutionem sub generali prohibitione huius cap. eos qui permittunt talia de suis terris, portubus, vel ciuitatibus extrahi, vt deferantur Sarracenis. Quoniam hi mala mente actuali, vel virtuali subministrant, saltem per alios: quod sufficit cap. significauit. & cap. quod olim. infra eod. Facit etiam Extrauag. inulta. de ludæis. & que excommunicans permittentes hæc extrahere de portubus suis, ac deferentes, & mittentes. Et defendi posset, quod licet illa Extrauag. sit quoad alia localis: non tamen est quoad hoc.

- 10 Octauo recte dicere Syluest. incidere in hunc canonem, qui ad sui tuitionem defert ad Sarracenos arma, & postea eis ob pecuniam vendit. Cui consequens est, recte quoque ex facto nos respondisse, hoc ipsum esse dicendum de his, qui aliqua hic specialiter prohibita in sui, suarumque nanium ornamentum, vel tutamentum deferunt, & postea illa, vel eorum aliqua vendunt, vel donant, quoniam negari non potest, omnes hos detulisse Sarracenis hic prohibita specialiter.

- Nono infertur, recte nos respondisse, etiam incidere in hanc excommunicationem Christianos, medicos, chirurgos legatos, & alios, qui sufficienti ad id facultate muniti adeunt Sarracenorum principes suis armis ornati; & postea vel rogati, vel aliquo munere donati ab eis, ob gratitudinem ea ipsis donant: nisi rei paruitas, & temporis, loci, vel personarum circumstantia eos à peccato lethali excuset, vt paulo post dicemus: quia negari non potest, eos detulisse Sarracenis prohibita hic specialiter.

- 12 Decimo permittentes arma, etiam pro armis incidere in hunc canonem, quia etiā id est deferre. Et non refert, quo titulo eis arma deferantur, vt eis muniuntur; modo eis tradantur: nisi permutatio ita fieret pro alijs armis à rei bellicę experto, vt certos esset, se iuxta adagium accipere. χρύσια χαλκίην aurea pro æreis; siue meliora, & vtiliora pro peioribus,

- ribus, vel inutilibus; vt respondimus interrogati de specie, in qua miles prudens, equum omnino indisciplinabilem, & sessorī periniciosum, pro disciplinabili, & sessorī parēti, neque aliqua ex parte suo peiori permutauit. In ea itē specie, in qua Christianus arma sua parū apta pro armis Sarraceni aptissimis, solura Sarraceno pecunia pro maiore valore iusta cōmutauit. hoc enim nō est, tā deferre, q̄ rollere arma Sarracenis.
- 24 Vndecimo infertur, incidere in hunc canonem etiam adiuuantes, & cooperantes ad deferendum, vel subministrandum eo modo, quo deferentes, vel subministrantes: quoniā deferre, vel subministrare dici possunt; & per consecutionem etiam nautas iuuantes ad agendum naues, in quibus hęc verita specialiter, vel generaliter portantur: modo neque ignorantia, neque mali animi defectus excuset eos plus, quā deferentes, & subministrātes principales; quod videtur procedere etiam si non esset alia nautis, in qua nautis illi mercedem lucrarentur.
- 25 Duodecimo infertur, alios, qui ignoranter talia portant, incidere in hunc canonem, & alios non. Quia fieri potest, vt alij faciant illud ignorantia facti, vt qui nesciunt, nec scire tenentur, an talia deferant, vel ad talia deferendum iuuent. aliquos etiam paruulos, vel rusticiores posset ignorantia iuris excusare: alios vero non, iuxta ea, quæ habentur in cap. ignorantia. de reg. iur. lib. 6. & §. notandum. 1. q. 4. & l. 2. & l. cū quis. C. de iur. & fact. ignor. Et ita alij lethaliter peccarent, & per consecutionem inciderent in excommunicationem: alij vero non, iuxta secundam particulam prædictę resolutionis. Qui tamen ignorantes talia prohibita, ad Sarracenos derulerunt, & cum rescirent illa prohibita, venderunt, committunt in hunc canonem. Quia non tam delationem, quā traditionem eorum Sarracenis prohibere voluit, vt palam est.
- 26 Decimotertio infertur, eos, qui fame, vel vi adacti contra voluntatē suam, ne perirent, talia vetita tradiderunt, non esse excommunicatos: tum; quia pro redēptione captiui Christiani id licet, vt in d. cap. significauit. dicam: tum, quia nō videntur peccare præferentes legem naturæ de se conseruando legi humanę, de nō deferendo arma Sarracenis, quatenus humana est; immo neque quatenus naturæ, quia non tam immediata, vel propinqua primis principiis eius est, ac illa, vt in d. cap. significauit. dicam. Tū, quia licet peccarent mortaliter, tamen pia mater Ecclesia non videtur, eos velle excōmunicare, arg. d. cap. si vero. 1. de senten. excommu. Licet grauit̄ obftet. cap. sacris. de his, quæ vi. nisi respondeatur, illud agere de his, quæ per se mala sunt, vel de communi cante in his, quæ per se mala sunt. Nos autem de his, quæ non ex se: sed ob finem sunt mala; de quo paulo latius in d. cap. significauit.
- 27 Decimoquarto infertur, portantes hic verita de vna terra Sarracenorū ad aliam, non incidere in hunc canonem, secundum declarationē Grego. ix. in Extrauag. Postulastis. quem Angel. & Syluest. reserunt.

quæ quia nihil noui inducebat; sed solum declarabat, non fuit sublata per proximum lib. 6. Ratio eius fuisse videtur, quod mens huius. cap. fuit impedire, ne de rebus Christianorum aduersus eos munitetur potetia Sarracenorum, per supradicta. Id tamen limitandum nobis videtur, vt procedat, quando eiusmodi trāslatio ita fit aduersus alios Sarracenos, vel in alios fines, quod per ea non fiant Sarraceni formidabiliores Christianis, neque munitiores; alioqui secus, vt si deportaret arma ex vna ciuitate, quæ neque Christianos impetit, neque ab eis impeditur bello ad aliam, quæ vel impetit Christianos, vel ab eis impeditur. Tunc etenim, si mala mente actuali, vel virtuali id facerēt, incurrerent, etsi non tanquam deferentes hic specialiter verita: saltem tanquam auxilium ferentes, contra. cap. ad liberandam. infra eo. & subministrantes necessaria, contra istud.

18 Decimoquinto infertur, ipsum quoque dicendum esse de his, qui portat ipsos Sarracenos cum suis armis; licet id quoq; indistincte licere dixerit Syluester. Sicut etiā Ang. vbi supra, indistincte, ac vere dixerit non esse excommunicatos, qui arma, ac verita detulerūt quidē ad Sarracenos, sed pœnitētia ducti ea eis non tradiderūt, immo reportarūt quia verba subministrationis cū effectu vidētur intelligēda §. hæc verba. de pœnit. d. 1. vbi late diximus. Licet cōtra dicēdū sit de his, qui ea detulerūt, vendiderūt, & tradiderūt, licet postea pœnitētia ducti ea redemissent, & reportassent: quia hoc casu perfectum delictum ob pœnitentiam non desinit esse perfectum l. qui ea mente. ff. de furt. cap. 1. de p̄sumptio. cum eis annoratis.

30 Decimosexto infertur, non incidere in hunc canonem eos, qui parū de his Sarracenis inuolant: quia, qui non peccant lethaliter, non incidunt in eum, per secundam particulā nostrę resolutionis: at contrauentionem p̄cepti etiā diuini excusat à lethali culpa imperfectio actus, & paruitas rei, secundum S. Thomam receptum. 1. 2. q. 88. art. 5. & 6. vt paruitas rei furtim sublata, secundum eundem receptum. 2. 2. q. 59. art. 4. & q. 66. art. 6. & paruitas vindictę, secundum eundem q. 158. art. 3. Pro quibus omnibus soleo p̄derare tex. in cap. vnum. §. fin. 2. dist. in verb. ebrietas assidua. & verb. exasperauerit.

31 Decimoséptimo legatum, redemptorem captiuorum, vel aliū quēpiam apud principem aliquem Sarracenorum aliquot negotia iustage rentem, qui ei ob rem bene gestam, vnum pugionem, vnum arcum, vel aliud id genus aliquod armorum donaret, non incidere in hunc canonem, nisi forte id probabiliter p̄sumeretur futurum in causā, vt alia illius generis arma, vel ibi fabricaretur, vel aliunde quærerentur; quoniam paruitas rei donatę efficit, ne ob id dānum notabile Christiano exercitui fieret, neque notabile augmentum Sarraceno accederet: & per consecutionem, ne lethalis offensa admitteretur.

23 Decimo octavo inferitur, non incurri excommunicationem referuatam Papæ omni casu; in quo virtute horum duorum cap. excommunicatione incurritur. Non enim in casibus, quibus ob aliam causam, quam delationis hic prohibitorum, incurritur, ut cum gloss. si. dicemus. Quæ est quotidiana, & consolantissima conclusio.

33 Decimo nono transfugas, qui cum suis armis ex exercitu Christianorum ad Sarracenicum transeunt, incidere in hunc canonem.

Vigesimo inferitur, decem illarum questionum quotidianarum, scilicet, an qui Sarracenis speculam, arcem, vel oppidum munitum armis tradit, vel traditionem consulit, vel iuvat ad illud, incidat in hunc canonem? Et quid de illo, qui perdidit arma, ita ut perditio illa fuerit causa, ut ad Sarracenos ea venirent, cum arma non nisi turpiter perdantur. l. 2. ff. de

34 capti. Et quid de his, qui flagrate prælio dedunt, vel relictis armis fugiunt? Et quid de captis, & victis, qui se cum suis armis, ne occiderentur, dederunt Sarracenis? Respondendum. n. est, incidere in censuras, virtute specialis, vel generalis, prohibitionis, eos omnes, qui hæc faciendo lethaliter peccarunt; nisi mortis, captiuitatis, vel cruciatus ad id iustus eos excuset; iuxta supra dicta, & dicenda in d. cap. significauit. inf. eod.

Vigesimo primo recte nos respondisse, quod non incidit in hanc censuram ille nobilitatis Lusitanæ adolescens, qui cum sibi Sarracenum trans fodienti lancea decidisset de manu dextera, brachio sagitta transfixo, debilitata, nec posset eam, nisi descenderet ab equo, recuperare, neque sine periculo mortis posset ab eo descendere, propter inimicos Sarracenos instantes, eam reliquit.

*Nonum notab. quod plus peccant Christiani
iuuando Sarracenos, quam illi facien-
do, & quare, &c.*

S V M M A R I V M.

1 Christianus Sarraceno iuuans plus peccat, quam ipsi, & quare.

2 Consentiens quando plus, & quando minus peccat.

3 Excommunicatus est qui iuuat quandoque; licet non qui facit, & an semper, num. 4.

1 **N**ono Principaliter noto illa verba: pares, aut superiores, ad hoc, quod non solum tantum, sed etiam plus peccant Christiani, qui arma Sarracenis subministrant, quam ipsi Sarraceni, qui Christianos impugnant. Contra quod facit primo resolutio gloss. 1. cap. 1. de offi. deleg. qua-

quatenus per illos versic.

Consensus, spernit, suadet, iuuat, atque tuetur.

Hic minus, hicque minus: hic equaliter, hic plus.

Resoluere videtur, omnem quidem consentientem peccanti peccare: sed eum, qui consentit negligendo impedire peccatum; & eum, qui consentit suadendo, ut committat, minus peccare, quam qui facit: eum autem, qui consentit iuuando, tantundem; eum vero, qui ruendo id, quod factum est, non esse peccatum plus: at qui Christianus Sarraceno subministrat arma solum videtur consentire, præstādo opem; quod ad sum mum reducit ad suasionem, vel adiutorium; & non ad tuitionem iustitiae belli eorum contra Christianos: ergo non peccant plus.

Secundo facit, quod licet regulariter, qui iuuat delinquentem in ipso actu delinquendi, &que peccet, ac qui illud facit: non tamen qui per actum remotum eum iuuat: & ideo neque est tantum puniendus, quantum qui facit; neque quantum qui per actum propinquum iuuat, secundum Bald. in l. 1. C. ad l. l. l. pecul. communiter receptum.

Tertio facit, quod Christianus comitans, & iuuans Sarracenos belantes contra Christianos, non videtur, plus peccare, quam ipsi: at is magis videtur delinquere, quam Christianus unum, aut alterum eorum illis vendens: ergo is non videbitur plus peccare; immo neque tantum, quantum ipsi. Sed responderi potest ad primum, resolutionem quidem illius glossae veram esse, quando cetera sunt paria: non autem quando disparia; puta, cum, ut ait. Bart. communiter receptus in l. 1. qui opem, nu. 5. ff. de furr. aliae qualitates, propter quas augetur delictum, inveniuntur plus in iuuante, quam in faciente: Verbi gratia; Petrus filius Martini iuuat Ioannem, ut patrem suum Martinum occidat: certum est, Petrum adiutorem plus peccare, plusque puniendum esse, quam Ioannem occidentem. Quoniam hic solum homicidium committit, & in solam legem Cornel. de Sicar. incidit: ille vero Petrus patricidium admittit, & pena patricidii est puniendus, ut ex praedicta doctrina Bartol. in d. l. is, qui opem. ff. de furr. expresse infert Salicet. in l. 1. C. de rapt. virg. col. fin. versic. Quæro è cõtra. Et ita contingit in proposito: quoniam in Christiano iuuante Sarracenum in bello contra Christianos inuenitur qualitas Christianismi, quæ eius delictum plurimum aggravat: efficit enim, ut dicatur pugnare contra suum caput, quod est Christus, ad Eph. 1. & tradit S. Thom. 3. part. q. 8. art. 1. & contra suam matrem, quæ est Ecclesia. cap. fin. de for. comp. cap. 1. 12. d. & contra fratres membra eiusdem corporis, cuius est ipse. 1. ad Cor. 12. & cap. singula. 89. dist. Ad secundum nego Christianum, qui Sarracenum iuuat, contra Christianum in ipso bello, non peccare plus; quam ipsum Sarracenum, ob rationem proxime dictam.

- 4 Ex quibus infertur primo, frequenter contingere, ut is, qui iuuat, incidat

incidat in excommunicationem, in quam non incidit is qui iuuatur. In casu enim huius cap. Christianus adiuuans Sarracenos, deferendo eis arma, quibus Christianos impugnent, excommunicatur: cum tamen ipse Sarracenus non excommunicetur. Is item, qui scit Petrum esse clericum, & Ioannem id ignorantem adiuuat, quo Petrum percutiat, incidit in excommunicationem, quam Ioannes non incurrit, & alijs mille casibus. quod plurimum est omnibus, præsertim confessorijs, & confultoribus attendendum.

Ex quo secundo inferri videri potest alicui, quòd quibus casibus faciens incurrit excommunicationem, eisdem quoque consentiens eandem incurrat. Quæ est quæstio; quam hic nos determinaturos nuper promissimus, cum quasdam declarationes Manuali Confessoriorum, libro perutili adiiceremus. quam tamen, ne nimium crescat hæc relectio, ad cap. significauit. infra eod. mittimus. quamque postea in præfato Manuali Latinitate donato resoluimus, sub cap. 27. num. 51.

Decimum notabile, quod subministrans necessaria Sarracenis ad impugnandos Christianos incidit in hoc cap. & quæ sunt illa, cum una, & viginti illationibus.

S V M M A R I V M.

- 1 *Necessaria ad impugnandos Christianos subministrans Sarracenis excommunicatur, & quæ sunt illa, secundum multos, nu. 3. & quæ secundum auctorem, n. 4. & probantur. nu. 11. confutatur contraria. nu. 12.*
- 2 *Necessarium tripliciter iurisperitis sumi.*
- 3 *Bellum, & prælium, ut differunt.*
- 6 *Animus vere malus qui, & qui equipollenter; & quod est triplex. nu. 10.*
- 7 *Scire, & scire debere paria.*
- 8 *Actus expresse factus ob aliquem finem, vel tendens in illum, & lata culpa non consideratum, pares; & quid est actum redire in suam formam. n. 9.*
- 13 *Intellectus cap. quod olim. infra eodem.*
- 14 *Ratio necessario concludens lex est, nec refert, an sit immediata, vel non dummodo concludat. num. 15.*
- 16 *Prohibita hic duplicia, generaliter & specialiter, & definiuntur. nu. 17. & numerantur. num. 18. & quare diuersè prohibita. nu. 24. & in quo differunt. num. 26.*
- 19 *Intellectus cap. Ita quorundam, & cap. ad liberandam. & in quo conueniunt, & differunt inuicem; & in quo ab Extraneis. Multa. nu. 20. & in quo*

Extra-

- Extravag. Copiosus. ab illa. nu. 21. & in quo illa profuit. nu. 22. & in quo clausula processus Cænæ Domini ab omnibus. nu. 23.
- 25 Prohibita quæ presumuntur mala mente facta, & quæ non.
- 27 Presumptionem, quod mala mente sint delata illa. aut illa, vel non, non esse iuris, & de iure, quæ definitur. num. 28.
- 29 Ferrum deferre Sarraçenis sponte quando non malum.
- 30 Prohibita alia simpliciter, alia secundum locum, alia secundum tempus: & non omnia specialiter prohibita esse simpliciter. nu. 32. & tantum prohibita simpliciter appellari prohibita. nu. 33.
- 31 Extravag. olim. cur. creditur esse.
- 34 Tale secundum quid, non sit simpliciter tale.
- 35 Generis appellatio species omnes propriè continet.
- 36 Prohibitorum diuisionem non est analogia. Cur ergo tantum prohibita simpliciter talia? num. 37.
- 38 Excommunicacionem bullæ Cænæ non incurrit, qui alias merces, quam bellicas Sarraçenis defert, nisi mala mente. nu. 40. neque videntes galeas, vel naues. num. 41.
- 39 Intellectus nouus clausulæ bullæ Cænæ.
- 42 Excommunicatus est deferens arma Sarraçenis habentibus satis eorum: & tradēs arcem, turrim, speculam, & quamuis aliam fabricā malo animo. nu. 43. & tradens comiteum, & ad illum pertinentia, ut talia. nu. 44.
- 45 Et qui calcem, & lapides quando.
- 46 Aegyptus, & alię terrę Sultani, & Turcæ hodie quoad hoc exequatæ.

1 **D**ecimo Principaliter noto illa verba: ad impugnandos, &c. ad illam partem summæ nostrę, scilicet, quod subministrantes Sarraçenis, necessaria ad impugnandos Christianos incidunt in hunc canonem. Contra quod facit, quod per hoc videtur cap. hoc partim nimium contrahi, partim nimium extendi. Contrahi quidem nimium, quatenus significat, non esse prohibitam subministracionem prædictorum, cum ea Sarraçenis; non sunt necessaria. Nimium autem extendi, quatenus significat, hanc prohibitionem extendi, ad omnia, quæ bello gerendo sunt necessaria, & per consecucionem ad comiteum, & ad omnia pertinentia ad illum, scilicet frumentum, hordeum, carnes lignamina, & id genus alia, quæ ad belli comiteum sunt necessaria: quod tamen falsum esse, asserere videtur communis.

Ad hanc difficultatem dico primū, nos plurimū super hoc fluctuas-
se, & considerasse in primis, quod neque hic neque alibi satis exacte no-
stra sententia, traditū est, quæ sint ea, quæ hoc caput prohibet. Secundo
2 considerasse, quod necessariū ad aliquid faciendū tripliciter iuris peritis
dicitur. Primo quidem id, sine quo id fieri non potest: qualis est heredis
institutio respectu testamenti. §. ante. Instit. de legat. & l. final. ff. de iure

codicil. Qualis item est certa pars bonorum alicuius, sine qua ipse vivere non potest, quod S. Thom. in 2. 2. q. 32. art. 6. receptus. ab utroque Cardi. in cap. non satis. 86. dist. appellat necessarium vite. Secundo modo id dicitur necessarium ad aliquid faciendum, sine quo res quidem fieri potest, sed non ut oportet; qualis est institutio posthumorū, secundum Gal. consiliū respectu testamēti. l. Gallus. ff. de lib. & posthu. adiūcta glo. 3. & doctrina Bartol. Bald. Pau. Alexand. & Iaso. ibidem. qualis est item ea pars bonorū alicuius, sine qua vivere quidem potest: sed non decenter. quod S. Tho. & uterq; Cardi. ubi supra appellant, necessariū status. Tertio modo id, quod utile est, & conueniens. l. 1. ff. solut. matr. adiuncta gl. probata per Bart. quæ verbum, necessariū, exponit per utile, & l. 1. ff. de offic. præfect. prætor. adiuncta glo. quæ verbum necesse exponit per utile. & cap. necessaria 12. quæst. 1. adiuncta gl. quæ illud verb. necessaria, exponit per utilis, & honesta. Quibus tribus modis arbitramur capi verbum necessaria, in hoc cap. & summa nostra noua posita! & ita comprehendere nō solum illa, sine quibus Saraceni nō possent cōtra Christianos præliari: sed etiā ea, sine quibus non possent cūmode id facere: immo & ea, quæ ad id eis sunt, aut possunt esse vitia. Tertio consideramus, quatuor patres omnium diligentissime hoc tractasse, scilicet Ang. in verb. Excommunicatio. 5. casu. 21. §. 4. Et Tho. de Vio illis satis consentientē in eod. verb. cas. 20. & Syluest. in verb. Excommunicatio. 7. casu. 21. colum. 2. & iterum, col. 3. & Ioan. Tabiens. in verbo, Excommunicatio. 6. §. 4. Quorū duo posteriores sentiūt omnia illa, & sola, quæ directe, vel indirecte pertinent ad bellū, esse hic prohibita. Angel. autē sentit, prohibitā esse hic omnem, & solam delationē omnium, quibus possunt Christiani impugnari: vel ipsi infideles, ne impugnentur à Christianis, muniri. Quorum tamen resolutio non videtur sufficiens: primo quidem, quia hic non solū delatio necessariorū, ut Angel. ait, sed etiam subministratio, quæ longè latius patet, ut prædictū est, in 7. norab. prohibetur. Deinde, quod non omnia, quæ immediate ad bellum pertinent, hic prohibentur, ut Syluest. & Tabiens. aiunt. Frumentū enim, hordeum, & alia. quæ ad comineatum exercitus, vel præsidij pertinent, hic non prohibentur, secundū eosdem: & tamen immediate pertinent ad bellum: adeo quod etiam pecunia dicatur neruus belli à Veget. de re milit. Postremo, quod multa hic prohibentur, quæ immediate nō pertinent ad bellum. Ferrum enim infectum, robora vasta, abietes altæ fabricandis nauibus aptæ, antequam dolentur, non pertinent immediate ad bellum, neque prælium, quorum delatio hic expresse prohibetur.

Quarto dicimus in prælectione quadam, & cum hanc relectionem pronuntiarem, paulo exactius nos ista necessaria definisse, partim sequuti Hosien. à nemine relatū in princ. cap. quod olim. infra eod. quatenus sentit hic prohiberi ea, quæ suapte natura sunt ad bellū apta. Sed quia

quia postea succurrerunt fundamenta, quibus ea definitio subuertebatur, aliam magna inentione animi scriptum usquam tamen, quia etiā subzratam esse vidimus hodie beati Bartholomei, cui dies hic facer est, vt putamus nobis beneficio (lic èt de me male merito) ommissis omnibus illis resoluimus: quod necessaria, de quibus hic, definiri possunt, esse vtilia immediate, vel mediate ad prēlium, vel bellū specialiter prohibita deferri Sarracenis, vel malo animo iuuandi eos contra Christianos expresso vel tacito, siue equipollēti subministrata. Diximus: vtilia, pro genere, vt includeremus necessaria trium graduū, de quibus supra, nu. 2. Diximus, ad prēlium, vel bellum: quia secundum Vallam lib.

- 5 4. bellum latius pater, quam prēlium; prēlium enim est certamē ipsum armorum, quod vulgus appellat, batalla: bellum autem totum tempus, quo milites in militia degunt expectantes prēlium, quo vulgus appellat, guerra. Et ad bellum multa immediate sunt necessaria; quę nō sunt ad prēlium. Diximus item, bellum, vel prēlium generatim: quia non refert, an ipsi nos impetant bello, an à nobis impetiti sese defendant, secundum omnes. Diximus immediatē, vel mediatē, ad includenda arma, equos, comectum, & alia, quibus immediate bellātes, & prēliantes vtuntur in prēlio, & bello: & ad includendū ferrum, ligna, sulphur, & alia; quibus in aliam formam mutatis, in eisdem vtuntur. Addidimus specialiter prohibita; ad includendū arma, ferrū, & lignamina galearū. Addidimus autē, vel subministrata malo animo, & c. ad excludendū ea, quę sine vilo malo animo subministrantur. Adiecimus tamen, vero, propter animū siue expresse, ac formaliter malū. Adiecimus, tacite, vel æquipollenti, propter animum malum, non formaliter; sed tacite vel æquipollenter: quia de æquipollentibus idem est iudicium l. final. ff. mandat. cap. dudū. 2. de electio. & mens vera, siue formalis, & æquipollens, siue virtualis exequantur, vt intentio formalis dicendi officiū diuinum, vel consecrandi, vel absoluendi; & intentio virtualis eadem faciendi, iuxta ea, quę late tradidimus in Enchiridio de orat. siue repet. cap. quando, de consecrat. dist. 1. notab. 13. num. 12. & sequenti, & notab. 20. num. 41. facit. cap. gratum. de offic. deleg. l. pro hered. ff. de acquir. heredi. regul. qui tacet. lib. 6. Animum vere malum appello animum, quo quis verē, & expresse eo fine aliqua subministrat Sarracenis, vt ea sint eis vsui ad prēlium, bellumve contra Christianos: tacitum vero vel virtualem seu æquipollentem eum, quo quis verē quidem, & expresse non subministrat in hunc malum finem: sed in alium forte bonum; sed virtualiter, siue æquipollenter sic: vt cum quis subministrat Sarracenis aliqua ob lucrum, quo se, suamque familiam honeste sustentet, & nullatenus, vt eos adiuuet. Attamen attentis omnibus loci, temporis, rei, personarum, & alijs circumstantijs, putat, quod ipsi rebus per eum subministratis tunc, vel aliquando vtentur in bello contra

- 7 Christianos, aut certe si non putat, putare tamen debet; quæ paria, & æquipollentia sunt l. quod te mihi. ff. si certum petat. vbi las. l. qui cum alio. ff. de regul. iur. vbi gloss. memorabilis, licet illius non meminerit ibi Decius, qui alia in hoc facientia docet. is enim, et si non vere, certe, virtualiter, & æquipollenter ad bellandum necessaria subministrat. Nā
- 8 paria sunt, vt quis faciat aliquid in aliquem finem, aut quod faciat in alium; sed videat, vel videre debeat, & lata culpa videre definat suum opus tendere in illum. Tunc enim, vt sæpe loquitur Thom. à Vio, actus
- 9 redit in naturam suæ formæ; hoc est, perinde est malus, ac si ob finem illum malum fieret: vt cum quis detrahit sine animo lædendi famā proximi sorte ex loquacitate, venialiter peccat: quia non nisi materialiter detrahit, nisi videat, vel videre debeat, quod notabiliter læditur fama proximi ex ea materiali detractio. Quia tunc redit actus in naturam suæ formæ, dum non curat eum faciens, à tanta proximi læsione cauere, vt in verb. Detractio. dixit ille, & eruitur ex diuo Thom. 2. 2. q. 73. art. 2. & probatur per princ. 83. d. & cap. pasce. 86. d. & cap. quantæ. de senten. excommuni. Et latius tradidimus nos in repe. cap. inter verba. 1. 1. q. 3. concl. 6. in definitione detractiois, & duobus corol. sequentibus. Neque putes nos per animū malum æquipollentē, intelligere malum præsumptum, quia hos longe inter se differre monstrabimus in corol. 13. & ita triplex potest esse huiusmodi animus malus, scilicet verus, præsumptus, & æquipollens. Sicut in simili triplex dolus colligitur ex Bart. cōmuniter recepto in l. quod Nerua. ff. de pos. scilicet dolus verus, qui latissima culpa est, secundū eundē ibidē. nu. 11. dolus præsumptus, qui est latior culpa, secundū eundem ibidē. nu. 14. & dolus æquipollenter, quia lata culpa dolo æquatur, secundum eundem ibidem. nu. 20. Et ita est æquipollēter dolus; & regulariter idem de eo, ac dolo iudicatur. vt ibidem, & in locis per postillas eius citatis habetur.

Ex hac definitione inferimus, primo quod per illa verba, necessaria

11 ad impugnandos Christianos, intelligūtur omnia specialiter iure prohibita, ne deferātur Sarracenis: & omnia, quæ mediate, vel immediate sunt vitia ad bellum, ea mente delata, vt sint eis vitia in bello contra Christianos gerēdo. Quod probat primo, per hoc cap. in verbis, ex quibus hoc notab. colligitur, scilicet: *Dum ad impugnandos Christianos arma, & necessaria subministrant.* Per quæ satis aperte Conciliū includit omnia vitia Sarracenis ad impugnādos Christianos, hoc fine vero, vel æquipollenti subministrata. Quoniā omnia illa sunt vitia ad impugnandos Christianos, vt palā est: ergo, & necessaria: per secundū dictū supra eod.

Deinde ponderamus versicul. Tales. qui ex cōmunicare videtur omnes, de quibus antea est loquutus: at antea loquutus fuit de deferentibus arma, ferrum, & lignamina galearum, & de subministrantibus naues, &c. ergo omnes illos videbitur excommunicare.

Tertio

Tertio facit, quod contra legem diuinam naturalem contentam in 1. 4. & 5. p̄ceptis Decalogi facit, qui Christianus Sarracenos iniuste bellantes contra Christianos adiuuat, vt probatum fuit in 1. notab. nu. 9. at quicunque vtilia bello gerendo subministrat Sarracenis ea mēte, vt sint eis vtilia contra Christianos, adiuuat eos, iniuste bellantes cōtra nos: ergo quicunq; talis, contra p̄dicta p̄cepta naturalia peccat; & per cōsecutionē cōtra hoc cap. quod illa tacite siue virtualiter includit.

Quarto probatur per cap. ad liberandam. infra eod. quod posteaquā excommunicauit deferentes Sarracenis arma, ferrum, & lignamina galearum, & vendentes eis galeas, vel naues, & gubernantes eas, subdit illam clausulā generalem: *Vel qui machinis, vel quibuslibet alijs, aliquod eis impendentes consilium, vel auxilium in dispendium terræ sanctæ:* per quam includit omnia, quibus auxilium, vel consilium datur Sarracenis contra Christianos: ergo & omnia sub nostra definitione contenta.

Quinto, quod in hoc cap. nulla est prohibitio expressa; & ita videtur ius antiquum continere quoad prohibitionē: licet quoad p̄nam contineat nouum secundum dicta in 1. notab. antiquum autem tangitur in ratione, quam tangit tex. Quare male faciunt, qui arma, ferrum, & ligna deferunt Sarracenis, scilicet, quod cum sint Christiani, inimicos Christianismi contra Christianos iuuant; & ius antiquum hac ratione tacitum omnia, in quā definitio p̄dicta se extendit, continet.

Sexto & irrefragabiliter probat cap. significauit. infra eod. quatenus p̄supponit, veritum fuisse ante illud cap. ne quis durante bello Sarracenis vllas merces etiam ad bellū ineptas deferat; etiamsi vadat ad eos ad captiuos Christianos redimendos, exceptis his, quæ ad articulum redemptionis sunt necessaria: at per nullū aliud ius, quam hoc id fuit tūc prohibitū: quia nondū emanarat cap. ad liberandam. in Cōcilio Generali, cui p̄fuit Innocen. iij. secūsus à Clem. iij. auctore illius cap. significauit: ergo per hoc cap. fuit prohibitum. quod gloss. 1. in princip. clare id ibi sensit. Quod tamen dici nequit, nisi dicamus hic esse saltem tacite prohibita omnia, quibus iuuantur Sarraceni in bellis contra Christianos, quatenus sunt talia: quod est nostrum propositum.

Septimo facit, quod nisi hunc intellectum teneamus, verbum prohibita positum in clausula bullæ Cæne Domini, superfluere videbitur, vt in coroll. 16. dicemus.

- 12 Contra tamen hanc conclusionem facit primo cap. quod olim. infra eod. quatenus probat, quod saltem tempore pacis licet Christianis ea deferre Sarracenis. Secundo extrauag. 1. de Iudeis inter communes: & etiam extrauag. 1. eiusdem tit. Ioan. xxij. per locum ab speciali: quatenus prohibentes speciatim delationem victualium in certa loca, & certo tempore, permittere videtur quoad alia loca, & tēpora. Tertio quod nemo scribingentium hic dixit, quod omnium ad bellum necessarium submi-

subministratio hic prohibeatur: immo Panor. in 2. not. expresse ait, hic poni pēnā triplicē cōtra deferētes arma, ferrū, & lignamina Sarracenis sine vlla mentione de alijs necessarijs: quod ipsum antea fecit Anton. in 3. notab. Quarto quod versiculus: Tales. huius cap. continens pēnas tantum ad deferentes prædicta, & gubernantes naues Sarracenorū piraticas referri videtur. Quinto quod versiculus: Dum ad impugnādos, &c. cui nititur hæc resolutio, & nostrum summarium non cōtinet prohibitionem, vt palam est, nec rationem prohibitionis: sed solam rationem rationis, cur sit malum id, contra quod pēna hic inducitur.

Per has rationes posset qui vellet sustinere id, quod communis sentire videtur, scilicet, quod hic solum prohibeatur delatio armorū, ferri, & lignorum, nauium, & gubernatio galearum, & nauium piraticatum Sarracenorum, & nihil aliud: & quod cap. ad liberādam. infra eod. addit prohibitionem venditionis galearum, & nauium; & impensionem consilij, & auxilij in dispendium terræ sanctæ. quod nos quoque dixissemus, nisi rationes pro nostro nouo intellectu, & noua summa supra proxime tactæ ad id nos vrsissent: & nisi etiam secundum vtrumque modum intelligendi oporteret dicere, omnes, qui contenta in definitione prædicta faciunt, esse ex communicatos, vel per hoc cap. vel per illud, vel per vtrūque: & nisi magis expediret, & absoluta esset doctrina, quæ hoc modo colligitur: & nisi facile posset ad argumenta prædicta, quæ nouē nos contra nos formauimus respondere. Ad primū quidem, concedendo probari per cap. quod olim. infra eo. quod alia, quam speciatim iure prohibita, licet vendere, & deferre Sarracenis tempore pacis, ad alium finem, quam bellandi contra Christianos. Cui nostra definitio, & eius declaratio non contradicit; non tamen ad hunc finem, quod nostra definitio probat, & dictum cap. quod olim. non reprobat. Ad secundum concedo, delationem victualium ad Sarraenos alio fine, quā iuuandi eos contra Christianos non esse prohibitam: sed sine iuuandi eos contra Christianos sic; nec nostra definitio aliud habet. Ad tertium concedo, neminem scribētum hæc ita, sicut nos explanasse, & resoluisse. Concedo etiam, quod Anton. & Panor. dixerunt, illa, quæ in argumento adducuntur: sed nego illa esse contraria nostræ resolutioni. nego item, illos negaturos fuisse, excommunicatos. per hoc cap. vel cap. ad liberandam. infra eod. quos ex nostra definitione concludemus esse excommunicatos. immo nego vllum doctum negaturum esse verū id, quod nos contendimus per hoc cap. probari; licet forte censeat, id totum non probari per hoc solum: sed per hoc, & alia cap. Ad quartum respondeo, versiculum: Tales. referri ad facientes omnia præcedentia: & ita ad omnes subministrantes necessaria cōtra Christianos, & ad alia speciatim prohibita. Ad quintum respondeo, nihil expresse prohiberi per hunc tex. vt in notab. 1. est dictum: sed solū tacitè, quatenus habet, quæ-

- quædam esse malefacta; & tangit rationē, cur illa sint malefacta, & ratio
- 14 nem non qualem qualem; sed iuris naturalis: & non probabiliter tantum concludentem; sed necessario: & ita constituentem ius naturale, iuxta eā, quæ late dicimus in repet. cap. ad hęc. de præbend. Et nego, quòd hic agatur de extendenda expressā prohibitione per rationē: sed de coniecturanda prohibitione tacita textus per rationem, quam oportet dicere tam esse extensam; quàm lata est ipsa ratio, ex qua colligitur ipsa. Nec refert, an sit immediata ratio conclusionis, an mediata, modo necessario concludat, ut ex his, quæ non indiligenter, neque triuialiter diximus in cap. 2. de præbend. super ratione cap. statutum. de electione. lib. 6. colligi potest.
- 16 Secundo inferitur, sola illa generaliter in hoc cap. & cap. ad liberandam, in fra eod. esse prohibita subministrari Sarracenis, sub censuris, & pœnis in eis contentis, quæ malo animo vero, vel æquipollent iuuandi eos contra Christianos in bello deferuntur. An autem is animus in speciatim prohibitis requiratur, cum gloss. 2. tangemus: & in d. cap. ad liberandam. attingemus.
- 17 Tettio inferitur, prohibita ministrari Sarracenis, diuidi in prohibita speciatim, & in prohibita generatim. Speciatim prohibita definiti possunt, quæ nominibus suis specialibus expressis prohibentur; quorum de numero sunt quatuor, quæ hoc cap. prohibet, scilicet delatio armorum, delatio ferri, & delatio lignorum, & gubernatio galearum, & nauium piraticarum Sarracenorum. Quintum, quod addit. cap. ad liberandam, in fra eod. scilicet venditio galearum, & nauium. Sextum, quod addit extrauag. multa. de ludæ. est delatio, missio, vel portatio equorum, victualium, & aliorum quorumcunq; mercimoniorum in
- 18 Alexandriam, vel alia loca tertæ Aegypti. Septimum, quod etiam ead. extrauag. addit. est extractio veterorū, vel permissio extractionis veterorū, vel permissio extractionis è portubus, ut illò deferantur. Verba d. extrauag. hæc sunt. Statuimus, ut nullus arma, equos, ferrum, lignamina, victualia, & alia quæcunq; mercimonia in Alexandriam, vel alia loca Sarracenorum terræ Aegypti deferre, mittere, vel portare, seu de portubus eorum, ut eisdem deferantur extrahere, vel extrahi permittere: aut eis aliàs, auxiliū, vel fauorem præstare, quoquomodo præsumat. Quod ipsum etiam esse prohibitum quoad omnes terras Sultani antea per Nic. iiij. & eius constitutionem fuisse innouatam per Bonif. viij. concedit Syl. & Ioan. Tab. ut in coroll. 8. tangemus. Octauum delatio equorum ad Sarracenos, Turcas, vel alios quoslibet Christiani nominis inimicos: quod solus processus Cænæ Domini habet. Processus inquam antiquus. Nam nouissimus Sanctissimi D. Gregorij xij. speciatim prohibet etiam deferri filum ferri, stamnum, chalybem omnia alia metallorum, genera atque bellica instrumenta, canapem, funes, tam ex ipso canape quam

ex quacunque alia materia, & ipsam materiam. Et ne quis per se vel alium, seu alios de rebus Christianæ reipub. statum concernentibus in Christianorum perniciem & damnum, ipsos Turcas & Christianæ religionis inimicos certiores faciat. Generaliter vero prohibita sunt, quæ verbis genericis, & quasi transcendentibus prohibentur. Quorum vnū ponitur hic, scilicet subministratio necessariorū ad impugnandos Christianos, quatenus sunt talia; hoc est, ad hunc finem, vt per ea impugnentur Christiani. Secundum est, quarumcunque mercium delatio ad Sarracenos durante bello. cap. quod olim. infr. eod. Tertium, auxilij, & cōsiliij cuiuscunque præstatio in perniciem terræ sanctæ. cap. ad liberandam. infr. eod. Quartum auxilij, vel fauoris præstatio quocunque modo Sarracenis Aegypti. d. extrauag. multa. Quintum delatio prohibitorum: quod habet clausula procellus Cœnæ Domini transcripta in primo notab. num. 5.

- 19 Quarto inferitur, quod quasi quidquid, & quoquomodo prohibet hoc cap. prohibet etiam cap. ad liberandam. infr. eod. & è contrario.
- 20 Nam cap. hoc prohibet speciatim quatuor, quæ supra collegi, quæ eadē ferē ad verb. prohibet. d. cap. ad liberandam. Prohibet præterea cap. hoc generaliter subministrationem necessariorū ad impugnandos Christianos, quatenus eiusmodi sunt; hoc est, ea mēte formali, aut virtuali, vt eis impugnent Christianos: quod ipsum etiam facit illud. cap. ad liberandam, licet alijs verbis, eis scilicet, quibus excommunicat omnes, qui machinis, vel quibuscunque alijs auxilium, vel consilium in perniciem terræ sanctæ impenderint. Sub his enim continentur omnes, qui necessaria ad impugnandos Christianos, subministrant; cum omnes eos auxilium, vel consilium in id præstare palam sit. & in d. cap. ad liberandam, monstrabimus paria esse, auxiliari in perniciem terræ sanctæ,
- 21 vel cōtra Christianos, quatenus Christiani sunt. Et ita quasi; quidquid & quomodocunque prohibet hoc cap. prohibet & illud. Diximus, quæ: eo quod, iuxta dicenda in 11. notab. gubernatio galearum non piraticarum speciatim prohibetur hic, & nō ibi. Et è contrario ibi prohibetur specialiter venditio nauium, & galearum, & non hic: licet virūque prohibeatur hic, & ibi generaliter, quādo fit mala mente vera, vel equi pollenti, per prædicta in 4. dicto.

Quinto inferitur, quod quidquid, & quocunque modo prohibet hoc & illud cap. ad liberandam, prohibet etiam extrauag. illa, multa. de Iude. Clem. v. Sed alio modo. Nam hæc duo cap. omnia, quæ prohibent quoad omnem locum, & tempus prohibenti illa vero extrauag. solum quoad Alexandriam, & terras Aegypti. Item illa multo plura speciatim prohibet, quæ non prohibent hæc duo cap. etenim prohibet speciatim equos, & victualia, & quascunque merces alias vllō tēpore ad illas terras deferri, quæ speciatim per hæc capitula non prohibentur. De extrauag.

uag. vero copiosus. Ioannis xxij. de Iudæ. non est consiliū, vane quidquam commentari, saluo eo, quod in coroll. sequenti infero: tum, quia illa prohibebat eadem per triennium, quoad regnum Granatæ, quæ di. extrauag. multa. quoad regnum Aegypti, tum quod (gratia superis) regnum Granatæ pridem per Catholicos regeſ Castellano, eidemque Christiano imperio impridem subiectum est.

2. Sexto infertur, non abs re gloss. illius extrauag. copiosus. verb. infra triennium, miratam fuisse, cur ea, quæ per alia iura prohibita erant, sine temporis præfinitione, per illam extrau. fuerunt cum ea prohibita tantum ad trienniū? Sed quidquid illa gloss. dicat, responderi potest, quod licet censuras huius cap. & cap. ad liberandam. infra eod. incurrisset is, qui intra illud triennium ad regnum Granatæ prohibita hic attulisset: non tamen censuras extrauag. multa. quæ reſeruatur sunt Papæ: tamen censuræ horum capp. non sint, vt postea dicam: & ita ob eam reſervationē fuit utilis, & formidabilior illa extrau. quàm hæc duo capp.
3. Septimo infertur, aliquid specialiter esse prohibitum in d. cap. ad liberandam. quod non est speciatim prohibitum in hoc cap. neque in clausula processus Cœnæ Domini, scilicet, venditio galearum, & narium: aliquid item in his duobus capp. esse specialiter prohibitum, quod in illa clausula non prohibetur, scilicet, gubernatio, & regimen galearum, & narium: & aliquid ibi specialiter esse prohibitum, quod neutro horum capitulorum specialiter prohibetur, scilicet, delatio equorū. Multa item generaliter prohiberi per hæc capp. quæ per illā clausulam etiā generaliter non prohibentur; omnes scilicet subministrationes aliæ à delatione, quæ sola ibi prohibetur. quæ maximi effectus esse cum gloss. final. dicam.

4. Octauo infertur merito nouè dubitari posse, cur alia speciatim prohibentur, & alia tantum generatim; cum omnia hæc cum malè fiunt, non solum sint contraria legibus posituiſ humanis: sed etiam naturalibus diuinis, vt in primo not. dictum extitit. Ad quam nouam dubitationem, & quæ mihi videtur caput, & fons soluendi alias plurimas: & vnde penitissimum modum intelligendi hunc tex. hauriamus, dico, duas esse causas; quarum posterior ex priore nascitur. Prior est, quod vt plurimum, speciatim prohibita aptiora sunt ad iuuandum, & maius, & patētius bellicum auxilium præstant Sarracenis ad nos offendendum, vel se à nobis defendendum: quàm alia generatim prohibita, taliaque sunt, quod nunquam, aut quamratissimè deferri possunt ad Sarracenos, absque mente, & intentione formali, vel virtuali iuuantibus eos, vt nos imperant, vel à nobis impetiri defendantur, attenta vicinitate imperiorum, regnorum, & vrbium eorum, & Christianorum, & ceteris bellis, quas habemus innumeras, cauſas, attēto irreconciliabili, quo in nos sūt, odio, & religionis tāta diuersitate, quāta est inter hoc, &

tenebras. Quis enim Christianus sciēs hęc, quę explorata, & nota sunt omnibus, potest deferre illis arma, ferrum, lignamina galearū, vel vendere galeas, vel naues, quin formaliter, vel virtualiter velit eis contra nos fauere? Posterior causa, quę ex prædicta priore nascitur, est, quod speciatim prohibita videntur habere innatam præsumptionem malę mentis, saltē virtualis ipso iure, sine alia probatione: eo quod tam apta sunt ad tam magnum auxilium bellicum Sarracenis præstādum, quod præstans ea, vel scit, vel debet scire, præstare se illis auxilium cōtra Christianos: & ideo vel expressam, vel virtualem, siue equipollentem mentē adiuuandi eos contra nos habere videtur. Generatim autem prohibita regulariter non sunt tam apta ad auxilium bellicum tam patens, neque tam grande, vt palam est: & ideo qui ea deferret non videtur virtualiter ad tam malum finem iuuandi eos deferre; sed potius ad alios. Sic culpa lata æquipollet dolo l. latę culpę. ff. de verbor. sign. non autem leuis, vel leuissima, vt ex prædictis locis Bartoli in d. l. quod Nerua colligitur. Sic sponsalia cum copula præsumere faciunt mentem contrahendi matrimonium præsumens: non autem, sine illa, etiam cum nisu ad illam cap. is qui, adiuncto cap. fin. de sponsal. licet post Conc. Trid. copula præfata nihil quoad præsumendum matrimonium operetur, vt diximus in Ma nua. Confess. cap. 2 §. num. 144.

- 1 §. Nono inferitur, ex prædictis alia diuisio prohibitorum, scilicet, in prohibita, quę ipso iure præsumuntur mala mente facta; qualia sunt omnia speciatim prohibita, & in prohibita, quę non præsumuntur mala mēte facta, nisi probentur, vel conijciātur aliūde tali mēte facta; qualia sunt omnia generatim prohibita. Nam delatio armorū, ferri, & lignorū hic prohibita: venditio item galearū & nauium vetita in d. cap. ad liberandam. delatio item equorum prohibita in processu Cœnę Domini, & alia duo in extrauag. multa. supra relata, non solum censentur mala, & vetita, quando probabuntur ea mente facta, vt illis delatis impugnentur Christiani. Immo ipso facto præsumuntur ea mente facta; & ideo mala, & prohibita, censurisque infecta; quod mitius est, quàm id, quod affirmat Inno. & Hostiens. quos sequuntur Panor. Anna. & Felin. scilicet, quod prædictorum in hoc cap. speciatim vetitorum delatio, sine vlla tali mente mala, est mala, & censuris infecta. Quos in gloss. 2. limitabimus, & in d. cap. significauit. cum opinione contraria conciliabimus. Delatio autem aliorum necessariorum ad impugnandum generaliter hic prohibita: impensio item auxilij, & consilij in d. cap. ad liberandam. generatim vetita: & alia eodem modo in extrauag. multa, & dicto processu inhibita, non sunt mala, neque vetita, nisi cum formaliter, vel virtualiter fiunt ad adiuuandos Sarracenos contra Christianos. Neque præsumuntur mala, nisi probentur, vel ex circumstantijs conijciantur sic facta.

16 Decimo infertur, inter speciatim, & generatim prohibita hoc distare, quod speciatim prohibita, non solū præsumunt mala, & malo animo, maloque sine facta: sed vere sunt malo animo, & sine saltē virtuali siue æquipollenti, nisi aliqua particularis causa excuset, etiā si verē bono sine fiant. Nam fieri potest, ut quis agat aliquid bono animo vero, sed malo æquipollenti, ut si quis ex alto tecto desiliat in pavimentum lapideum animo bono lartificandi spectantes, sine vilo vero se occidendi, vel debilitandi: huic certe animus verus bonus est, & non se occidendi; sed interpretatiuus, & æquipollens malus, & se se occidendi, vel debilitandi vel labefactandi. Quoniā in lata culpa est, non considerādo id, quod omnes sue conditionis homines cōsiderassent. Quia igitur ecclesia ob circumstantias in octavo coroll. consideratas, interpretatur per horum delationem tam patens auxilium Sarracenis contra Christianos præstari, ut qui præstat virtualiter id velit: etiā si formaliter contrarium voluerit is, qui non obstante ecclesiæ interpretatione aliud facit, malo sine saltē virtuali id efficit. Generaliter autem prohibita non præsumuntur malo animo facta; neque verē sunt malo animo effecta, si verus malus animus abest, & desit virtualis, qui aliūde, quā ob contrauentionem interpretationis iuris sit talis.

17 Vndecimo infertur, quod nulla harum præsumptionum est iuris, & de iure. Primo quidem, quod contra præsumptionem iuris, & de iure nulla probatio regulariter admittitur, l. antiquæ. C. ad S. C. Velle. l. fin. C. ad S. C. Macedonia. l. fin. C. arbit. tut. l. a Diuo Pio. §. si pignora. ff. de re iud. cap. is qui. de sponsal. at contra huiusmodi præsumptiones admittitur probatio. Quis enim dicat eum Christianum, qui cum triremi, vel naui lignis, aut armis plena soluit Genua, ut Vlisiponē appeller, & vi ventorum aduersorum delatus est Alexandriam; ibique naui armis, & lignis spoliatus rediens in Italiam accusatur delationis armorum ad Sarracenos, non esse admittendum ad probandum, quod id ei inuito, & cum magno animi dolore, & fortunarum iactura contigisset, de eoque absoluendum? Quis item neget esse admittendam probationem contra eum, qui magnam frumenti copiam attulisse dicitur ad aliquos Sarracenos Aphricanos, & negat se illam attulisse ad hoc, ut esset com meatus iustus exercitui contra Christianos ducendo? Secundo, quia præsumptio iuris, & de iure est præsumptio legis de aliquo super eo tamquam sibi comperto statuentis, iuxta notata in d. cap. is qui; & alibi sæpe. At neutra harum præsumptionum est huiusmodi. Nullibi enim cauetur vlla lege super aliqua illarum, tamquam super comperto quidquam statuere.

18 Duodecimo, ex proxime dictis infertur, aliud quod etsi nouum, arbitramur tamen placiturum viris doctis, & lucem præbiturum confessorijs; nempe, eum non incurere cēsuras huius cap. qui prohibita in eo

speciatim, traderet Sarracenis cum ijs, loci, temporis, quantitatis, qualitatis, & finis circumstantijs, quibus vir prudens pro comperto habere deberet, nullum vnquam ex eis fructum bellicum habiturum eum, cui traditur, neque vllum aliū Sarracenū. Quia lex fundata in presumptione, sicut non ligat in foro exteriori, si non est presumptio iuris, & de iure; & contraria veritas ostendi potest. cap. super hoc. de renunciat. l. cum de iudibito. ff. de probatio, ita & minus ligat in foro conscientie, & coram Deo, si veritas est illi contraria, iuxta cap. tua. de sponsal. & annotata in cap. is, qui fidem. eod. tit. cū omnia nuda, & aperta sint corā eo. cap. Deus omnipotēs. 1. q. 1. at he prohibitiones speciales, fundatæ sunt in presumptione, vt præcedens corol. habet: ergo illa cessante, nō ligāt.

Ex quibus inferri potest solutio questionis illius confessarij, cui pœnitens confessus fuit, se in finibus Aethiopie à bellis Christianorū longe remotis tradidisse ferrum parvę quantitatis Sarraceno, vt inde clauos fingi faceret ad struendam domum, quam cœptam habebat. Quibus, & ingenio Sarraceni, ac debitis circumstantijs attentis, quilibet prudens credidisset, & credere certo debuisset, eum non esse vsurū illo ferro ad arma fabricanda: sed ad fingendos ex eo clauos domui perficiendę necessarios. Cōfessario enim huiusmodi, nostra quidē sententia, salua iustiori, responderi potuit, illum non incidisse in censuras huius cap. neque bullę Cœnę Domini: immo neq; lethaliter peccasse, si aliud non interuenisset. Quin, & me iudice, etiam in foro exteriori absolueretur, si huiusmodi circumstantias probaret. Tamen si arbitrator consulendum esse pœnitentibus, vt ab his caueant, quę etsi non sint mala; sunt tamen minus bona suis contrarijs: & quę in grandes scrupulos confessarios conijciunt: & grandibus periculis iudicarijs in tribunalibus, præsertim iudicum non adeo doctorum sese exponunt.

30. Decimotertio inferitur, bonam esse, illam diuisionem communem, qua prohibita subministrari Sarracenis diuiduntur in prohibita simpliciter, & absolute; hoc est, quoad omnem locum, & tempus; & in prohibita quoad omnem locum: sed non quoad omne tempus, & in prohibita quoad omne tempus, & non quoad omnem locum. Primi generis sunt omnia prohibita hic, & in d. cap. ad liberandam, & in bulla Cœnæ Domini. Secundi generis sunt merces alię, quam bellicę, quę ad nullum locum Sarracenorum deferri possunt tempore belli; sed tempore pacis sic, iuxta cap. quod olim. infra eod. Terrij generis sunt ea, quę prohibentur in d. extrauag. multa. speciatim vltra hac prohibita, quę quoad omne tempus prohibentur, sed non nisi quoad terras Sarracenorum Aegypti. Et quod idem sit dicendum de omnibus terris
- 31 Sultani, ait S. Ant. 3. parte. tit. 24. cap. 30. col. 3. per quandam extrauag. Nic. iij. quę incipit: *Olim*, quam non esse sublatam contendit Syl. contra Angel. ipsi vero eam non vidimus, neque aliam Bonif. viij. inci-

cientem: *Contra*, quam Syl. citat. Et licet videamus Syl. decipi, quatenus putat in verbo, Excommunicatio 7. col. 3. eas nouari per d. extrauag. multa. & etiam quatenus in 5. notab. putat, delationem in terras Sultani prohiberi, per extrauag. multa. Quod certe non fit; immo quatenus ibi Clemens ait, se adherere vestigijs Nicolai, & nihil, nisi de terris Aegypti exprimit, aliud videtur quoad alias Sultani statuere. Licet itē in hunc secundum errorem decidat etiam Ioan. Tab. in verb. Excommunicatio 6. Licet item Caiet. non citet vllam talem extrauagantē aliam, quā d. extrauag. multa. Quia tamen etiam Ioan. Tab. idem quod S. Anton. tenet, licet significet, se non vidisse extrauag. *Contra*, quam citat, non audeo discedere à Diuo Antonino; cui addo, quod cum Turca suo regno adiecerit iam Sultani imperium, oportebit idem dicere de terris omnibus Turcæ; quod ipse ait de terris Sultani. Quia Turca est Sultanus, imo & grauius occupat terram sanctam, & totam Syriam, quam ille occupabat.

32 Decimoquarto inferitur, incautē fuisse loquutum illum virum doctum, qui dixit omnia, quæ sunt speciatim prohibita, esse absolute prohibita. Nam multa in illa extrauag. prohibentur specialiter; quæ tamē non sunt absolute, id est, quoad omnem locum & tempus prohibita, ut palam est. Addo item hanc diuisionem prohibitorum in prædictas tres species, de qua in coroll. præcedenti, aut non esse diuisionem generis in suas species; sed analogi in sua analogia, vel illa, de quibus analogice dicitur, aut neruofum ex ea sumi argumentum contra corollarium sequens, ut ibi dicemus.

33 Decimoquinto inferri videtur, quòd in hac materia appellatione prohibitorum, sine alia adiectione, sola prohibita quoad omne tempus, & locum includuntur: & non alia, quæ quoad aliquod tempus tantum, vel quoad aliquem locum tantum. quod sensit ante omnes Gossred. in fine summæ huius tituli. & Abbas antiquus in cap. significauit. infra eodem: & Panorm. Cardinal. Ioan. ab Anna. ibidem. Vbi clarius omnibus Henricus, licet nihil tangat Felin. Idem etiam sentiunt Ioan. Andr. Anton. Pan. & communis in d. cap. quod olim. infra eod. Tametsi hoc non omnino aperte aperiant: clarius tamen his non relatis, aiunt Syluest. & Caiet. vbi supra. Pro eis facit 13. coroll. in quo est conclusum, sola primæ generis prohibitorum, scilicet quæ sunt prohibita quoad omne tempus, & locum dici prohibita simpliciter, & absolute: cætera vero secundum quid, scilicet secundum locum, vel secundum tempus: at quod secundum quid est tale, non dicitur simpliciter tale: Vnde, dominium vtile non dicitur simpliciter dominium. l. 1. §. 1. ff. si ager vestigial. vel emphyt. Nec excommunicatio minor videtur dici simpliciter excommunicatio. cap. penul. de sent. excommunicatio. Quamuis alia ratione id ibi contingit, ut aliàs ibidem dixi-

diximus. Nec homo piētus dicitur simpliciter homo, iuxta illud dialecticorum: *Omne analogum per se sumptum, stat pro famosiore significato*: secundum Aristot. receptum. Secundo pro eisdem facit, quod extrauag. multa. pe Iudæis, post illa verba: *Ferrum, equos, arma, & alia vetita*, subdit necnon victualia, & mercimonia, &c. per quod significare videtur victualia, & mercimonia, non esse de prohibitis.

- 35 Contra quos tamen plurimū vrget, quod omnes species alicuius generis sub eius propria significatione continentur, iuxta singulare ac receptum dictum Bald. in l. 2. C. de iure aur. anul. Et prohibitum quoad certum tempus, & prohibitum quoad certum locum: & prohibitū quoad omne tempus, & locum, tres species sunt prohibitorum, vt habet 13. coroll. Et si respondeas, quod illa diuisio illius coroll. est diuisio analogi in sua analogata, seu ea, de quibus analogicē dicitur, vt in præced. coroll. tangebamus; replicari potest, quod debitum quoad certum locum, est verē debitum, vt ff. de eo. quod cer. loco, per totum: & debitū quoad certum tempus, verē est debitum. l. in diem. ff. de cond. indeb. Suspendus quoad certum actum, verē suspendus est, iuxta gloss. Clem. cupientes. de pœnis. ergo pari ratione prohibitū quoad aliquod tempus, vel locum dici debet verē & analogicē prohibitum. Quare aliter videtur respondendum, scilicet, quod id nō contingit ob defectum significationis propriæ: sed ob defectum intentionis animi disponentis: sicut in simili sæpe in rubr. de præben. & alibi diximus, quod causa, quare appellatione verbi, beneficium, positi in expectatiuis, & mandatis de prouidendo non comprehenditur beneficium curæ animarū, non est defectus significationis propriæ: sed defectus intentionis rescribentis. cap. final. de præben. & cap. cum in illis. eodem tit. lib. 6. Et si vrgeas interrogando, vnde constet intentionis Romanorum Pontificum in hac materia loquentium, non esse comprehendere temporaliter, vel localiter tantum prohibita appellatione prohibitorum, quoad leges pœnales? Respondeo, quod ex multis saltem coniunctis, scilicet, quod non est tanta ratio in his, sicut in illis; & quod pœnæ sunt restringendæ: & quod Clemens v. in dicta extrauagant. multa. id significauit, quatenus posteaquā prohibuit ferrū, equos, arma, ac alia, vetita subiicit: *Nec non victualia, & mercimonia*: & quod omnium doctorum mens siue iustæ, siue iniustæ concepta illa videretur fuisse: & doctorum consilio leges Romanæ, & processus Cœnæ Domini promulgari solent. Quæ tamen si ad revincendum contradicentem forsitan non sufficiant; ad assentiendū tamen opinioni Communi, & benigniori in materia pœnali satisfacere videntur: licet contra hæc sit oppositio fortissima, quam mox contra corollarium sequens, quod ex hoc infertur, formabimus.

- Decimosexto infertur, ex præcedenti coroll. conclusio quotidiana, scilicet, in censuras bullæ Cœnæ Domini non incidere eos, qui alias merces,

metces, quàm bellicas etiam tempore belli deferunt Sarracenis: immo neque qui alia, quam equos, & alia similiter prohibita deferunt. Quoniam clausula illius hunc pertinens, solum excommunicat deferentes Sarracenis equos arma, ferrum, lignamina, & alia prohibita: at per coroll. præcedens appellatione prohibitorum non continentur, nisi similiter prohibita: ergo propositum.

39 Contra hanc tamen conclusionem facit primo, quod ex ea sequeretur, quod verba illa: deferentes prohibita, posita in illa clausula nihil operarentur. Quia quoad ibi expressa nihil operantur: quippe quæ sine illis sub ea includuntur, & nulla alia videntur esse prohibita, in quibus verificentur. Nam tria sola, quæ in hoc cap. speciatim prohibentur, scilicet, arma, ferrum, & lignamina, etiam ibi exprimuntur; immo adduntur equi. In cap. item. ad liberandam, solum additur venditio galearũ, & nauium; quæ non potest comprehendi sub illis verbis deferentes prohibita. quia qui galeam vendit Sarracenis, non dicitur eam eis deferre, alioqui d. cap. ad liberandam. nihil adderet huic cap. excommunicando vendentes galeas, & naues, cum per hoc excommunicentur deferentes. Quod tamen est contra omnium mentem, & præsertim contra Caiet. magis, quam alij affirmantem hoc coroll. Et si proteruiendo pergas dicere, quod venditio nauis sit delatio; considera huic consequens esse, quod includitur, per alia verba illius clausulæ anteriora, scilicet: *Deferentes arma ferrum, & lignamina.* quoniam prohibitus deferre lignamina galearum, prohibitus quoque est deferre galeas, vt in 6. notab. diximus: & per consequutionem verbum, prohibita, quoad id nihil operatur. Secundo facit, quod illa verba: *Deferentes prohibita*, nihil operantur etiam, quoad exercentes curam, & regimen galearum, & nauium piratarum Sarracenorum qui licet excommunicentur per hoc cap. non tamen excommunicantur per illam clausulam, secundum Angel. quem Syl. Caiet. & Io. Tab. vnanimiter sequuntur. Quia exercere illud regimen non est quidquam deferre; & per illam clausulam solum deferentes excommunicantur. Ad hoc difficile argumentum respondeo, quod verba illa: *Deferentes prohibita*, illius clausulæ, verificari possunt in omnibus vtilibus mediata, vel immediata ad bellum subministratis malo animo formali, vel virtuali, vt eis impugnent Christianos. Hæc enim omnia quoad omne tempus, & locum prohibentur, per hoc cap. & cap. ad liberandam. infra eodem, vt in 4. dicto, & illat. prima, supra eodem notab. diximus. Ad quod probandum tetigimus ibi septimo loco hoc argumentum. Itaque verbum, prohibita, positum in illa clausula includit tantum illa, quæ generaliier hic, & in d. cap. ad liberandam sunt prohibita; quæ est resolutio noua, singularis, & vtilis.

40 Decimo septimo inferitur, ex coroll. præcedenti, omnes qui animo formali, vel virtuali iuuandi Sarracenos contra Christianos deferunt

- eis aliqua vtilia bello, vel prælio mediâtè, vel immediâtè, incidere in censuras bullæ Cœnæ Domini. quod maximè animaduertant confessarij. Quoniam hi deferunt prohibita quoad omne tempus & locum,
- 41 cum, vt dictum est in coroll. præcedente. Infertur item vendentes solum, & non deferentes naues, vel galeas Sarracenis non incurrere; neque etiam exercentes curam, & regimen galearum, & navium piratarum; quia nulli horum dicuntur deferre prohibita. Neque qui merces alias ab expressis in dicta clausula tempore belli ad eos deferunt: quia non deferunt prohibita simpliciter quoad omne tempus, & locum, nisi aliquo modo essent vtilia bello, & ob id ad eos deferrent: quoniam eo respectu quoad omne tempus & locum fiunt prohibita. per prædicta. Infertur item aliquos incidere in censuras illius clausulæ, qui non incidunt in censuras huius cap. eos scilicet, qui equos, sine intentione mala formali, neque virtuali ad eos deferunt. Contra enim talem delationem nulla censura hic fertur; & ibi sic, vt palam est ex prædictis.

Decimonotauo infertur solutio quæstionis, quam ex facto interrogat

42 bar, an scilicet qui vendit arma Sarracenis habetibus plura, quàm quibus egent, incidat in huc canonem. Respondendum est enim, quidquid Tabien. senserit, incidere: quia necessaria sunt eis ad prælium primo, secundo, vel tertio modo necessitatis supra eod. not. nu. 2. relatis: quia, etsi qui Sarraceni plura arma habeant, quàm quibus in præsentia egeant, non tamen habent plura, quàm quæ eis sunt vtilia: neque plura, quàm quibus breui tempore egere possint prælio aliquo graui victi, & armis & militibus priuati.

43 Decimonono infertur pœnis huius canonis subijci omnes, qui subministrant arcem, turtim, vel speculas munitas, siue non munitas, vel aliam quamcunque fabricam, vel machinam, ligneam, ferream, lapideam, terream, auream, argenteam, stagnæam, vel mixtâ, quæ mediâtè, vel immediâtè est vtilis prælio, vel bello contra Christianos nos gerendo; & subministratur malo animo formali, vel virtuali, seu æquipollenti. Quia ea omnia necessaria sunt ad impugnandos Christianos primo, secundo, vel tertio modo, de quibus supra nu. 2. & in id subministrantur, intentione actuali, vel virtuali. Infertur item, eum qui prædicta subministraret bona mente, sine tali mala, saltem virtuali, non incursum has censuras.

44 Vigesimo infertur, eos etiam incursum esse censuras, qui subministrant Sarracenis pertinentia ad com meatum belli contra Christianos, quatenus talia sunt; hoc est, ea mente, vt mediâtè, vel immediâtè spectent ad prælium; puta tuendo, & augendo vitam saltem, & vires militum, vt cum opus fuerit fortiter præliantur. Omnes item pleuina, & galeri militares, omnis pannus tinctus eo colore, quo miles vestitus solior, & formidabilior apparet, quatenus talia sunt, hoc est ea mente sub-

ministrata, vt eorum virtus, vel effectus ad prælium perueniat. Quoniã omnibus his, conuenit definitio necessariorum ad præliandum contra Christianos, vt patet ex 4. dicto. Insertur autem simul non incursum censuras has eum, qui hæc, sine mala mente ministraret illis.

Vigesimoprimum infertur solutio illius quæstionis, quam ex facto in-
45 terrogabar, scilicet, an qui multũ calcis, & lapidũ ex Hispania in quod-
dã oppidũ Aphricæ, extra tamen terras Aegypti detulisset, in prædictas
incidisset censuras? Respondendum enim est, incidisse, si eo animo de-
tulit, vt ex eis arcem aliquam Sarraceni munirent, aur si antequam ea
venderet, & traderet rescijsser, ea sibi à Sarracenis in eum vsum emi, &
ad eum vsum vendidisset: immo etiam, si cum sciuiisset Sarracenos ea
materia egere ad faciendam, vel reficiendam arcem aliquam, in alios
vsum detulisset, & vendidisset: eo quod licet actu, siue actualiter non
tradidisset ad præliandum: virtute tamen, siue virtualiter in id tradidit.
Si autem bona fide, ac sincero pectore credebar ea in ædium ad habitan-
dum tantum ædificationem sibi emptum iri, & nesciebat eorum necesse
sitatem, vel voluntatẽ ædificandi reficiendive arcem, & ob hanc igno-
rantiam vendidit, & tradidit, aliàs id non facturus, ab his censuris liber
46 fuisset. Dixi, extra terras Aegypti, propter d. extrauag. multa. qua ex-
communicatus fuisset, quamquam mente ea in illas detulisset, & pari
ratione potuit, immo oportuit addi, extra terras Sultani, ab eo, qui se-
quitur opinionem Diui Anton. & communem in 13. coroll. relata. Immo
potuit, & oportuit addi, extra terras principis Turcarum, ab eo,
cui placet extensio nostra noua prædicti Diui Antonini, in dicto corol.
13. scripta.

*Vndecimum notabile, quod galeas, & naues pira-
ticas Sarracenorum gubernantes incidunt
in hunc canonem, cum multis ad
id pertinentibus.*

S V M M A R I V M.

- 1 Sarracenorum naues piraticas regentes excommunicati, & etiam galeas
non piraticas. num. 2. Quia galea ex se bellica est. nu. 4. Quid de ve-
storibus. nu. 6. & alijs ministris. num. 7. & nautis num. 8. Quid de
inuuantibus, & remigibus vinctis. num. 9. & 10.
- 3 Copulatiua, Et, dupliciter coniungit, nam nunc orationem copulatiuam,
nunc, de copulato extremo facit.
- 5 Prohibitio specialis huius cap. in quo specialior, quam specialis cap. ad li-
beran-

berandam. infra eod. nouè.

- 11 Absolui an possit Christianus remex, cōtra Christianos metu mortis remigans, & an sit ex cōmunicatus. n. 18. & an incidat in bullā Cænæ. n. 19
- 12 Metus licet excuset à furto; non tamen ab incidendo non inuadent. n. 16.
- 13 Intellectus nouus. l. vt vim. ff. de iust. & iure.
- 14 Remex illicitè remigat in Christianum.
- 15 Desendendo se, licet quis occidit inuadentem: sed an licite possit velle eum occidere, etiam tanquam medium ad suam defensionem?
- 17 Mors, ne malo consentias, gloriosa.

1 **V**Ndecimo principaliter noto versiculum: *Sunt etiam*, pro ea parte nostrę summę, quę habet, incidere in hunc canonem eos, qui in galeis, & piraticis Sarracenorum nauibus regimen, & curam gubernationis exercent. Cōtra quod facit primo, quod verbum galeis omittitur in cap. ad liberandam. infra eodem. Secundo, quod nihil de hac clausula repetitur in bulla Cænæ Domini. Tertio, quod Ioan. Andr. Anto. & Anna. in suis summarijs omnes Christianos ministrantes in nauibus Sarracenorum includunt; Panor. autem & Felin. in suis, omnes in eis nauigantes. Caier. autem omnes in eis curam exercentes: Quidquid tamen hi patres sentiant verus, & litterę germanus sensus videtur esse, per hanc clausulam, eos solos, & omnes comprehendere, qui regimen, vel curā gubernationis exercent in galeis Sarracenorum, & etiam qui idē faciunt in nauibus piraticis eorundem: ita, quod illa verba faciant vnā copulatiuam compositam ex dyabus prædictis orationibus.

- 2 Ex quo infertur primo, quod non oportet ad hoc galeas esse piraticas, sed naues sic: tum, quia phrasis ipsa id significat, quatenus habet in galeis & piraticis nauibus. si enim verbum, *piraticis*, ad vtrunque referre voluisset, dixisset in piraticis galeis, & nauibus, vel in galeis, & nauibus piraticis non autem, vt, ait in galeis, & piraticis nauibus: tum, quia illa copulatiua, et, non coniungit inter terminos eiusdem extremi; siue, vt clarius dialectici loquuntur, non facit propositionem de copulato extremo. quia si eam faceret, exigeret gubernationem in galeis, & nauibus; ita vt non sufficeret gubernatio galearum sola, neque nauium sola, quod nemo diceret. At si inter orationes coniungit, siue, vt dialectici aiunt facit orationem copulatiuam, sensus est; eum incidere in canonem, qui gubernationē exercet in galeis: eum item, qui eam exercet in piraticis nauibus, vt palam est; & ita sufficit gubernasse galeas, vel gubernasse naues piraticas. quod est nostrum propositum. Tum, quia galeę suapte natura in agis spectant bellū, & piraticam, quàm alię naues onerarię. Er ideo non est mirum, vt exigatur quod naues sint piraticę; nō autem galeę: & constat, quod gubernatio earum, & nauium bellicarum, vel piratarum Sarracenorum est fauor eis, & terror nostris.

Secun-

- 5 Secundo inferitur, conclusio noua, & singularis, scilicet, prohibitio-
nem huius cap. specialem aliqua parte esse latiorē prohibitionē specia-
li. cap. ad liberandam. infra eodem; ea nempe, qua excomunicat Chri-
stianos gubernantes galeas, non piraticas, vt in 10. notab. diximus, &
super eodem cap. ad liberandam. tangemus.
- Tercio inferitur, quod nihil obstat prædictis cap. ad liberandam, &
clausulæ processus Cœnæ Domini: quoniam fatemur eos, qui expri-
muntur hic, & tacentur ibi, non comprehendi ab eis, neque teneri vin-
culis illarum dispositionum.
- 6 Quarto inferitur, victores transeuntes in earum nauibus ab alijs in
alias terras, ob hoc solum non incidere in hunc canonem. Quia non
regunt, neque gubernant eas: & ita Pan. & Felin. incogitanter omnes
nauigantes comprehendisse.
- 7 Quinto non incidere in eum pueros Christianos, qui Sarracenis ser-
uiunt in galeis, vel nauibus piraticis à poculis, à cordis, & ab alijs mi-
nisterijs à gubernatione remotis: & consequenter quod Ioan. Andr.
Anton. Anna. & communis, alius alium sequuti, inaduertēter compre-
henderunt omnes ministrantes.
- 8 Sexto idem dicendum esse de nautis remigibus, vel alijs mercena-
rijs, qui non gubernant; sed qui gubernantiū iussu capeſsunt. Si autem
hi adiuuarent Sarracenos contra Christianos pugnando, vel remigan-
do, tradendo arma, quibus pugnarent, consulendo, vel animando, vel
aliter quoquomodo inciderent in excommunicationem, siue quia ne-
cessaria subministrant ad impugnandos Christianos contra hunc tex.
siue quia consilium, vel auxilium, quoquomodo eis contra Christia-
nos præstant, contra cap. ad liberandam. infra eodem, & contra clau-
sulam bullæ Cœnæ sanctissimi D. Gregorij xiiij.
- 10 An autem Christiani captiui in galeis ad remigandum vincti, qui ne
occidantur, aut percussionebus, & liuoribus morte peioribus affician-
tur, remigant in galeis Sarracenorum contra Christianos, incidunt in
hunc canonem: & an à suis confessarijs absolui queant, antequam ab-
solvantur à censurâ bullæ Cœnæ Domini, & antequam proponant, se
nunquam ultra Sarracenis in Christianos talem opem laturos? quæ-
stio quotidiana est. De qua consultus ante duos annos à viris apostoli-
cis in Africam, vt negotia Domini nostri Iesu Christi agerent, transla-
tis; respondi (si satis memini) quatuor. Primum eos peccare: quoniam
contraueniunt præcepto de non occidendo Decalogi. Exod. 20. relati
per gloss. cap. quid in omnibus. 32. q. 7. Quia non solū contraueniunt
illi præcepto, qui occidunt, vel occidere, aut iniuste pugnare volunt: sed
etiam ij, qui occidenti vel iniuste pugnanti, vel id tacere volenti, quo-
quomodo opulantur, consulunt, vel consentiunt, cap. sicut dignum.
§. illi autem. & §. illi vero. & §. qui vero. & §. hi quoque. de homicid.

cap. 1. cum ei annotatis. de offic. deleg. cap. notum. 2. q. 1. l. is qui opem ff. de fur. cum ei annota. Et quamuis à furando excusaret necessitas illa grauissima suam mortem euitandi, argumento annotatorum in cap. si quis propter necessitatem. de furt. & cap. discipulos. de consecrat. dist. 5. non tamen excusare potest à præcepto de non occidendo. Quia oportet omnia mala pœne pati, potiusquam malo culpæ consentire. cap. ita ne. 3. 2. q. 5. & l. palam §. non est ignoscendum. ff. de rit. nupt. cap. sacris. de his, quæ vi. l. isti quidem. ff. quod met. caus.

Contra quod tamen facit primo. l. vt vim. ff. de iusti. & iur. in illis verbis: *Quod quisque ob tutelam sui corporis fecit, iure fecisse videtur.* Secundo obstat. l. is damnum. §. 1. ff. de reg. iur. quæ habet: *Eius nulla culpa est cui necesse est parere,* & decisio Petri. quem ibi Cy. Alb. & Saly. sequuntur in l. 1. C. vnde vi, scilicet, qd excusatur ab homicidio famulus, qui præcepto hæri occidit vxorem adulteram, vel alium, ne ipse ab hæro præcipiente, si ei non paruerit, occidatur. Quod ipsum tenet Bal. in. §. iniuria. colum. pen. de pace iuramen. firman. & Dec. in d. l. is damnum. §. 1. & Card. in cap. sacris col. 2. de his quæ vi. Tertio facit, quod si conclusio supradicta teneatur consitendum est, omnes remiges Christianos, qui mille mortes, ne Christum negent, patiuntur, extra eius gratiã esse, neque in eam redire posse, nisi prius decreuerint, potius mortem subire; quam remigare in Christianos, quæ dura videtur conclusio.

- 13 Non obstantibus tamen his teneo id, quod ante dicebam, & ad horum primum respondeo, legem illam, *Vt vim intelligendam esse de eo quod vim metuens facit aduersus eam inferentem,* & non de eo, quod aduersus alium, vt in nostro casu cõtingit: & ideo quamuis hi remiges possent se defendendo occidere Sarracenos eos iniuste verberantes, & volentes
- 14 occidere, eo quod non remigant contra Christianos: non tamẽ possunt remigando adiuuare eos contra Christianos, ne à Sarracenis occidantur, per dictũ cap. sacris. vbi Panor. colum. 2. hoc quod dicimus tenet.
- 15 Et confirmatur noua ratione, eademque neruosiſſima, scilicet, quod iura omnia probãtia, & doctores per ea dicentes, licere cui pro sua defensione occidere alium, non significant licere illi intendere animum in mortem alterius tamquã in finem, vel medium sue defensionis, vt singularissime videtur probare princi. cap. de occidendis. 23. quæstio. 5. quia peccaret, si vellet occidere etiã ad finem sese defendendi; sed significant licere cui intendere animum ad se defendendũ, etiã si ex sua defensione præter suam intentionẽ mors alterius sequatur, vt videtur sentire S. Tho. 2. 2. q. 64. art. 7. & fufius ibi Caiet. & fufius Abulẽf. in c. 5. super Matt. q. 46. at qui ne occidatur ab hæro præcipiente, vxorẽ suã adulterã, vel alium occidit mortẽ illius accipit, vt mediũ sese defendendi: ergo peccat, & male facit. Posteaquam tamen hanc rationem scripsimus contra assumptũ in ea tenuimus in Man. Confessariorũ. cap. 1 §. à num.

nu. 2. sub finem allegando ea quæ in cap. olim de restitut. spoliat. scripseramus, & Sotum qui postea idem tenuit lib. 5. q. 1. art. 8. de iusti. & iure. Quod nouis rationibus munio in d. Manual. concludendo licere aggresso velle occidere aggressorem, quando est medium necessarium ad suæ vitæ defensionem. quare præcedentes rationes videntur esse hæc neuosiores.

- Ad secundum respondeo negando, quod seruo, vel famulo necesse sit parere domino vel hæro tam atrocem rem præcipienti contra legem naturalem, diuinam, & humanam, arg. cap. si dominus. cap. non semper. & cap. Iulianus. 1. 1. q. 3. Et ad decisionē petri. & Cyni respōdeo, cōmuniter quidem esse receptam; sed mea sententia multo falsissima; & demiror eā tot patribus antiquis, & nouis eruditissimis probari: nā sicut neque Cagnolus, neque Ferrarius in d. l. is damnū. §. 1. recedunt à Decio: ita gaudeo eam reprobata fuisse à Panor. in d. cap. sacris. col. 2. posset item responderi, illam decisionem tenendam esse quoad forum exterius, sakem quoad hoc, vt multo mitius puniatur, quā si absque illo ti more fecisset: non tamen quoad Deum, & in foro conscientiz.
- 17 Ad tertium, respondeo, durum quidem esse pati mortem, quæ omnium terribilium maximū est: at gloriosissimam esse mortem, quæ ne rei malæ consentias, subitur. vt singulariter dixit gloriosus Eleazarus 2. Mach. cap. 6. præmiaq. maxima, quæ neq; oculus vidit, neque auris audiuit, præparata esse illis: & præmonitos nos esse à duce nostro Christo, ne timeamus eos, qui occidunt corpus Matth. 10. & cap. nolite timere 1. 1. quæstio. 3. Hactenus de primo dicto.
- 18 Secundum, quod prædictis quæstionibus respondimus fuit, defendi posse prædictos remiges non esse excommunicatos. Non quidem, eo quod non peccant lethaliter: neque quia non dent, vel nō faciant necessaria ad impugnandos Christianos contra hoc. cap. vel quia non dent auxilium cont. cap. ad liberandam. Sed quia non videtur intentio Sacrosanctorum Conciliorū fuisse, excommunicare eos, qui mortis necessitate adducti, contra suam voluntatē adiuuant.

Tertium quod esto teneremus eos esse excommunicatos per hæc antiqua iura, cuius contrarium putamus; posset tamen dici non esse excommunicatos per præfatam clausulam bullæ Cænæ, quæ non videtur includere illos: & ita excommunicationem eorum non esse reseruataam Papæ: sed posse tolli ab ordinario.

Quartū respondimus, hæc consequi, scilicet etiam a peccatis eos posse absolui, si proponant nullatenus vnquā vltra remigare contra Christianos; alioqui autem non. Quia non habent voluntatem desistendi à peccato neque per consecutionem contritionē sufficientem ad hoc, vt possint à peccatis absolui, iuxta ea, quæ vtiliter scripsimus in cap. fratres de pœnit. distin. 5. nu. 33.

IN GLOSS. I.

IN huius relectionis initio septem glossas vtiles, & nouas super septē glossis huius cap. me facturum promisi: sed quia multo plus quam putaram illa sub pzelo crescit, earum bonam partem in commentariolos quorundam aliorum huius tituli capitum relegabo, ratiū id gratius vtiliusque candido lectori futurum. Tertium item notabile multis vtilibus mutilaui, quibus hanc glos. primam decreueram illustrare. quę tamen, ne veluti nimia in tertia mensa nauseam pariant, ad cap. ad librandam. inf. eod. demitto.

IN GLOSS. II.

S V M M A R I V M.

- 1 *Arma ad alios hostes, quam Sarracenos deferens non incidit in hanc censuram.*
- 2 *Arma non habet si non habet ferrum, mala illatio est.*
- 3 *Arma sunt lapides, etiam propriē intentione assumentis.*
- 4 *Causa vt intelligitur perempta perit res.*
- 5 *Causa quadruplex fin. eff. for. & materialis.*
- 7 *Delatio prohibitorum sine malo animo an mala.*

EX hac gloss. colligo primo ampliatiōem huius cap. scilicet hęc, de quibus hic habetur, non solum non esse deferenda Sarracenis: sed neque alijs hostibus. Cui adde quod neque alijs barbaris, per ea, quę in primo notab. nu. 4. diximus. Deferentes tamen ad alios hostes vel barbaros, licet male faciāt puniri que possint alijs pœnis. l. 2. C. quę res exportat. non deb. & aliarum legum regū, & principum: non tamen pœnis huius cap. neque aliorum iurium pontificiorum de hac re statuentium, per ea, quę in primo & 4. notabili dicebamus: & quia lex pœnalis de vno casu ad alium extendi non debet. l. interpretatione. ff. de pœnis. §. pœnē. de pœnit. dist. 1.

- 2 Secundo colligo consecutionem hanc esse bonam: Talis non habet ferrum; ergo non habet arma. Quod tamen incogitanter dictum est. Tum, quia in §. notab. probauimus omnium artium instrumenta esse proprie arma: quorum tamen plurima non sunt ferrea. Tum, quia, si dicas glossam intelligendam de armis bellicis, multa sunt arma bellica, quę nō sunt ferrea: puta fustes & lapides, quę, teste ipsamet glossa, sunt arma bellica, & de quibus ea loquitur. Tum, quia bombarde, & bombardulę, siue sclopetę ex cupro constatę arma sunt, & non ferrea.
- 3 Tertio colligo lapides, & fustes arma esse. Quę communis conclusio

sio est, & amplianda, vel procedat capiendū verbum, arma, stricte pro armis bellicis, per dicta in d. not. 3. nu. 4. & proprie sumpto verbo, arma, per dicta ibidem. nu. 5. Licet non sint arma intentione fabricantis: sed intentione assumentis, vt ibi nouē & vtiliter dictum est. nu. 13.

4. Quarto colligo, hanc consecutionem esse bonam, Perempta est causa: ergo peremptus est effectus. Quod gloss. significat per illum versiculum: *Causatum perimit causa perempta suum.* adiunctis illis, quæ præmissit. *Si enim non habens ferrum, neque arma.* Facit l. generaliter. C. de episco. & cleri. l. 2. §. final. ff. de donatio. cap. cum cessante causa cesset effectus. de appellat. Sed contra hoc facit, quod hæc ipsa gloss. quæ hoc habet, etiam hodie durat, cum tamen eius auctor, & causa, scilicet, Bernardus iam pridem sit mortuus. Et quod multi filij viuunt, quorum parentes, qui eorum fuerunt causa, pridem obierunt, cap. Raynuius. de testamentis. cap. si pater. eodem tit. lib. 6. Ad hoc respondeo quadruplicem esse causam, scilicet, efficientem, finalem, formalem, & materialem, secundum Philoso. in 2. Physi. & Bart. receptum in d. l. 2. §. fin. & Cald. Panor. & omnes in proæmio Gregoriano de quibus aliàs latius dixi, & anno insequenti, Deo annuente, dicam in rubr. de causis. posse. & proprie. Et harum duæ scilicet, formalis, & materialis ingrediuntur rei, & effectus compositionem: aliæ vero duæ, scilicet, finalis, & efficiens non; vt per eundem Philoso. vbi supra, & hæc duæ appellantur causæ rei fiende: priores vero etiam essende, vt vtar verbis Mariani, in cap. ad audientiam. col. 27. de homic. Et conclusio glossæ nostræ procedit in causa materiali, & formali essentiali, quæ ingrediuntur rei productæ compositionem, & quæ etiam vocantur essendi. Vnde recte sequitur: Non habet corpus, vel non habet animam rationalem; ergo non est homo. Quia causa formalis substantialis hominis est anima; & causa materialis eiusdem est corpus cap. in quadam, de celebr. miss. Et hoc sensit singulariter Bart. in l. vbicunque. ff. de interrogat. actio. dum. num. 1. & 2. ait, quod illud dictum: *Remota causa, remouetur effectus*, est intelligendum de causa proximâ intrinseca, & essentiali; & non de causa remota extrinseca, & accidentali. An autem in causa final. valeat hoc argumētum, dixi aliàs, & dictaui profundius, quam alij Salmanticæ super d. cap. cum cessante. de appellat. & communiter tenetur, regulariter valere, quando nullæ reliquæ illius causæ finalis superfunt, vt resoluit Dyn. in regul. decet. de regul. iur. lib. 6. cuius additio plura citat, quæ non expendo altius, quia gloss. nostra de causa materiali tantum agit.

7. Quinto colligo ex gloss. id, quod solum colligit ex ea Panor. scilicet, pœnam huius capit. locum habere contra deferentes res in eo prohibitas, etiamsi absque intentione, vt per eas impugnentur Christiani deferant. Circa quod dico primum, vix posse hoc ex hac gloss. colligi. Deinde

inde, quod mea sententia verum est, quoad ea, quæ specialiter prohibentur in eo: puta quoad ferrum, arma, & lignamina galearum: non autem quoad alia, vt in 10. notab. nu. 38. & sequent. tangebam, & in cap. significauit. infra eodem opportuniùs repetam.

IN GLOSS. III.

SUMMARIVM.

1 Clericus arma ministrans pugnantibus, an & quando irregularis.

Gloss. hæc ex tex. colligit clericum, qui arma pugnantibus ministrat, haberi pro homicida, si homicidiũ sequatur; & ita esse irregulatem. Circa quod dico primum, id colligo vtrumque ex tex. non tamen nimium efficaciter: colligitur enim sic: Christiani deferentes arma Sarracenis castigantur per Concilium: ergo clerici ministrantes arma pugnantibus tenentur de homicidio. quæ collectio non est nimium bona. Quoniam si esset bona colligeretur, clericum haberi pro homicida, etiam non consequuto homicidio. Quia Christiani, arma deferentes Sarracenis excommunicantur per hoc cap. etiam si illi non vtantur eis contra Christianos, vt paulo ante insinuabam: cum tamen clericus arma pugnantibus ministrans non habeatur pro homicida nõ sequuto homicidio.

Secundo dico gloss. commendari à Panor. & communiter probari à doctõribus hic: cuius eadem fere verba ponit Specul. tit. de legato. §. iuxta nu. 54. & eam plurimum ponderare Marin. in cap. ad audiendiã. de homici. col. 31. Et gloss. quidem veram esse quoad ministrantem arma pugnantem in bello iniusto, per multa fundamẽta, quæ hic scripseramus, sed maxime dubia est, ob plurima, quæ pro vtraq; parte adducebamus. Quæ planè omnia, ne contra breuitatem ab initio promissam, nimis multa esset hæc relectio, ablegauim in cap. quod indubijs. de pœnis. vbi oportuniùs locata, qui volet, legere poterit, quorum bona pars habetur ex causã in Manuali latino Confessar. cap. 27. nu. 214. & seq. & nu. 220.

IN GLOSS. IIII.

EX hac gloss. colligitur primo, excommunicationem huius cap. ipso iure incurri; & ita hic esse vnum casum, in quo excommunicatione ipso iure incurritur, quem inter alios. 30. iuris veteris locos. 25. ponit Hosti. in summa de sent. exc. §. 3. Alios triginta inductos per iura Sexti colligit gloss. magna & singul. cap. Eos. eod. tit. lib. 6. & alios. 50. expref

expressos, & duos tacitos Clementinarum. gloss. singul. in verbo Excommunicationis. Clement. 1. cod. tit. Ea vero, quæ hic decreuerat dicere de differentia potestatis excommunicationis ab alijs pœnis, etiam ipso iure incurfis, quoad absolutionem à confessorij, vel ab alijs faciendam, ne sim nimium multus mitto ad cap. ad liberandam. infra eodem.

Secundo colligo ex gloss. quod per hæc verba: *Excommunicationi subiectos esse censemus*, inducit canonem latæ sententiæ; & per consequentiam, quod licet in dubio excommunicationem debemus interpretari ferendam, & non latam, iuxta gloss. celebrem cap. in pœnis. de reg. iur. lib. 6. Quando tamen fertur, per participiū præteriti tēporis coniunctum verbo præsentis, vel præteriti iudicanda est lata. Diximus, adiunctum verbo præsentis temporis. Quia si iungeretur verbo futuri; secus esset, ut si dixisset: Censebuntur suspensi, secundum omnes: immo & si iungeretur verbo ambiguo, an esset futuri, vel præteriti: puta verbo præteriti perfecti subiunctiui modi, ut si diceret: Nouerit se esse suspensum, secundum Domi. in cap. 1. §. fin. col. 2. de electio. lib. 6. quem sequitur Felin. in cap. Rodolphus. nu. 30. de rescrip. nisi addatur aliud verbum, quod aliud denotet, ut ibi per eum.

I N G L O S S. V.

EX hac gloss. collige, posse Papam statuere, ut laicus committens aliquod crimen, fiat seruus. Pro gloss. faciunt decē & septem argumenta nervosa, quæ attulimus in rep. cap. nouit. de iudic. not. 3. ad probandum, quod utraque iurisdictio tam laica, quam ecclesiastica est penes Papam à nu. 1. vsque ad nu. 19. Contra tamen gloss. & hoc notab. ex ea collectum faciunt alia 17. pro contraria parte in eadem repetitione, & cod. not. adducta, à nu. 20. vsque ad nu. 41. Sed dicendum conclusionem ex gloss. collectam veram esse; siue teneamus opinionem communem, quæ habet utranque supremam potestatem esse penes Papam. ecclesiasticam quidem actu, & habitu; laicam vero habitu tantum: siue alteram resolutionem, quam nos nouè asseruimus in d. cap. nouit. nu. 41. quam aliquantulum mutatam ab his, quæ olim continebar, nuper didimus: quæ quia ibidem videri potest, hic non repetitur. Ex qua ut ibi elicui vicesimum quintum coroll. & alia multa post illud ad reddendam rationem generalem, quare Papa frequenter, & in arduis causis super laicis statuit, iusque dicit: ita nunc elicio rationem specialem, quare in hoc Concilio potestas ecclesiastica super laicis, hoc statuere potuerit. Est enim illa, quod per resolutionem illam eatenus potest Papa super naturalibus statuere, quatenus est necessarium ad supernaturalia seruanda, & ad consequendā, conseruandamque salutem animæ viæ per gratiam, & salutem patriæ per gloriam:

K & statu-

& statuta in hoc cap. & similibus sunt necessaria, vt palam est, ad seruandum Christianismum purum; & mediante illo adipiscendam sine errore salutem animarum, tam viam per gratiam; quam patriam per gloriam; quæ sunt supernaturalia dona munificentissima, Dei misericordia nobis concedenda. Amen.

IN GLOSS. PENVL.

S V M M A R I V M. —

- 1 *Seruitus an aliqua inducta iure naturæ? & quod non ea, quæ est hominis ad hominem, de qua hic. nu. 2. quæ vero est hominis, ad Deum sic. nu. 4. & hominis ignari ad sapientem. num. 5. & etiam alia certo respectu. nu. 11. & nu. 15.*
- 3 *Ius naturale quid nouè.*
- 6 *Seruitus sacris litteris primum innotuit: & est contra ius naturale quoad statum innocentie vno respectu, & quoad alium altero. num. 10.*
- 7 *Libertas iuris naturæ quoad statum lapsum vno respectu, quoad statum innocentie altero. nu. 8.*
- 9 *Malum nullius generis fuisse ante peccatum.*
- 12 *Seruitus est inuentum Noæ, non Lacedæmoniorum nec iuris gentium licet eo sit inuentus modus inducendi aliquam. nu. 14. Sicut & alij iure ciuili. & Pontif. nu. 15.*
- 13 *Intellectus. l. ex hoc iure. ff. de iusti. & iuro.*
- 16 *Seruitutem de qua cap. cum mult. x. 15. q. vlti. etiam nunc durare.*
- 17 *Seruus non est natus ex coniugio sacerdotis, & vxoris eius id ignorantis.*
- 18 *Legitimus filius coniugis ignari impedimenti alterius.*
- 19 *Seruus ob delictum non potest manumitti.*

1 **E**X hac gloss. colligo primo, aliquam seruitutem esse inductam iure naturali; aliquam iure gentium; aliquam iure canonico per iura in ea citata. Contra quod oppono primo, quod omnis homo iure naturæ est liber, & liber nascitur. l. manumissiones. ff. de iustit. & iur. & §. ius autem gentium. instit. de iur. natur. gent. & ciuil. cap. ius naturale. 1. dist. Et seruitus contra naturam l. libertas. ff. de stat. homi. §. seruitus. Instit. de iur. natur. at ius naturale non est, contrariū iuri naturali. Ius item gentium, aut est ius naturale, aut certe non illi contrarium; quia est ius ratione naturali constitutum l. omnes populi. ff. de iusti. & iur. & §. omnes populi. instit. de iur. natural. gentium, & ciuil. lex vero Pontificia, & quælibet alia humana contra legem naturæ facta non valet cap. sunt quidam. 25. q. 1. arg. Clem. ne Romani. de electio: ergo nullo iure naturali gentium, aut Pontificio, regio, vel Cæsareo seruitus induci po-

ci potest. Hanc difficultatem varij varie soluunt: quam lubenter pro dignitate tractassemus nisi nos multa properare, vetaque contrahere cogere-
 2 rent. Sed, quod satis est, breuiter, & resolute respondendo dicimus pri-
 3 mo, nullam seruitutem hominis ad hominem, de qua glossa loquitur,
 iure naturali fuisse inductam. Nam, vt in repe. cap. ius naturale. 1. distin.
 demonstrauius ius naturale est ius per se notum, vel quod necessario
 sequitur ex illo. Quod satis probatur in illo cap. quatenus habet, ius
 naturale esse, quod instinctu nature, & non constitutione habetur ali-
 qua. Et in l. 1. §. ius naturale. ff. de iusti, & iur. qua parte habet, & defi-
 nit illud esse, quod natura; hoc est, Deus dans esse naturale docet: id
 enim, quod per se notum est, omne, & solum Deus solus naturaliter do-
 cet: at nullo tali iure constitutum est, vt vnus homo penitus sit seruus
 alterius hominis, ita vt alter sit dominus eius, perinde ac pecoris alicuius:
 ergo propositum.

4 Secundo quod seruitus hominis ad Deum iure diuino naturali inducta
 est: & diuino supernaturali probata. Diuino quidem naturali, quoniam
 per se notum est: aut ex se notis necessario inferitur ius, quod iubet, quod
 vnaqueque res tenetur suo modo subesse principio sue essentie, & illud
 diligere, iuxta gl. cap. 17. Ecclesiast. que sup illo: *Addidit illis disciplinam*,
 dicit disciplinam naturalem, quam dedit omni homini, vt subijceret suo crea-
 tori, & bonorum operum honorificenti custodiret: Diuino autem iure appro-
 bata est, iuxta illud Ecclesiast. 2. *Accedens ad seruitutem Dei, sta in iustitia,*
& timore: & Deutero. 6. Matt. 4. *Dominum Deum tuum adorabis, & illi soli*
seruies: Et in Psal. 2. scribitur: *Seruite domino in timore, &c.*

5 Tercio, quod seruitus illa, qua homo ignorans debet sapienti subij-
 ci, & per eum gubernari etiam lege nature inducta est, secundum Ari-
 sto telem. 1. Politic. Itaque glossa. hec incaute videtur dixisse, seruitutem,
 de qua agit. cap. sexto die 3 §. distin. quae est hominis ad hominem, in-
 ducta esse iure nature: nisi per ius naturale intelligas ius, quod fuit ante
 legem gratiae euangelicam, & ante legem veterem Mosaicam: vel id,
 quod infra in 3. coroll. dicam. Cautius loquutus fuit Gofre. in summa
 huius tit. §. final. dicens, seruitutem inductam iure diuino; confirmata
 iure gentium; probatam iure Pontificio: cui aliqua ex parte consentit
 6 etiam hic Anna. Sed verius est, seruitutem, de qua in d. cap. sexto die.
 sacris quidem litteris, Genes. 9. notam factam nobis: sed non fuisse in-
 ductam, neque illatam iure naturali, vel diuino, vel gentium, vel civili,
 vel Pontificio: sed sententia hominis, scilicet Noe castigantis filium
 suum Cham irreuerentem patris, in filio eius, & nepote suo Chanaam
 subijciendo eum seruituti, vt palam habetur ibidem.

7 Quarto dico, libertatem hominum non esse iuris nature ad hunc
 sensum, quod sit aliquod ius naturale, quo caueatur, vt omnes homi-
 nes in quacunque conditione, & statu liberi sint, & nemo seruiat alteri:

- sed in eo sensu sic, quod neque natura, neque ius naturæ inducit seruitutem libertati contrariam. sicut possemus dicere, quod hominem esse nudum est de iure naturali; quia natura non dedit ei vestitum; sed ars adinuenit. Sicut & rerum possessio dicitur cōmunis iure naturali. cap. ius naturale. 1. dist. quia scilicet distinctio possessionum non sit inducta à natura: sed per hominum rationem ad vtilitatem humanæ vitæ adinuenta, vt pulchrè de more ait S. Thomas 1. 2. q. 94. arti. 5. Immo etiam quoad hunc sensum, quod ius naturale dicat, vt quoad statum innocentie, siue naturæ integræ, & ante peccatum, omnes homines essent liberi. quidquid dubitet Fortunius Cantaber. noster in l. manumissiones. ff. de iusti. & iur. & ante ipsum Archi. & Alexandrinus in cap. ius gentium. 1. dist. Nam id videtur sensisse August. 19. de Ciui. Dei. cap. 25. Et confirmatur hac nouissima & neruosisima ratione, desumpta ex ipsomet S. Thom. in q. de malo, art. 4. col. 3. Affirmat enim ipse ibidem traditionem fidei habere, quod nullum nocumentum potuisset creatura rationalis incurrere, neque quantum ad animam, neque quantū ad corpus, neque quātum ad exteriora, nisi peccato præcedente, vel in persona, vel saltem in natura: at seruitus est nocumentum quoddam; immo maximum bonorum exteriorum, quæ non sunt animæ, vel corporis, arg. l. *Seruitutem mortalitati ferè comparamus.* ff. de regu. iur. cum ei annotatis: ergo ius naturæ quoad illum statum non solum non dictabat seruitutem vllam: sed etiam dictabat omnes homines liberos esse debere. Quippe quibus nullum nocumentū, vel animæ, vel corporis, vel aliorum aliorum bonorum exteriorum contingere poterat.
- 10 Quinto dico ex hoc inferri, seruitutem quidem esse contra ius naturale proprie quoad statū innocentie; quia est cōtra ius naturale dictans, ne quis in eo statu esset seruus; quoad statum autem post peccatum, non esse contra ius naturale, nisi quoad hunc sensum, scilicet, quod est aliquid, quod non inducit, nec dicat ius naturale, vt vbi supra dixit S. Thom. immo seruitus saltem aliqua quoad statum post peccatum dici
- 11 potest, secundum ius naturæ quatenus est quædam pœna determinata iure humano, pro delicto, quod iure naturæ castigandum est. quod sensu S. Thom. in. 4. dist. 36. Et ita glossi. hæc quatenus habet, seruitutem aliquam iure naturæ fuisse inductam, saluari posset in hoc sensu, quod seruitutis pœna imposita est iure humano, vel sententia iudicis humani, pro delicto, quod iure naturæ castigandum erat.
- 12 Sexto dico, seruitutem non fuisse inuentam iure gentium, vt multi nostrorū putant, neque iure Lacedæmoniorum, vt significat Plinius lib. 7. cap. 56. sed post diluuium per inuentā, aut renouatā Noë sententiam. Quoniam vel ante diluuium vniuersale fuit inuenta, de quo non constat: vel fuit inuentum Noë, qui post illud diluuium seruitutis pœna puniuit Chan aam ob peccatū patris sui Cham irreuerētē nūtrantis

fratribus suis, Sem, & Iaphet, patrem communem Noam, ob ebrietatē iacere habentem nuda verenda. Genes. 9. Hęc enim est prima post diluuiū illud vniuersale seruitus litteris prodita. Hanc primam appellat Ambrosius in d. cap. sexto. 3. 5. dist. Et teste Iosepho cōtra Apionē, antequam Lacedæmonij rerum potirentur, multi apud Hebræos fuere serui, vt etiam Polydorus li. 2. cap. 2. de inuentoribus rerum attestatur.

- 13 Non obstat l. ex hoc iure. ff. de iusti. & iur. quatenus habet, seruitutē introductam iure gentium. Tum, quia Hermogenes auctor illius l. fuit Paganus, qui sacras litteras omniū antiquissimas minime agnouit. Sed quia Isidorus vir Christianissimus, & in sacris litteris versatissimus idē ait in cap. ius gentium. 1. d. respōderi potest, cum gloss. illius cap. seruitutem non inuentam; sed approbatam iure gentium. Sed hęc expositio licet placeat Alexandrino & communi, in d. cap. ius gentiū. 1. dist. tamen violat textus prædictos clarē sonantes, seruitutem iure gentium inductam: ideo tertio respōdemus, leges illas loqui de seruitute, quam incurrit captus in bello. Hęc enim iure gentium inducitur, vt illa iura
- 14 probant: non tamen prima seruitus: quia illa cōpēit iam inde à tempore Noę ante gentium iura; immo & antequam gentes esse cōpēissent, vt habet illud cap. sexto die. & testimonium irrefragabile Genes. 9. Et ita rectē gloss. nostra loquitur, quatenus sentit aliquam; & non omnē seruitutem iure gentium inductam.

- 15 Septimo dico, seruitutem prout est quędam determinatio pœnæ alicuius delicti esse iudicis, vel iuris Pontificij, vel ciuilis humani positiui & naturalis. Nam, vt ait Thomas in 4. distin. 36. ius naturale dicitur; pœnā pro culpa infligendam. l. ita vulneratus. ff. ad l. Aqu. At determinatio pœnæ secundum conditionem personæ, & culpæ ad iudicem, & ius positiuū pertinet; & ideo seruitus, prout est quędam pœna pro aliquo delicto determinata, de iure positiuo humano est, & à naturali proficiscitur, sicut determinatum ab indeterminato,

Octauo ex hoc inferri, rectē dicere gloss. quod aliqua seruitus inducitur est iure Pontificio, hęc scilicet, de qua hoc cap. loquitur. quā voluit esse partem pœnæ ei qui peccatum, de quo text. agit, peccaret.

- 16 Nono dico, eiusmodi esse etiam seruitutem illam, quam Concilium Toletanum in cap. cum multæ. 1. 5. q. vlt. infligit filijs natis ex matrimonio contracto à clerico constituto in sacris; quam tamen hodie per non vsum sublatam esse ait gloss. ibidem; & Io. ab Anna. hic. Sed cōtrariū rectius tenent Panor. in cap. 2. de treug. & pac. & cap. 1. de cohabi. clerici. & mulier. & cap. cum sit. col. 1. 5. de for. compet. & Cosma. in statutis Ecclesię Gallicanę tit. de concubinar. §. qui etiam. verb. cohabitabit.
- 17 Ipsi tamen ex facto respondimus, filium sacerdotis, qui contraxit matrimonium cum aliqua eius rei ignata, non esse seruum: sed libertum: & illum textum esse intelligendum de filio constituto in sacris, qui

- qui cum eius rei conscia contraxit matrimonium, vt plures satis, pro dolor, nostra ætate sunt in illa olim nobilissima Germania. Tum, quod mater innocens non debet puniri ob culpam mariti, arg. cap. 2. de cōstit. Tum, quòd tex singul. cap. penul. qui filij sint legit. probat, natum
- 18 ex matrimonio contracto ab habente vxorem cū aliqua eius rei ignara, esse omnino legitimum. In quo dixit illum singularem. Andr. Sicul. de præstant. Cardinal. 1. part. q. 1. nu. 72. & commendarunt Decius, & Ripa in cap. inter ceteras. de rescript. & alij alibi sepe. Tum, quod gloss. cap. fin. §. 1. de cland. despons. verb. ambo parentes. habet, filium natū ex matrimonio publice contracto à duobus, quorum alter ignorabat, & alter sciebat impedimentum, esse omnino legitimum; quam inter alios dixit singul. Iason in. l. ex facto. col. §. ff. de. vulg. quæ tamen similem habet in cap. cum in captiuitate. 34. q. 1.
- 19 Decimo dico, memorabiliter Io. And. hic dixisse, quod qui ob delictum in seruitutem incidit, non potest manumitti. Quod omnes sequuntur; & commendant plurimum Panor. Anna. Felin. & Rauen. & probat. l. 2. C. quib. libertat. prouoc. non lice. & l. 1. C. qui non poss. ad liber. perue. & ante eos dixit Specul. in hoc eod. tit. versic. Sed nūquid, quod capiens Christianum deferentem hic prohibita, non potest, etiā si velit manumittere: sicut non posset manumittere latronem, quē princeps ob latrocinium ei in seruum dedisset, per. d. l. 2. Vbi etiā Bald. singulariter dixit ex ea colligi, quiddā mirabile, scilicet, posse statui, vt banitus fiat capientis seruus: licet iure communi captus ilico ad iudicem ducendus sit, per. l. quam vnicā appellat in. l. fin. C. de malef. & mathe.

IN GLOSS. VLTIMAM.

S V M M A R I V M.

- 1 Excommunicatus iterum excommunicatur, nec est omnino extra Ecclesiam. num. 2.
- 3 Excommunicatio duo efficit; immo plura. nu. 7. & interdum duplicata est vna num. 4.
- 5 Excommunicatio finis cap. ita quorundam, & medij. eadem.
- 6 Intellectus nouus. cap. ad liberandam. & cap. ita quorundam. de Iudæ.
- 8 Excommunicatio etiam internam communionem tollit.
- 9 Excommunicatio secunda an, & quem effectum habeat ante primam sublatam; & quid de absolutione. nu. 10.
- 11 Excommunicatio vna tolli potest, antequam altera: & vna sublata nō censentur alia sublata. nu. 12. licet vna absolutione omnes tolli possint, & quando id contingit. nu. 13.
- 14 Absolutio ad effectum præsentium à quibus absoluat in litteris Papæ & à qui-

- quibus in litteris Legati. nu. 18. & Summi Pœnientiarij nu. 19. & includit censuram Cœne Domini. nu. 20.
- 15 Regula de infordescētibz tenor, & eius declaratio. nu. 16. & virtus eius. uum. 17.
- 20 Absolutus generaliter à peccatis, & censuris ab eo, qui poterat, videtur absolutus à censuris peccatorum obliuorum.
- 22 Absolutus ab vna excommunicatione huius cap. an sit absolutus ab omnibus?
- 23 Excommunicationes sex, & quot incurrit, qui huic. cap. contrahenit, & verius est quod ad summum tres nu. 25. quia multa in eodem casu lata ab eodem, vel successore eius videntur esse vna frequenter innouata. num. 26.
- 24 Pœna legis prioris nō tollitur per pœnam posterioris: & quando quis punitur vtraque, & quando censetur eadem. nu. 30.
- 27 Excommunicatio huius. cap. & Bullæ Cænæ eadem quatenus concurrunt: & latius. num. 38.
- 28 Pape solius, & Concilij eadem potestas, & an sit supra Concilium remissive. num. 29.
- 31 Excommunicatio. cap. ad liberandam. de Iude. & etiam. cap. quod olim. eiusdem tit. & etiam extrauag. multa. eiusdem tit. esse partim veterem, & partim nouam.
- 32 Excommunicationes latas per multos Pontif. in bulla Cænæ vnam videntur; immo eandem, quæ iuris quatenus cum ea concurrit. nu. 33.
- 34 Excommunicatio episcopi in hac materia, quando alia quam iuris; & autem tollat, qui potest tollere latam a iure. nu. 35.
- 36 Confessarius in hac materia hoc inquiret.
- 37 Excommunicatio quæ reseruata, & quæ non in hac materia.
- 39 Intellectus verbi; Excommunicamus, bullæ Cænæ.

EX principio glo. colligo primo, excommunicatum semel, posse iterum excommunicari. Quæ conclusio non probatur hic secundum intellectum, quem in 3. notabili ex gloss. collectum sequemur: sed verissima est, secundum omnes, & est in vsu quotidiano: & vltra iura pro ea citata per glo. est casus optimus in cap. cum pro causa. de senten. excommuni. & in cap. ex parte. de offic. ordinarij adiunctis glossis.

Secundo colligo ex gloss. tres oppositiones cōtra proximā conclusionem, ad quarum nullam formaliter ipsa respondet. Ad earum autem primam quæ fundatur in illo Apostol. *De his autem; qui foris sunt, nihil ad nos.* 1. ad Corinth. 5. & cap. Gaudemus. de diuor. & cap. multi. 2. q. 1. respondeo, illud intelligendum esse de his, qui omnino sunt foris, hoc est, extra Christianismum, & fidem catholicam & nunquam fuerunt baptizati, quos concedo non posse excommunicari, iuxta doctrinam

nam receptam Domini in cap. Romana. §. in vniuersitatem. de senten. ex-
commun. lib. 6. At nego, excommunicatum esse foris sic, & omnino ex-
tra Ecclesiam. Quia ob eam excommunicationem non desinit esse Chri-
stianus, & baptizatus, & insignitus caractere indelebili etiā per mor-
tem. cap. licite. 32. q. 7. adiuncta gloss. memorabili. Et ideo neque ob
hæresim desinet esse Christianus ad hunc effectum, quod nō possit ex-
communicari: immo omnis hæreticus, & apostata, etiam à fide ipso
iure est excōmunicatus. cap. excōmunicamus. de hæret. & eius absolu-
tio soli Papæ reservata, per bullam Cœnæ Domini. Illud autem dictum
Apostoli: *De his, qui foris sunt, nihil ad nos*: quatuor modis intelligi posse,
& secundū omnes verum esse, altius quā alibi supra eod. in not. 8. nu.
4. attigimus: vbi nō diximus simpliciter, nullos infideles cōprehēdi sub
hoc cap. sed nullos alios à Christianis. Quia hæretici, & etiam apostata,
comprehenduntur: quia baptizati sunt, & excommunicari possunt.

- 3 Ad secundum omīssa solutione Ioan. ab Anna. sequutus mentem
gloss. & communem respondeo, concedendo eum, qui extra aliquem
locum est, non posse ab eo vere deijci, donec ad eum redeat: sed retineri
sic; & ita concedo, quod excommunicatus semel non potest iterum ex-
communicari ad effectum eijciendi eum ab Ecclesia: sed ad effectum
retinendi eum foris extra eam alio vinculo, quā antea detinebatur, sic,
quia excōmunicatio hos duos effectus habet, vt glo. subiicit. Quare li-
cet à cōmunionē fidelīū eijci nequeat: potest tamen extra eam retineri.

Ad tertium, scilicet ad l. qui bis idem. ff. de verborum obligat. omī-
sistribus solutionibus Ioan. ab Anna. quarto dicimus, quod illa lex
agit de ligamine, quod ex animo contrahentiū nascitur, qui præsumun-
tur à iure nolle inducere in secunda stipulatione nouam obligationē:
conclusio vero gloss. agit de ligaminē, quod ex voluntate nascitur supe-
rioris, quæ ex eius verbis constat esse ligandi eum alio vinculo.

- 4 Ex quo infertur, excommunicationem ab eodem superiore, ob ean-
dem omnino causā in eundē latam pluries, vnā solam esse: qualis
videtur esse excōmunicatio processus Cœnæ Domini in materia huius
cap. lata, & multis annis sepissime repetita. arg. d. l. qui bis idem. & solu-
tionis præcedentis, quod est quotidianū, & à nemine, quod sciā, tactū.

- 5 Tertio, colligo ex gloss. id, quod ipsa præsupponit in vers. *Tu dicās*.
scilicet, excommunicationem, de qua loquitur finis huius cap. aliam
esse ab ea, quæ ab eodem ipso iure infligitur; quæ sententia communis
videtur, quatenus omnes transeunt cum gloss. Pro qua facit, quod alte-
ra fertur ipso iure: altera mandatur ferri per episcopos: sed nobis con-
trariū videtur, vt in notab. 1. nu. 2. diximus, cum M. relato hic per gloss.
& antea per Hostiens. quem sequitur Gofred. relatus hic, & satis pro-
batus ab Ioan. Andr. Tum, quod parum decebat, Concilium œcume-
nicum sub Alexan. iij. congregatum, iubere episcopis, vt excommuni-
cant

- carent, quos ipsum Concilium excommunicabat, quadamtenus significans, plus verituros esse illorum sententiam, quam suam. Tum, quod Concilium generale sub Inno. iij. coactum in d. cap. ad liberandam.
- 6 pro verbo, proferatur, hic posito posuit, innotetur singulariter nobis certe significans, intentionis Concilij non fuisse, vt episcopi nouas proferrent excommunicationes: sed vt noue denuntiarent, excommunicationem latam esse per Concilium contra huiusmodi delinquentes. Tum, quod frustra sit per plura, quod potest fieri per pauciora. saltem æque bene, secundū Philosophū; quod non latuit glo. penult. Clemen. 1. de Summa Trinitat. æque bene; immo melius, & maiore cū auctoritate prouidetur per hanc solam Concilij excommunicationem, & eius crebram. per ecclesias maritimarū vrbium denunciationem; quam per hanc, & alias episcoporum proprias excommunicationes: eo quod multo plus terreat in vbe maritima denuntiatio, quod Concilium habet eos pro excommunicatis; quam quod episcopus excommunicat; ergo propositum. facit, quod nusquam in sensu eius opinionis hic text. in vfu fuisse videtur. Non obstant illa: verba: *Crebra excommunicatio*; quia exponi possunt per illa: *Crebra excommunicationis denuntiatio*, per cap. ad liberandam. infra eod. & per rationes prædictas.
- 7 Quarto colligo ex glo. excommunicationem habere duos effectus. quorum prior est eiiciendi extra ecclesiā; posterior retinendi eum extra eam. & hæc glo. ad hoc appellatur magistra in sua materia; & quotidie allegatur secundum Panor. & Raue. hic, & allegatur per Deci. in cap. bonæ. de appel. col. 9. & las. in l. de pupillo. §. si pluribus. ff. de noui oper. nunciat. Cui similis in cap. final. 3. q. 4. & in cap. officij. de senten. excommuni. Adde tamen illi, quod secundum Hostiens. relatum hic ad verbum per Ioan. An. Anto. Cardinal. Pan. & Ioan. ab Annā. triplex est effectus excommunicationis, quorum, quia duo coincidunt cum effectibus gloss. nostræ, solum tertium refero scilicet quod declarat excommunicatum esse separatim à Deo; non autem separat. quia non excommunicatio, sed peccatum lethale, propter quod illa fertur, separat ab eo. cap. illud. cap. nemo. 1. q. 3. cap. 1. de re iud. lib. 6.
- 8 Quinto colligo, quod excommunicatio eiicit quem extra ecclesiam per quam nulli vulgares prohdolor, materialē tantū intelligunt. Alij vero paulo minus insipientes illam tantum communionem fidelium exteriorem, quæ cōtinetur illo versiculo. *Os, orare, vale, cōmunio, mēsa negatur.* cap. cum excommunicato. cap. excommunicatos. 1. q. 3. Ita quod secundum hos a nulla interiore pellitur. Quorum de numero videri possunt alicui Panor. Felin. & Rane. in rub. de senten. excommuni. & multi alij ex nostris doctoribus: qui tamen verè non sunt, vt latè demonstramus per ea, quæ hic scribebamus: sed tanquam continentia nimium grande patergon, in capitulum penult. de senten. excommuni.

ablegauimus. Est autem verè de numero eorum Lutherus, cum suis as-
seclis, addens excommunicationem non esse timendā; sed amandam.
Cuius opinionem falsam, & impiam esse, in parergis adiectis d. cap.
penul. quæ propediem edentur, demonstramus.

- 9 Sexto colligo ex gloss. secundam excommunicationem non habere
effectum, donec prior tollatur: quæ quidem conclusio in sensu proprio
falsa est. Tum, quia excommunicatio absolute, sine cōditione lata non
potest esse in pendentī, nec potest suspendi, secundum communem in
cap. ad hęc quoniam. de appellat. quamuis contrarium nos ibi ter olim
tenuerimus; quod, ad aliud parergon in d. cap. penul. de senten. excom-
muni. ablegamus. Tum, quia hæc secunda excommunicatio simulac-
rata fuit, produxit suum effectum retinendi foris: quoniam adiecit ei
nouū vinculū, quo retinebitur, donec eo soluatur: ergo habet effectū.
Sed gloss. defendi potest in sensu, quem mente concepit; licet verbis
non satis expresserit, scilicet quòd secundæ excommunicationis effectus
non apparet, donec prior tollatur. quia cum vinculo prioris extra eccle-
siam detineatur, effectus ille vinculi posterioris, licet iam producti non
cognoscitur: per quod inanis relinquitur illatio quædam super his ni-
mum subtilis Felin. aliquid falsum præsupponentis.

- 10 Septimo colligo; absolutionem à priore excommunicatione non ha-
bere effectum, donec consequatur absolutio secundæ. Sed & hoc eodē
modo impugnari potest, & saluari, quo præcedens conclusio; nempe,
quod absolutio quidem siue à priore excommunicatione, siue à poste-
riore, simulac facta est, suum sortitur, & producit effectum; quia vincu-
lum illud, quo excommunicatum retinet, extra ecclesiam soluit, nec
iam amplius eo ligatus est: sed ille effectus non apparet. Quoniam cum
absolutus à vinculo vnus, alterius vinculo extra ecclesiam teneatur
reiuinctus, & non possit ad ecclesiam redire; non apparet illa solutio al-
terius vinculi. Et ad hunc modum intelligendum est cap. officij. de sen-
ten. excommuni. quatenus habet, absolutionem ab excommunicatio-
ne ab vno Prelato factam, non prodesse, si erat excommunicatus etiam
ab alio. Omissio enim eo, quod gloss. 2. illius cap. satis inepte ait, intel-
ligendum est, quod non prodest quoad restitutionem communionis;
sed bene quoad hoc, vt censetur absolutus ab illa, & quòd propter il-
lam non denegetur ei communio.

- 11 Octauo colligo ex gloss. posse quem absolui à priore excommuni-
catione, antequam absoluar à posteriore; quod verissimum est, & in
quotidiano vsu. Nec refert an sit dux, vel ceterum: neque an vna maior,
alia minor; vel omnes æque: quia quęcunque, & quotcūque illarū pos-
sunt tolli prius, quàm alia, vel alia, secundum omnes. Quod mihi sin-
gulariter probat cap. cum pro causā. de senten. excommuni. quatenus
excommunicatus duabus excommunicationibus, & absolutus ab altera,

ra, ligatus est altera; & tenetur pro illa satis facere: nulla differentia constituta inter priorem vel posteriorem, maiorem, vel minorem; reservatam, vel non reservatam.

- 12 Nono colligitur, eum, qui ligatus est multis excommunicationibus non censi absolute ab omnibus: licet absolutus sit ab una, vel pluribus ex illis: quod quidem verissimum est. Sed dubium est, an qui absoluit ab una excommunicatione, videatur etiam ab alijs omnibus absolueret: & omissa confusione grandi Ioan. hic vsus, ex mente Panor. & Communi in cap. cum pro causa. & cap. officij. de senten. excommunic. & cap. ex parte. de offic. ordi. dicendum est, quod licet, si absolueret poterat, & volebat absolueret etiam ab omnibus; alioqui non. Quamvis enim forte absolutio iniusta esset; tamen teneret per text. singul. cap. venerabilibus. §. vbi. de senten. excommunic. lib. 6. Videtur autem velle absolueret ab omnibus, quando positio est generalis, & absolutio ei similis, secundum Panor. communiter receptum in d. cap. cum pro causa. etiam si excommunicationes illae à diuersis Prelatis essent latae; quamquam contrarium nobis sensisse videatur glos. singul. in cap. sunt plures. de poenit. d. 3. licet contrarium imponat ei Felix in d. cap. cum pro causa. Tū arg. l. sub pretextu. C. de transactio. Tū, quia una absolutio alioqui legitime impetrata sufficit ad tollendas multas excommunicationes, secundum glos. singul. in d. cap. cum pro causa. non autem videtur velle id, quando petitio est specialis, & absolutio generalis: quia in dubio videtur restringi ad speciem petitam, arg. l. age. & l. si de certa. C. de transactio. neque quando petitio est generalis, & concessio specialis, argumento à fortiori.

Ex quibus inferitur primo, excommunicatum pluribus excommunicationibus, si absoluitur generaliter ab omnibus per eum, qui à nullis earum poterat absolueret, à nulla esse absolutum: & si ab eo, qui poterat ab omnibus, absolutum esse ab omnibus: & si ab eo, qui tantum ab aliquibus earum poterat ab illis solis tantum, à quibus poterat. Quoniam ut potestate, & voluntate concurrentibus valet actus: ita eis duabus non concurrentibus, non valet, cap. cum super. de offic. deleg. l. multum interest. C. si quis alteri, vel sibi.

- 14 Secundo infero, quod impetrans aliquid à Sede Apostolica, etiam si mille excommunicationibus vincitur sit: tamen ad effectum gratiae, quae illi sit, consequendum censebitur absolutus, per clausulam in eius gratijs inseri solitam, qua omnes impetrantes de more absoluit ab omnibus censuris ad effectum gratiae, quam facit, duntaxat consequendum. Quia verba Pape, vel Poenitentiaij absoluentis sunt generalia, & universalia, comprehendenda omnes censuras. Cane tamen sic, nemo, quem viderim, adhuc id monuerit, quod illud fallit in excommunicatione huius cap. & aliquibus alijs, si quis in eis per quatuor menses totiens transiit

excommunicatus; & etiam in quibuscunque alijs, si in eis per annum inforduerint, per regul. mirabilem Cancellar. de infordeſcentibus. cuius tenorem hic inferere non grauabor, eo quod non est in regulis Innocen. viij. glossa donatis: sed erat in regulis Pauli iij. sub hac verborum forma concepta.

- 15 *ITEM* ne personis pro quibus litteræ suæ S. emanabunt ob generalem absolutionem à censuris ecclesiasticis, quibus ligatæ forent ad eandem effectum indifferenter concedi, & in litteris Apostolicis apponi solitam præſetur occasio censuras ipsas vilipendendi, & infordeſcendi in illis; statuit, & ordinavit huiusmodi absolutionem, & clausulam in litteris quas, in futurum cum illa concedi contingeret, non suffragari non parentibus rei indicatæ. incendiarijs, violatoribus ecclesiarum, falsificatoribus, & falsificari procurantibus litteras, & supplicationes Apostolicas, & illis videntibus, receptoribus, & fautoribus eorum, ac res vetitas ad infideles deferentibus, violatoribus ecclesiastica libertatis, via facti ausu temerario Apostolicis mandatis non obtemperantibus, & nuntios vel executores Apost. Sedis, & eius officialium eis commissa exequentes impediuntibus, qui propter præmissa, vel aliquod eorum excommunicati à iure, vel ab homine per quatuor menses scienter excommunicationis sententiam huiusmodi sustinuerint; & generaliter quibuscunque alijs qui aliquibus censuris etiam alijs, quàm, & præſetur, quomodolibet ligati in illis per annum continuum inforduerint.

- 16 Hactenus regulæ tenor, in qua ponderandum est verbum, *sciens*, ne sub ea comprehendatur is, qui ignorat (saltem probabiliter, arg. cap. apostolicæ. de cleri. excom. ministran. Arbitrorq; aliquam ignorantiam esse, quæ ab incurrenda excommunicatione non excusaret: quæ tamen efficere posset ne diceretur sciens manere in excommunicatione.

Tertio infertur, intellectus clausulæ solitæ aliquando à cautiõibus impetrantibus poni inter clausulas derogatorias post principalem petitionem supplicationis Papæ porrectæ, scilicet: Non obstare regul. de infordeſcentibus. Significat enim, quod petitur à Papa, ut impetratæ habeatur absolutus quoad effectum illius gratiæ consequendum, non obstant prædictæ regul. licet per annum manserit in aliqua excommunicatione, vel per 4. menses in certis in ea expressis.

- 17 Quarto infertur, plurimis deesse ius in sacerdotijs, & beneficijs, quæ à Roma. Pontifi. impetrarunt: eo quod cum, vel ob percussione alius cuius clerici, vel aliam causam ipso iure excommunicationem incurrissent, parumque de absolutione habenda curassent per annum, & amplius in illa remanserunt. Infertur item grandis, quotidianaque exceptio contra multos impetrantes Apostolicos.

- 18 Quinto infertur, per dictam clausulam absoluendi ad effectum gratiæ consequendum in litteris Legatorum positam non absolui à censuris omnes, qui absoluerentur per eandem litteris Papæ insertam.

Quia

Quia legati iure communi non possunt absolvere ab omnibus excommunicationibus Papæ reservatis, & omnes non habent privilegium id faciendi. Cui consequens est, multos impetrantes à Legatis Sedis Apostolicæ inutiliter impetrare, qui si impetrassent à Rom. Pontific. vtiliter id fecissent. Aliud tamen existimo dicendum de Summo Pœnitentiario, quàm de legatis: quoniam ille ab omnibus potest absolvere, vt significat Diuus Antoni. 3. part. tit. 24. cap. 30.

Sexto inferitur, confessarios electos virtute bullarum Apostolicarum, quibus sit plena potestas absoluedi à censuris quibuscunque etiam Papæ reservatis, iuxta consilium à nobis scriptum in cap. 1. §. laboret. de pœnit. distin. 6. nu. 26. vt absoluant pœnitentes ad cautelam ab omni excommunicatione, quatenus possunt, eos vere esse absolutos ab omnibus; quoniam potestas, & voluntas id faciendi concurrunt.

20 Quod est verum, etiam si per obliuionem, inaduertentiam, vel ignorantiam ad id sufficientem, pœnitens non confiteatur illud peccatum, cui censura erat annexa: adeo quidem, vt ab eo peccato postea confessio alteri confessario non habenti potestatem absoluedi à reservatis, possit absolui ab eo, iuxta singulare dictum Palud. in 4. dist. 18. q. 5. colum. penult. quem pridem retulimus in cap. 1. nu. 70. de pœnit. dist. 6. & cum alijs eum sequentibus in cap. consideret. §. cautus. de pœnit. distin. 5. num. 3. vbi tamen in editione prima typographorum incuria loco. 18. allegatur. 8. quo plurimos pios consolatus sum: & plurimi pij confessarij gratias egerunt ob illius dicti Paluda. tam apertam publicationem. quæ plane omnia tanquam quotidiana memoranda ducio.

21 Septimo ex proxime dictis inferitur, quod per clausulam prædictam absoluedi impetrantem à censuris ad effectum gratiæ, cui inseritur, consequendum absoluitur impetrans non solum ab excommunicationibus non reservatis Sedi Apostolicæ; sed etiā à reservatis, immo etiam à contentis in bulla Cœnæ Domini. Quoniam multæ excommunicationes in prædicta regula de infordeſcentibus expresse sunt de illis, quæ per bullam Cœnæ Domini feruntur, vt palam est: & tunc demum videtur non concedi absolutio illarum, cum impetrans per 4. menses in illis infordeuerit: ergo regulariter conceditur, arg. cap. quoniam. de coniug. leproſi. & l. quæſitum. §. denique. ff. de fund. instru. De quo sæpe, multumque antehac dubitauimus.

22 Octauo quod non omnis, qui absoluit excommunicatum per hunc canonem videtur, eum absolvere ab omnibus excommunicationibus, quas incurrit. Quoniam si eiusmodi absolutor tantum sit episcopus, vel casus tantum episcopales habēs, non videtur absolvere eum, quatenus, per bullam Cœnæ Domini est excommunicatus: licet quatenus est excommunicatus per episcopum sic; & etiam quatenus est excommunicatus per.

per hoc cap. & alia iura huius tit. & libri tenendo communem, scilicet quod alia sit quæ fertur ab his; & alia quæ fertur per bullam Cœnæ Domini, quoniam excommunicatio per hæc lata non est reseruata Papæ; lata vero per bullam illam sic, vt omnes concludunt in cap. quod olim. infra eod. Nobis tamen æquius & humanius videtur vnā esse excommunicationem, quæ vnus concurrunt, vt in fine coroll. sequentis, & vltimi nu. 38. dicemus.

- 23 Nono ex præcedenti corollario inferitur, incidentē in hunc canonē multas excommunicationes incurrere, in quo omnibus videtur conuenire. quæstionis tamen satis nouæ ac difficilis est, quæ, quot sint illæ, videri enim possunt cuipiam esse sex, & plures. Primo quidem, quod tot saltem videtur esse, quot sunt qui eas tulerunt: at qui excommunicationes contra deferentes prohibita Sarracenis tulerunt, sex, & plures quā sex fuerunt. Primus quidem Alexāder iij. in Cōcilio Lateranen. cuius pars est hoc cap. Secundus Clemens iij. in cap. quod olim. infra eod. Tertius Inno. iij. Concilio Generali. cap. ad liberandam. infra eod. quorum nullas sibi reseruauit absolutionem. Quartus Clemens v. in extrauag. multa. huius tit. qui sibi reseruauit absolutionem. Quintus Martinus v. qui censuras bullæ Cœnæ Domini sibi reseruatas primo tulisse videtur: & alij omnes successores eius, qui idē fecerunt, & faciunt. Sexto loco Nicolaus iij. & Bonifacius viij. in extrauagantibus relatis supra in 10. notab. nu. 31. Io. xxij. in extrauag. copiosus. huius tit. Multi etiam alij episcopi ciuitatum maritimarum, qui secundum intellectum communem, per hoc cap. iubentur proferre. Secundo pro hoc facit quod Hostiens. in cap. quod olim. infra eod. cum quo transeūt omnes, expresse ait, aliā esse excomunicationem huius cap. & aliā illius, & aliā eam, quā episcopus profert: & quod gloss. postrema d. cap. quod olim. quam Panor. ibi ait singularem, & probatur ab Annā. & Fel. dixit aliā esse excommunicationem, quæ in illo cap. profertur, & aliā, quæ in hoc. Quod si concedas, pari ratione te oportet concedere, alias esse excommunicationes ab alijs latas. arg. l. illud. ff. ad l. Aqu. cum similibus. Tertio facit, qd ex illa glo. Io. ab An. colligit, quod illud Bart. in l. 1. ff. vi bonorum raptorum, scilicet punitum à iudice pœna vnus legis prioris, vel posterioris non posse puniri pœna alterius, limitandū est, quoad pœnas, per sententiam iudicis infligendas; non quoad alias ipso iure impositas, quod colligi nequit, nisi verum esset, aliā esse excommunicationem illius cap. & aliā excommunicationem huius. Quarto quod lex noua inducens vnā pœnam non tollit alteram, per vererem impositam, secundum Bartholum communiter receptum in d. l. 1. ff. vi bon. rapt. quod probat l. quoties. ff. de actio. & obligationi.

- 25 His tamen non obstantibus verius videtur, eum, qui huic cap. contrahit,

trahit, duas tantum, vel tres ad summum excommunicationes incur-
re, siue non esse excommunicatum pluribus, quam duabus, vel tribus;
quarū altera fertur à iure, illa scilicet, quam nostrum cap. infligit, altera
ab homine, illa scilicet, quam bulla Cœnæ Domini continet; tertia etiā
ab homine, si quis episcopus eā ferret; tū, quia eadē, quæ infligitur per
hoc cap. etiam infligitur per d. cap. quod olim, secundum Panor. ibi-
dem. Pro quo facit illud cap. in verō. *Illam.* quo significatur ibi non in-
duci nouam excommunicationem: sed hanc veterem ad eam nouū
extendi. Quod tamen, quo sensu verum sit, solutio primi contrarij do-
cebit, & pari ratione eadem erit, quæ infligitur per cap. ad liberandam.
& d. extrau. multa. Tum, quia supra in not. 3. elicitō ex hac gloss. nouē
& vtiliter diximus, arg. l. qui bis idem. ff. de ver. obligat. quod cum idē

- 16 contra eundem ob eandem causam bis, vel ter profert excommunica-
tionem videtur proferre eandem, & non diuersam. Tum, quod Roma.
Pontifex inducens excommunicationem per suam legem in aliquo ca-
su, non videtur velle inducere nouam quoad eos, qui eodem casu simi-
lem excommunicationem per legem veterem incurrebant, cap. Felicis.
§. presenti. de pœn. lib. 6. & Clem. 1. de pœn. in princi. vbi gloss. satis
17 apta in verb. prædictis. Diximus autem ad summum; quia non esset dif-
ficile tenere eam, quæ proferitur per bullam Cœnæ Domini, quatenus
cum hac concurrat esse eandem, quæ hæc; sed alia qualitate, scilicet re-
seruationis affectam per infra dicenda; & quia raro episcopi proferunt
prædictas excommunicationes.

Non obstant contraria supra formata. non primum; quia primo illi,
qui has excommunicationes protulerūt, licet fuerint multi in personis:
vnus tamen fuerunt in potestate, & ita possunt haberi pro vno, iuxta l.
proponeretur. ff. de iudi. Quod autem omnes, qui eas protulerunt, ex-
ceptis ciuitatum maritimarum episcopis, fuerint eiusdem potestatis,
patet ex eo, quod omnes fuerunt Roma. Pontifices. Et quanuis alius in
vno Concilio, alius in alio, & alij extra Concilia per suas leges eas tu-
lerint: eadem tamen potestate eas tulerunt. Quoniam eadem potestas

- 18 Apostolica est in vno Roman. Pontific. quæ in alio cap. 1. de homi. lib.
6. vñ notab. 29. repet. §. in leuitico. de pœnit. d. 1. demonstramus; &
19 eadem, qua ipse solus vtitur, & ea, qua cum concilio. Deinde respon-
deo, quod cum vnus, vel multi eadem potestate fungentes contra eos-
dem, & ob eandem causam, per legem saltem, pœnam eiusdem speciei
proferunt tacite, vel expresse, sentiunt de vna, & eadem pœna. Neque
obstat, quod lata per extrauag. multa. à Clem. v. sit reseruata: quia qua-
litas, vel quantitas non mutat speciem, & rei substantiam. l. final. ff. de
fund. instru. &.

Ad secundum respondeo, quod neque gloss. illius cap. quod olim,
satis caute ait, excommunicationem illius cap. quod olim, esse penitus
diuer-

diuersam ab excommunicatione huius. Neque Pan. satis perpendit, dicēs, quod est omnino eadem. Sed veritas est; quod quatenus illud, cap. continet, excommunicatos esse illos, qui huic cap. contraveniunt, intellegendum est de excommunicatione huius. cap. quatenus autem continet excommunicatos esse, qui merces nō veritas sine animo malo tēpore belli ad Sarracenos deferunt, continet aliam, & propriam excommunicationem. Quę noua & singularis concordia est: & efficaciter probatur per ea, quę in notab. 10. supra scripsimus.

Ad 3. respondeo, illam conclusionem, quam Io. ab Anna. colligit, veram quidem in se videri, & ex gloss. rectē illam colligi: at non consequi ex hoc, gloss. esse veram. Quippe quodd licet ex vero nequeat inferri falsum: ex falso tamen sępe inferitur verum, secundum Aristotelem. 1. Posterior.

30 Ad 4. respondeo primo, illud dictum Bartol. regulariter quidem verum in diuersis legibus diuersas pœnas imponētibus: non autem in refricantibus eandē; saltem quando illę sunt eiusdem legislatoris vel eadē potestate fungentium. vt sunt qui has censuras tulerunt. Nam & cap. de multa. de pręb. statuit, vt nactus secundum curatum perdat prius: idem refricatur in extr. execrabilis. Io. xxij. at ideo non sunt duę priuationes diuersę; sed vna tantū. Et per. l. penul. quę Vlpiani est. ff. de in ius vocan. pœna. 50. aureorum est statuta contra libertum vocantem in ius sine venia patronum: & similis pœna statuitur per l. fin. eiusdem tit. quę Modestini est: sed nō est: diuersa; immo eadem secundum omnes. Et qui hominem iniuste occidit, lege euangelica, vel saltem Cęsarea regia, & statutaria iubetur regulariter occidi; at tamen non est tribus modis, sed vna tantum occidendus. Secundo respondeo, quod aliud est per pœnam legis nouę non tolli antiquam, quod ait Bart. aliud per legē nouā similem omnino pœnam, pœnę legis veteris in eodem casu incidētem non induci aliam ab antiqua; quod nos dicimus.

31 Ex his inferitur nouē, quod excommunicatio cap. ad liberandam. infra eod. partim est noua, partim vetus, & refricatio antiquę. Vetus quidē quoad eos, qui excommunicātur hic; noua vero quoad eos, qui hic nō excommunicantur, scilicet, vendentes naues sine malo animo, vt in not. 10. coroll. 4. diximus.

Vndecimo inferitur etiā nouē, excommunicationem item cap. quod olim. infra eod. partim esse veterem, & partim nouam. Veterem quoad eos, qui etiam hic excommunicātur: nouam autē quoad deferentes alias merces, quā bellicas, & sine animo bellico.

Duodecimo etiam nouē, excommunicationem extrauag. multa. huius in et tit. veterem esse, quoad deferentes arma, ferrum, & lignamina galearum, & etiam alia eo animo, vt eis impugnentur Christiani ad terras Aegypti: veterem, inquam, sed noua qualitate, scilicet referuationis

tionis affectam. Quoad eos autem, qui alia neque hic neque in cap. significauit, neque in cap. ad libetandam, infra eod. prohibita deferunt, esse nouam, idemque dicendum de extrauag. olim supra in. 10. notab. relata.

- 32 Decimotertio excommunicationes latas per bullam Cœnæ Domini à Martino v. & post eum ab omnibus alijs, non per viam legis: sed per viam sententiæ hominis, esse vnā, & non diuersas; tum per prædictā; tum, quia substantia censurarum ex mente proferentium eas nascitur, vt colligitur ex Panor. in cap. 2. de testib. cogen. col. 3. & in cap. P. & G. de offi. deleg. col. 4. Quin & facile teneri posset, hanc excommunicationem bullæ Cœnæ Domini, quatenus concurrit cum excommunicatione iuris non esse aliam ab illa, vt supra dixi: licet quatenus non concurrit cum ea sic. Non concurrit autem quoad equos, siue malo animo delatos, vt in not. 10. nu. 23. diximus.
- 34 Decimoquarto inferitur, excommunicationes ab episcopis maritimarum ciuitatum ita latas, vt sint suæ, diuersas esse à latis à iure, & per bullam Cœnæ Domini: quia auctores sunt diuersi, neque eadem potestate fungētes, vt successores, & prædecessores. Dixi ita latas, vt sint suæ. Quia si ferrentur, tanquam in nouationes, & publicationes à iure latarum essent eodem, per ea, quæ supra diximus in notab. 2. ex hac gloss. supra elicto.
- 35 Decimoquinto inferitur, cōfessarium, qui eiusmodi peccatorem audit, licet habeat potestatem absoluendi ab omnibus excommunicationibus iuris, & bullæ Cœnæ Domini, non posse quem absolvere ab excommunicatione prædicta episcoporum, nisi habeat etiam aliunde legitimam potestatem absoluendi ab eorum excommunicatione, vt colligitur ex Hostien. & ex alijs in cap. quod olim. infra eod. vel nisi teneamus illud singulare Io. Imol. in cap. ex frequentibus. de insti. per illum tex. & in cap. graue. de præbend. col. 4. quem ibidem, & in cap. in Lateranensi. eiusdem tit. sequebamur, post Feli. in cap. pastoralis. §. 1. de offic. ordinat. scilicet. excommunicatū generaliter ab homine, perinde posse absolui ac alium excommunicatū à iure, cuius absolutio nemini est reseruatā. Quod etiam nunc pet placet.
- 36 Decimosexto, confessarium, qui huiusmodi peccatores de quibus loquitur hic tex. audit, inquirere debere, an præter excommunicationē iuris incurret etiam excommunicationem bullæ Cœnæ Domini, vel qualitatem reservationis per eam inductam: & an etiam excommunicationem episcoporum, vt norit, an habeat legitimam potestatem absoluendi ab vtraque, vel neutra, an tantum ab altera; quo sciat, an absolvere possit eos à suis peccatis. Quandoquidem penitens prius debet absolui ab excommunicatione, quam à peccatis: eo quod excommunicatus est separatus à participatione sacramentorum, & omnium diuinorum.

vt contra Ange. & quosdam alios retigimus in cap. cōsideret. §.cautus. nu. 23. de pœnit. d. 5. & latè determinauimus in cap. fratres. à num. 38. vsque ad 44. eiusdem d. Si tamen habet potestatē absoluedi ab excommunicationibus latis à iure, credat, se habere potestatem absoluedi etiā ab excommunicationibus latis ab homine, generaliter non referuatis, per Io. Imol. prædictum; & ita poterit absoluerē ab excommunicationibus latis per episcopos prædictos: quamuis contrarium expresse dicant Hostiens. & communis. sed hæc dicunt non aduerentes illud singulare Io. Imol. prædictum.

- 37 Decimo septimo inferunt, excommunicationum latarum per prædicta iura alias esse reseruatas Papæ, alias non. Esse quidem reseruatum illam, quæ continetur in d. extrauagan. multa. & in processu Curie Romanæ solito fieri in die Cænæ Domini; illam vero, quæ fertur in hoc cap. & in dicto cap. quod olim. & in cap. ad liberandam. infra eodem, quatenus non concurrunt, cum reseruatione bullæ Cænæ Domini, vel cum dicta extrauag. multa. non esse reseruata, quidquid Panor. in cap. Quod olim. dixerit. Quoniam nullius excommunicationis à iure latæ absolutio reseruatur Papæ, nisi ei expresse reseruetur cap. nuper. de sen. ten. excommuni. & attento tempore huius canonis, hæc illi non fuit reseruata: immo neque quoad casus, in quibus concurrunt cum latis per bullam Cænæ Domini; modo non concurrat cum d. extrauag. multa. si teneamus, quod differant ab eis veluti à latis ab homine. Et quamquam aliis fuerint contrariæ opinionis: nunc tamen in ea sum, vt putē verius id, quod antea dixi, facile sustentari posse, scilicet excommunicationes bullæ Cænæ, quatenus concurrūt cum excommunicationibus iuris, easdem esse cum excommunicationibus iuris; & solum adijci qualitatem reseruationis: & intentionis Roma. Pontif. non esse tot excommunicationes in eodem casu, ob eandem causam, contra eosdem multiplicare: sed veterem latam innouare, & reseruationis armis munire.

- 39 Neque obstat, quod in bulla Cænæ dicit Papa: *Excommunicamus. vt patet ex tenore eius relato per Diu. Anton. 3. part. tit. 24. cap. 72. & declara. per nos in Manu. cap. 27.* Quoniam etiam Innoc. iij. in. cap. ad liberandam. eodem verbo vtitur. At tamen quoad casus, in quibus eoncurrit cum excommunicatione huius cap. non videtur nouam censurā inducere: quod videtur sentire communis. Eodem etiam verbo vtitur d. extrauag. multa. quæ tamen quoad casus, in quibus concurrat cum nostro cap. & cap. ad liberandam. infra eod. non videtur nouam censuram inducere: sed nouum munimentum reseruationis. Et ne dicas: frustra ergo in prædictis tribus locis Roma. Pontif. vtitur verbo illo: *Excommunicamus.* cum nihil aliud faciat, quàm veterem excommunicationem innouare. Ne, inquam, hoc dicas; considera, quod operatur primo,

mo, vt excommunicatio hæc sustentetur per posteriora iura; licet tollerentur priora. Secundo, quod in quolibet posteriorū inducitur quoad aliquos noua excommunicatio, vt ex dictis in 10. not. coroll. 4. & alijs apparet. Et ideo plus multo operatur, quàm si dixisset: *Innouamus & reseruamus absolutionem*. Et ita verbum: *Excommunicamus*, in posterioribus dispositionibus respectu vnius accipitur, pro *Innouamus*, & respectu alterius pro noue excommunicamus. arg. à simili. cap. ab excommunicato. 40 de rescript. & cap. cum dilectus. de consuetu. Quorū vtrunque ab aliquibus putatū singulare probat idem verbum, vel eādem clausulam ad diuersos relatā diuersa operari. Sunt tamē multa alia citata per Decium in cap. quoniā Abbas. de offic. deleg. idem probantia.

Ad hanc opinionem tenendam me plurimum mouet, quod videtur consona intentioni S. Sedis Apostolicæ: & quod vis reperias confessarium, qui eiusmodi peccatores intendat absolueri ob vnum tale delictum, nisi ab vna excommunicatione. Et graue, ac molestum est condēnare tot cōfessarios, & obligare tot pœnitētes ad nouas absolutiones querendas: & quod etiam à Felice Papa, & ab Alexand. ij. sunt excommunicati hæretici cap. Atharius. 2. & cap. audiuius. 24. q. 1. qui postea excommunicati fuerūt per Lucium iij. in cap. ad abolendā. in princip. de hæret. & postea per Innoc. iij. in Concilio Generali cap. excommunicamus eod. tit. quorum nullus reseruauit sibi absolutionem. Et post Innoc. quotannis in die Cœnæ Domini quilibet Roma. Pontif. qui pro tē
41 pore est, excommunicat eosdem per verbum: *Excommunicamus*, reseruando sibi soli absolutionem: at nemo dicit, hæreticum incurere quinque excommunicationes; immo neque duas. Immo Syluester parum cogitans de hac difficultate dixit in verb. excommunicatio. 7. casu. 2. notab. 4. quod excommunicatio contra hæreticos à iure lata, non reseruatur Papæ; & ideo ab illa quis posset absolui, arg. cap. nuper. nisi reseruaretur Papæ, per annalem processum: per quod clarè sentit excommunicatione tot iuribus, & à tot omnibus per bullam Cœnæ Domini latā esse vnam: & vna sublata, omnes censi sublatas: ergo idem penitus dicendum est de censuris à varijs Rom. Pontif. per varia iura, & per bullā Cœnæ Domini, in huius cap. materia latis; quæ æqua, noua, & quotidiana conclusio est. Vtinam omnes per baptismum nouati tanto in Cœnæ dominicæ sacramentum amore feramur tanta latria, & religione subdamur, vt laqueos omnes bullæ Cœnæ Domini ita vitemus: aut ita nunquam amplius in eas casuri dissoluamus, vt tandem rectā in Cœnā illam cœlestem, ad quam iam pridem inuitamur, perueniamus. Amen.

F I N I S.

M 2 ORNA-

ORNATISSIMO VIRO SOCIETATIS

Iesu sodali integerrimo Ioanni ab Azpilcueta,

Martinus Saluador ab Azpilcueta. S. in

IESV CHRISTO. P.



*UM in gratiam insignis tui ordinis, Societatis ne-
pe Iesu, integerrime Ioannes, cuius te non indigni
sodalem in ista Brasilia, tato terra, marisq. tractu
à nobis semota, in colenda vinea Domini hacten-
us neglecta, imperio toti Lusitano exhibes; annun-
culus mens, idēque tuus patruus, siue potius viriuf-
que pater, hanc praclarissimam, & hoc saeculo pernecessariam rele-
ctionem, magna intentione animi compositam, firmaq; voce pronun-
tiam, edere statuisset. ut eum tanta laborum mole ceu obruptum,
vel hac particula leuarem, has eius puras à corruptione margaritas
veluti ad lineam vocanti; ut tibi in imbuēdis sacrosancta euangely
philosophia paganis occupatissimo; qua ex ea pio fuerint vsui, facile
obuia sint: & res ipsa tota pia, variaq; eruditione absoluta tua ista
sancta, doctaeque anima velut in speculo sese offerat. Accipe igitur,
optatissime, ac obseruandissime Ioannes, Christiano, quo soles om-
nia, pectore hunc elenchum tuo nomini iure optimo dicatum:
ac me vicissim pijs votis Christo commenda, ut quo absentes frui-
mur in terris, tandem praesentes eodem perfruamur in calis. Vale.*



1011 127

INDEX RERVM, ET VERBORVM

BREVITER COLLECTVS.

A

A bsolui an possit Christianus remex contra Christianos metu mortis remigans. Not. 11. num. 11. pag.	67
Et an sit excommunicatus. ibi. nu. 18. & an inci-	
dat in bullam Cene Domini. ibi. nu. 19.	69
Absolutio ad effectum presentium a quibus absol-	
uat, in litteris Papae. in gloss. ult. num. 14.	83
Et a quibus in litteris Legati. ibid. n. 18.	84
& Summi Penitentiarii ibid. nu. 19. & includit censuram bullae Co-	
nae Domini. ibid. nu. 20.	85
Absolutus generaliter a peccatis, & censuris ab eo, qui poterat, videtur	
absolutus a censuris peccatorum oblatorum. in glo. ult. nu. 20.	85
Absolutus ab una excoicatione huius cap. an absolutus ab oibus. ibi. n. 22.	85
Alus vnus vitij sit alterius: sicut vnus virtutis sit alterius. Not. 2. n. 7.	10
Alus expresse factus ob aliquem finem, vel tendens in illum & lata culpa non	
consideratur, pares. Not. 10. n. 8. & quid est redire in suam formam. ibid. 9.	52
Andr. Alciatus miraculum nostrae aetatis litterarium, magna cum iactu	
ra litterarum mortuus. Not. 7. num. 10.	34
Aegyptus, & aliae terrae Sultani, & Turecae hodie quoad hoc exaequata.	
Not. 10. num. 46.	65
Agi, portari, ferri, ut differunt secundum iuriconsultos. Not. 8. n. 17.	42
Animus vere malus quis, & quis equipollenter. Not. 10. num. 6.	51
& quod triplex est, ibid. num. 10.	52
Arma, & alia necessaria ad impugnandos Christianos subministrantes	
Sarracenis, & naues eorum piraticas gubernantes excommunicati	
sunt, & rebus suis priuandi, & capientium sunt serui. Not. 1. nu. 1.	3
Arma etiam proprie omnium artium instrumenta. N. 5 n. 1. hic autem pro solis	
bellicis accipitur. ibi. n. 2. quorum varie species, & inuictores ibid. 3.	23
Arma bellica esse arma defendendi etiam proprie contra Ang. & Ias.	
Not. 5. nu. 4. pag. 23. & etiam fustes, & lapides contra eosdem, &	
alios. ibid. nu. 5. Non autem cultellum paruum. ibid. nu. 6.	24
Arma non esse aliquando lapides defectu intentionis, & non significationis.	
Not. 5. nu. 7. cum intellectu nouo glo. Clem. 1. de statu monacho. ibi. n. 9.	24
Arma bellica noue definita. Not. 5. nu. 10. qualia nulli homini a natu-	
ra data. ibid. nu. 11. & noue diuiduntur. ibid. nu. 13.	25
Arma non esse omnia nocetia. Not. 5. nu. 14. nec semper in id fabricata.	
ibid. nu. 15. esse praesumpta, & non praesumpta ibid. num. 16.	26

I N D E X.

<i>Arma, cur in alijs statutis aliud significat. Not. 5. nu. 17. & latius. ibid. nu. 21. cur hic interdum lapides, & interdum non. ibidem nu. 19. & idem de lignis. ibid. 20.</i>	26. & 27
<i>Arma non esse arcem, neque trirēm, neque equum, & ideo rusticum posse nutrire, & agere equum. Not. 5. num. 22. licet arma deferre nequeat. ibi. nu. 24. & que sunt quoad cap. resolutiue, & cultellum non esse, nisi intentio, &c. ibid. nu. 25.</i>	27. & 28
<i>Arma, & necessaria fr̄bmini strantium definitio. Not. 8. nu. 2. & declaratio. ibid. 3.</i>	40
<i>Arma ad alios hostes, quam Sarracenos deferens, non incidit in hanc censuram. in gloss. 2. num. 1.</i>	70
<i>Arma non habet, si ferrum non habet, mala illatio. ibid. nu. 2.</i>	70
<i>Arma sunt lapides, etiam proprie intentione assumentis. ibid. nu. 3.</i>	70
<i>Armorum materiam, pro ut cuiusmodi, nō esse arma, neque eqnōs, neque mulos. Not. 5. nu. 26. & ideo, &c. ibid. nu. 27. neque secures, rasira, &c. & ideo, &c. ibid. nu. 28.</i>	28. & 29
<i>Auaritia cur idolorū feruitus, cur ceca. Not. 2. n. 3. cur hic s̄ua. ibid. 4.</i>	10
<i>Auaritiam huius cap. etiam esse fauitiam. Not. 2. nu. 6.</i>	10
<i>Aurum, vel argentum infectum, vel factum quid. Not. 5. nu. 4. pag. 30. & neutrum specialiter hic prohiberi. ibid. nu. 9. nec materiam ferri. ibid. nu. 10. sed generaliter sic, si mala mente, &c. ibid. nu. 11.</i>	31

B

B <i>Arbaris verbis sepe Romanum Pont. vti. Not. 7. nu. 1. pag. 33. & magna ex parte Gothici, ibid. nu. 7. & cur ibid. nu. 8. praesertim hic. ibid. nu. 9. non tamen abuti sacra scriptura. ibid. nu. 11.</i>	34
<i>Bellum pro patria, & religione iuris naturæ. Not. 1. nu. 8.</i>	6
<i>Bellare habitu quis dicatur, & quanta prudentia hic opus, & quid regibus consulendum. Not. 4. nu. 29.</i>	21
<i>Bellum, & pralium, ut differunt. Not. 10. nu. 5.</i>	51
<i>Bulla Cane Domini, & cap. hoc ut conueniunt. Not. 4. nu. 26.</i>	20
<i>Bulla Cane Domini quoad hoc tenor. Not. 1. nu. 5.</i>	5

C

C <i>Apitulū hoc prohibere aliquid. Not. 1. nu. 6. sed solū tacite. ibi. 7. quia panā adijcit. ibi. n. 11. cuius respectu est nouū. ibi. n. 12.</i>	7. & 8
<i>Causa perēpta res perit, i gl. 2. n. 4. p. 70. si materialis, vel formalis. ibi. n. 6. 71</i>	71
<i>Causa quadruplex, finalis, efficiens, formalis, & materialis. ibid. nu. 3.</i>	71
<i>Christianus Sarracenos iuuans plus peccat, quā ipsi. Not. 9. nu. 1.</i>	46
<i>Circūstantiam hoc cap. vitā necessariū consistendam. Not. 2. nu. 8.</i>	10
<i>Clericus arma ministrās pugnatibus, an & quādo irregularis. in gl. 3. n. 1.</i>	72
<i>Confessarius in hac materia hoc inquirat. in glo. vlti. nu. 36.</i>	89
<i>Consentiens quando plus, & quando minus peccat. Not. 9. nu. 2.</i>	47

I N D E X.

Copulatiua, Et, dupliciter coniungit: & nunc orationem copulatiuam, nunc de copulato extremo facit.	Not. 11. nu. 3.	pag. 66
Crudelitas, & senitia duo vitia distincta, & vt differunt.	Not. 2. nu. 5.	10
Cupere quos honores licet etiam religiosis.	Not. 2. nu. 11.	11
Cupiditas genus ad malam, & ad bonam; & cupiditas mala genus ad omnē inordinatā.	Not. 2. nu. 1. & hic pro auaritia sumitur. ibid. nu. 2.	9
Cupiditas multiplex bona, qualis est etiam habendi tantum, quo statum mutet.	Not. 2. nu. 9.	10. & 11

D

Defendendo felicitas quis occidit inuadentem: sed nō licet potest vel le eum occidere, etiam tanquam medium ad suam defensionem,		
Not. 11. num. 15.		68
Deferre, & subministrare, an sint idem.	Not. 8. nu. 1.	40
Deseruit Sarracenis, qui in aliud delata eis tradunt.	Not. 8. nu. 21. etiam donando, ibid. nu. 22. & permutando, ibid. nu. 23. & cooperando. ibid. nu. 24. non autē portando de vna terra Sarracenicā ad aliam, nisi &c. ibi. 27. neque portando Sarracenos ipsos armatos, ibid. nu. 28. nec qui deferunt, & non tradunt. ibid. nu. 29	43. 44. & 45
Delatio petitorum, à delatione aliorum differt.	Not. 8. nu. 12. & etiam à subministratiōe eorundem, & à venditiōe. ibid. nu. 13.	42
Delatio prohibitorum sine malo animo, an mala in gloss. 2. nu. 7.		71

E

Excommunicatio duo efficit in gloss. vlti. nu. 3. pag. 80. immo plura ibi.		
nu. 8. pag. 81. & interdum duplicata est vna ibid. nu. 4.		80
Excommunicatio quę reservata, & qua non in hac materia ibid. nu. 37.		90
Excommunicatio finis cap. ita quorundam, & medię ead. ibid. nu. 5.		80
Excommunicatio huius cap. & bullę Cane eadem quatenus concurrunt ibi. nu. 27. pag. 87. & latius ibid. nu. 38.		90
Excommunicatio, etiam internam communionem tollit. ibid. nu. 8.		81
Excommunicatio secunda, an & quem effectum habeat ante primā sublata ibid. nu. 9. & quid de absolūtione. ibid. nu. 10.		82
Excommunicatio hac non semper reservata. Not. 8. nu. 32.		46
Excommunicatio Episcopi in hac materia, quando alia, quā iuris in gloss. vltima. nu. 34. & an eam tollat, qui latam à iure tollere potest ibid. num. 35.		89
Excommunicatio vna tolli potest antequam altera, ibid. nu. 11. & vna sublata non cessentur alia sublata. ibid. nu. 12. licet vna absolūtione omnes tolli possint, & quando id contingit, ibid. n. 13.		82. & 83
Excoicatio cap. ad liberandā de ind. a. & etiā. cap. quod olim. & et extrau. multa. eius. tit. esse partim veterem, & partim nouam. ibid. n. 31.		88
Excoicationē hanc incurrit trās fuga, & arcē, opidum, vel speculā tradēs		Not.

I N D E X.

Not. 8. nu. 33. <i>& se dedens, & arma perdens quando.</i> ibid. n. 34.	46
Excommunicationem impedit interdum id, quod non impedit peccatum mortale. Not. 8. nu. 11.	41
Excommunicationem bullę Cane non incurrit, qui alias merces, quam bellicas Sarracenis deferit. Not. 10. n. 38. pag. 62. nisi mala mēte. ibi. nu. 40. neque vendentes galeas vel naues. ibid. nu. 41.	63. & 64
Excommunicationes sex, an quot incurrit, qui huius cap. contrahent in gloss. vlti. nu. 23. & verius est quod ad summū tres, ibid. nu. 25. quia multæ in eodem casu latæ ab eodem, vel successore eius vidētur esse una frequenter innouata, ibid. nu. 26.	86. 87
Excommunicationes latas per multos Pontifices in bulla Cane Domini unam videri, ibid. nu. 32. immo eandem quæ iuris, quatenus cum ea concurrat. ibi. 33.	89
Excommunicationis solus Christianus capax. Not. 8. nu. 7.	41
Excommunicatur nemo lege, nisi lethaliter peccans. Not. 8. nu. 9.	41
Excommunicatus est, qui iuuat quandoq; licet non sit qui facit, & an semper ibi. Not. 9. nu. 4.	47
Excommunicatus est deferens arma Sarracenis habentibus satis eorum. Not. 10. nu. 42. & tradens arcem, turrim, speculam, & quamuis aliā fabricā malo animo, ibid. nu. 43. & tradens comestum & ad illum pertinentia, vt talia. ibid. nu. 44. & qui calcem, & lapides quando. ibi. nu. 45.	64. & 65
Excommunicatus iterum excommunicatur. in gloss. vlt. nu. 1. nec est omnino extra ecclesiam. ibid. nu. 2.	79
Extenuans, Olim, cur creditur esse. Not. 10. nu. 31.	60

F

Ferri delatio ad Sarracenos prohibita. Not. 6. nu. 1. tam infecti, quā facti. ibid. nu. 2. Et quid infectum contra Syluest. ibid. nu. 3. Sed ob hoc alia armorum materia non. ibid. nu. 5. pag. 30. nec clauiculi, gladioli, &c. ibidem. nu. 12. nisi, &c. ibid. nu. 13.	32
Ferri delatio peior, quā alterius materia. Not. 6. nu. 8.	31
Ferrum deferre Sarracenis sponte, quando non malum. Not. 10. nu. 29.	59
Francisco Regi Galliarum fauens an violat hęc cap. Not. 4. nu. 27.	20

G

Galea pro specie naui barbarum, & fuisse triremes, quinqueremes. Not. 7. nu. 5. Immo, & ordinum. 12. 20. 30. & 50. ibid. nu. 6. pag. 33. & galeas ad bellum aptiores, ubi, & quare. ibid. nu. 15.	36
Galearum materiam omnem, neque hic, neq; in processu Cane Domini prohiberi. Not. 7. nu. 16. & ita nec stupam, picem, &c. ibid. nu. 17. nisi, &c. ibid. nu. 18. galeas autem sic hic, & ibi. ibid. nu. 20. & naues	

I N D E X.

in processu & in cap. ad liberandam. infra. ibid. 22. 33. & 31
 Generis appellatio species omnes proprie continet. Not. 10. nu. 35. 62
 Gloriarī se nomine Christiano licere. Not. 3. nu. 1. & quādo, & quatenus
 necesse. ibid. nu. 2. 11. & 12

H

Heresis infidelitatum pessima. Not. 4. nu. 20. 18
 Hæreticus an semel, an ter excommunicatus in gloss. ult. nu. 41 21

I

Ignorantia, quæ excusat. Not. 8. n. 25. & quæ necessitas. ibid. nu. 26. 21
 pag. 44. & quæ paruitas. ibid. nu. 30. & quæ gratitudo. ibi. nu. 31. 45
 Impugnare non debet quis id, quod sentitur. Not. 1. num. 3. 4
 Infideles non continentur hic. Not. 8. nu. 5. & cur. ibid. num. 6. & quæ
 lege, & à quo punientur. ibid. nu. 8. 40. & 41
 Intellectus nouus. l. armorum. ff. de verb. signif. Not. 5. nu. 12. 25
 Intellectus l. 1. & ibi Bart. ff. ad legem Iuliam de vi publi. & §. final.
 Authen. de armis. Not. 5. nu. 18. 26
 Intellectus declarationis Greg. ix. nouus Not. 7. nu. 19. 37
 Intellectus quatuor illius Apostol. De his, qui foris sunt, nihil ad nos.
 Not. 8. nu. 4. 40
 Intellectus nouus huius cap. Not. 8. nu. 14. & cap. ad liberandam. ibid.
 nu. 15. pag. 42. & in gloss. vlti. nu. 6. 81
 Intellectus cap. quod olim infra codē. Not. 10. 31. 54
 Intellectus nouus clausula bullæ. Cane Domini. Not. 10. nu. 39. 63
 Intellectus cap. ita quorundam, & cap. ad liberandam, & in quo conue-
 niunt, & differunt inter se, Not. 10. nu. 19. & quoad extrauag. multa
 ibid. nu. 20. & in quo extrauag. Copiosus. ab illa ibid. 21. & in quo il-
 la profuit ibid. nu. 22. & in quo clausula processus Cane Domini ab
 omnibus. ibi. nu. 23. 56. & 57
 Intellectus nouus l. ut vim. ff. de iusti. & iur. Not. 11. nu. 13. 68
 Intellectus lex hoc iure. ff. de iusti. & iure. in. gloss. pen. nu. 13. 77
 Intellectus verbi: excommunicamus, bullæ Cane Domini in glo. ult. n. 39. 90
 Ius naturale quid nouē in gloss. penul. nu. 3. 75

L

Legem hanc quatenus Papæ est solus Papæ; quatenus alterius Monar-
 chæ solus ille. quatenus Dei, nemo alius ab eo tollit. Not. 1. n. 11. 7
 Et an, & quando licentia ducum excuset. ibid. nu. 13. & 14. & exem-
 ptus ab ea, etiam iniuste per Papam tutus. ibid. nu. 15. 8
 Legi non solum Pontificiæ, Regiæ, & Cæsareæ: sed etiam naturali diuinæ
 contraria esse hic petita. Not. 1. nu. 8. 6

I N D E X.

Legitimus filius coniugis ignari impedimēti alterius in glos. penul. n. 18.	78
Lex <u>penalis</u> de <u>stricto</u> significato, ad <u>large</u> significata extenditur, quādo.	43
Not. 8. nu. 19.	
Lex <u>penalis</u> de <u>uno</u> frequenti ad aliud rarum extenditur. Not. 6. nu. 6.	30
cum est eadem ratio, aliās non. ibid. nu. 7.	
Lex Decalogi, lex naturæ. Not. 1. nu. 10.	7
Libertas iuris naturæ quoad statum lapsum uno respectu. in glos. penul.	
nu. 7. & quoad statum innocentia altero. ibid. nu. 8.	75. & 76
Ligna <u>fraxinea</u> , & <u>corylea</u> oblonga, & <u>similia</u> , & <u>alia</u> <u>trunca</u> , ubi & ad	
quem locum, & per quæ iura prohibita. Not. 7. nu. 23.	38
Lignum pro ligno, barbarum. Not. 7. nu. 2. Et pro <u>lignamina</u> male	
nōne repositum, <u>ligamina</u> . ibid. nu. 3. & <u>impudenter</u> . ibid. nu. 4.	33
Lignaminū latior prohibitio in bulla Cæne, quam hic & <u>circa eis</u> <u>conten</u>	
<u>ta</u> doctores longe varios esse. ibi. nu. 12. Licet parū attento idē sentiāt.	
ibid. nu. 13. & resolutio per plura dicta. ibidem. nu. 14.	35
Lusitanus quis <u>videns</u> Goe equos Sarracenis vitat <u>has</u> <u>cen</u> <u>suras</u> . Not.	
4. nu. 23. ut Castellanus qui nuper cum Armenijs iunxit regem Per-	
<u>sarum</u> <u>contra</u> Turcam. ibid. nu. 24. & Gallus qui Aeneobarbo à se	
<u>vocato</u> <u>fanit</u> , si saltem, &c. ibid. nu. 25	19. & 20

M

Magnanimitatis, & humilitatis munera. Not. 2. nu. 9.	10
Malum nullius generis fuisset ante peccatum. in glos. penul. nu. 9.	76
Materia retita, vetatur factum ex ea, non contra. Not. 7. nu. 21.	37
Mens mala actualis, & virtualis. Not. 8. nu. 10.	41
Metus licet excusaret à furto. Not. 11. nu. 12. pag. 68. non tamen ab oc-	
cidendo non innuadentem. ibid. nu. 16.	69
Mors, ne malo, consentias, gloriosa. Not. 11. nu. 17.	69

N

Necessaria ad impugnandos Christianos ministrans Sarracenis	
excommunicatur. Not. 10. nu. 1. & quæ sunt illa secundum mul-	
tos. ibi. nu. 3. & quæ secundum auctorem. ibid. nu. 4. pag. 49. & 50.	
& probatur. ibid. nu. 11. & cōfutantur <u>contraria</u> . ibid. nu. 12.	52. & 53
Necessarium tripliciter inrisperitis sumi. Not. 10. nu. 2.	49

P

Pape solius, & Concilij eadem potestas, in gloss. vlti. nu. 28. & an sit	
supra Concilium remissuē. ibid. nu. 29.	87
Pena legis prioris nō tollitur per penā <u>posterio</u> <u>ris</u> . in gl. vlt. n. 24. p. 86.	
& quādo quis punitur utraque. & quādo cēsetur eadem. ibid. nu. 30.	88
Positiminio in armis locum non esse. Not. 5. nu. 23.	28.

I N D E X.

Præsumptionem, quod mala mente sint delata illa aut illa, vel non, non esse iuris, & de iure. Not. 10. nu. 27. quæ definitur. ibid. nu. 28.	59
Prohibita hic duplicia generaliter, & specialiter. Not. 10. nu. 16. & definitur. ibid. nu. 17. & numeratur. ibid. nu. 18. pag. 55. & quare diuerse prohibita, ibid. nu. 24. & in quo differunt. ibid. nu. 26. — 57. & 59	59
Prohibita quæ præsumuntur mala mente facta, & quæ non. ibid. nu. 25.	58
Prohibita alia simpliciter, alia secundum locum, alia secundum tempus. ibid. num. 30. & non omnia specialiter prohibita esse simpliciter. ibid. num. 32.	60. & 61
Et tantum prohibita, simpliciter appellari prohibita. ibid. n. 33.	61
Prohibitio specialis huius cap. in quo specialior, quàm specialis cap. ad liberandam. infra eod. noue. Not. 11. nu. 5.	67
Prohibitorum diuisio, non est analogæ. Not. 10. nu. 36. Cur ergo tantum prohibita simpliciter alia. ibid. nu. 37.	61

R

Ratio necessario concludens lex est. Not. 10. nu. 14. nec refert an sit immediata, vel non, dum concludat. ibid. n. 15.	55
Reg. in dubio præsumendum bene agere. Not. 4. nu. 28.	21
Regula de infordeſcentibus tenor. in glos. vtri. nu. 15. & eius declaratio. ibid. nu. 16 & virtus eius. ibid. nu. 17.	84
Remex illicite remigat in Chriſtianum. Not. 11. nu. 14.	68

S

Sarracenorum naues piraticas regentes excommunicati. Not. 11. n. 1. & etiã galeas nō piraticas. ibi. nu. 2. quia galea ex se bellica est. ibi. nu. 4. pag. 66. quid de vectoribus. ibid. n. 6. & alijs ministris. ibid. nu. 7. & nantis. ibid. nu. 8. & quid de iuuantibus, & remigibus vinclis. ibid. nu. 9.	67
Sarracenorū appellatione an omnes infideles contingantur, tres opiniones referuntur, & relinquuntur. Not. 4. nu. 1. & 2. pag. 13. quarta ponitur. ibid. nu. 7. continetur fautores. ibi. nu. 8. & Turca. ibid. nu. 9. & Sarraceni solo Chriſti odio pugnantes. ibid. nu. 10. pag. 15. & quidā apostata. ibi. nu. 11. & quidā Chriſtiani. ibi. nu. 12. pag. 16. nō autē Sarraceni iuste bellantes. ibid. n. 13. nisi & c. nec Chriſtianis subiecti, nisi & c. ibid. n. 14. nec Sarraceni nos iuuantes. ibi. nu. 15. nec hi, quibus cū nō est caussa belladi, nisi, & c. ibi. n. 16. p. 17. nec Iudai. n. 17. nec hæretici. ibid. n. 19. p. 18. nec pagani. ibi. n. 21. nisi & c. ibi. n. 22.	19
Sarracenorū defectionis ab imperio Romano occasio. Not. 4. num. 4. & eorū proſper ſuccellus. ibi. nu. 5. & cedes nobiliſſima ibi nu. 6.	14
Sarracenus, verbum originariè populos poſt Nabathæos Arabiſe ſignificat. Not. 4. nu. 3.	14

I N D E X.

Scire, & scire debere paria.	Not. 10. nu. 7.	52
Servitus an aliqua inducitur iure nature in gloss. penult. nu. 1. & quod non ea, quę est hominis ad hominem de qua hic. ibid. nu. 2. quę vero est hominis ad Deū sic. ibi. n. 4. & hominis ignari ad sapientē. ibi. n. 5. pag. 74. & 75. & etiam alia certo respectu. ibid. nu. 11. & nu. 15.	76. & 77	
Servitus sacris literis primum innotuit. ibid. nu. 6. est contra ius naturale quoad statum innocentie vnore respectu, & quod alium altero. ibid. nu. 10.	75. & 76	
Servitus est inuentum Noe, non Lacedemoniorum. ibid. nu. 12. nec in ris gentium: licet eo sit inuentus modus inducendi aliquam. ibid. n. 14. sicut & alij iure civili, & Pontificio. ibid. nu. 15.	76. & 77	
Servitutem de qua cap. cum multa. 1. 5. q. vlti. etiam nunc durare. ibi. n. 16.	77	
Servus non est natus ex coniugio sacerdotis, & vxoris eius id ignorantis. ibid. nu. 17.	77	
Servus ob delictum non potest manumitti. ibid. nu. 10.	78	
Subministrare genus ad deferre. Not. 8. nu. 16. & definitur. ibid. nu. 17. & continet vendere ibid. nu. 18. pag. 55. & permittere extrahi de portu. ibid. nu. 20.	56	
Summarium quod aptum. Not. 1. n. 2. pag. 3. & huius cap. summarium nō probatur, nisi duobus ex octo pro eo adductis. ibid. nu. 4. & alijs	4. & 5	

T Ale secundum quid, non simpliciter tale. Not. 10. nu. 34. 61

V Erbū, beneficiū, cur non semper enrata includit. Not. 5. nu. 8. 14
Verbum, idem ad diuersa relatum varium in gloss. vlt. nu. 40. 91

Regestum.

† A B C D E F G H I K L M

Omnes sunt duerniones, preter M, Ternio.

R O M A E

Excudebant Alexander Gardanus, & Franciscus Coarsinus.

M. D. LXXXV.



